


# LISWAYO LA PILI

 Ha lu inamiseñi litho zaluna cwale kwa tapelo. Ndata luna yakwa Lihalimu, lu itumela ku Wena ka yona yee, kolo yeñwi ya ku to Ku lumbeka. Lu itumezi ka kuba babapila ni kuba ni sinulo ya Bupilo Bobusafeli bo bu pila ku luna. Mi lu tile, busihu cwana, Ndate, ku to bala Linzwi la Hao, hamoho, zona likunutu zetuna ze patilwe zee haisamba lifasi litomwa. Mi Ngunyana ki Yena fela yakona ku lu patululela Zona. Ni lapela kuli Atahe mwahala luna, busihu cwana, mi ange Linzwi la Hae ni ku Li patulula ku luna, kuli lukone kuziba mwa kubela batanga babande ku Yena, mwa linako za maungulo zee. O Mulimu, hanze lubona kuli seluli cwale kwa nako ya mafelelezo, lu tuse kuziba sibaka sa luna, Mulena, ni buino bwa luna bo bu fokola, ni buikolwisiso bwa Kutaha kwa Mulena, cwanoñu. Lu kupa ka Libizo la Jesu. Amen.

<sup>2</sup> Ni lumela neli Davida, yanaize, “Ne ni tabile ha ba ni bulelela kuli, haluye kwa ndu ya Mulena.” Ki lithohonolo lelituna kamita la kutaha. Ni—ni ku to bala za Linzwi, hamoho, si lufa sepo tuna yee.

<sup>3</sup> Cwale kuna ni babañata babayemi, mi Ni ka akufa fela kapili mo nikonela. Kono Ni sepa kuli muikozi Kubatani kwa Moya o Kenile, sina mo Ni ikolezi nina, mwa linako nyana zefitile zee. [Kopano ili, “Amen.”—Mu.]

<sup>4</sup> Mi, kacenu. Ni bile ni se si ezahalile se si si ka Ni ezahalela fa nako yetelele. Ne ni sweli kubala litaba zee, fa sinulo ye fa, za ku kwaluha kwa Liswayo.

<sup>5</sup> Myaha ya kwa mulaho Ne ni fitile ku Zona moo, mwendi seli myaha ye mashumi amabeli cwalo kwa mulaho, Na sepa, kamba nto yecwalo, kono ka ku shutana nyana Ne ni si ka ikolwisisa fela. Kubonahala kuli nekuna ni lika zeñwi, sihulu mwa Maswayo aa, kakuli Maswayo ani kona Buka kakutala. Mwabona? Ki yona Buka. Buka kamukana ki Buka fela iliñwi, yeswailwe. I kala . . .

<sup>6</sup> Ka mutala, kambe Nina ni sesiñwi fa, Ne ni ka mi bonisa ze Ni talusa. [Muzwale Branham u bonisa ka kutata ni kuswaya kwa buka, ka kuitusisa mapampili a mapepa—Mu.] *Kile* liswayo li liliñwi. Le ki li liliñwi, mi mwa tatela fateni sina *cwana*, mo ne ba tatelanga. Mi mwa tata sina cwana. Mi, kwa mafelelezo, kuna ni kaemba nyana kaka comoha, sina *cwana*. Leo ki liswayo la pili. Ku lukile, mi, ye ki kalulo yapili ya buka. Kutuha foo, la bubeli litatiwa sina *cwana*, bukaufi fela ni lona. Mi li tatiwa sina cwana, inge *fa*. Mi kutuha foo, kwa mafelelezo, *kwa*, kuna ni kaka comoha kwateni. Kutalusa, maswayo amabeli.

7 Mi kona mo ne iñolezwi Biblele kaufela cwalo, mwa matapa. [Muzwale Branham utatulula mapampili ana itusisa kwa kubonisa za talusa—Mu.] Mi, kacwalo, ku. . . kwalula Maswayo aa, ku kwalula likunutu za Buka.

8 Kikuli ha mu si ka bala mwa Jeremia, mwa na ñolezi zateni, buñata bwa mina ne mu li ñozi maabani busihu? Maswayo ani mwa na ñolezwi ni kupatiwa, kuli abulukwe, kufitela ayo kuta kwa myaha ye mashumi asupile, a bukoba. Na kutile ku to ikungela lituwelo za hae.

9 Mi Ni tabela kubala ka Zona. Hamukoni ku. . . Hakuna mukwa wa ku Li toloka ka ona, kakuli Ki Linzwi la Kuyakuile. Mi ki Buka ya Kuyakuile, kabakaleo lu lukela fela kunata fa libaka zetuna. Mi kacenu, ka kubala, Ni ñozi Mañolo amañata kuli mukone kuipalela Ona. Mi hape. . . Mi matepu aka patulula zeñata za Teni, hanze mubala. Mi kuna ni lika zeñata luli!

10 Kambe Ne ni ka yema fela fa katala fa ni ku mi patululela Zona, mo ne Li patululezwi ku na mwa muzuzu, mawi, neikaba nto ye makaza. Kono, ha mufita fa, mwa ikalelwa, ni kukala fela kufitelela lika, ni kulika fela kutisa litaba zetuna kwa sicaba, kuli ba Li bone.

11 Na itumela luli kwa pina yani Muzwale Ungren ya opezi; *Kuzwa Kwa Kanya Ya Hae*. Kambe Na si ka taha kuzwa kwa Kanya ya Hae, ki kai ko ne lukaba kamukana aluna busihu cwana? Kacwalo lu itumezi kuli U ti lo lu tusa.

12 Cwale, ni babañata babayemi, lu ka akufa fela mwahali mo, mo—mo lukonela. Ha ni buleli kuli lu ka mata kukitima fela, kono Ni talusa kuli lu ka kalisa kapili fela. Mi cwale ha lu apuleñi, cwale, kasamulaho wa. . .

13 Lu bile ni kauhanyo ya 1, ya 2, ya 3, ni ya 4. Ni 5, maabani busihu. Mi busihu boo lu kalela mwa kauhanyo ya 6 ya Sinulo.

14 Cwale halunze lubala kauhanyo yee, lu tamahanya kwa libaka zeshutana, neba kwa Testamente ya Kale ni ye Nca, hamoho, kakuli Buka kamukana ki yona sinulo ya Jesu Kreste. Mwabona? Zeo kamukana hamoho ki sinulo ya—ya Mulena Jesu, ki sinulo ya Jesu Kreste. Ki Mulimu, ya ipatulula Iliyena mwa Buka; kuipatulula Iliyena, ka Kreste, mwa Buka. Mi Kreste ki yena sinulo ya Mulimu. Na ti lo patulula Mulimu, kakuli Yena ni Mulimu neli baba swana. “Mulimu nali ku Kreste, inza kutisana lipilu ni lifasi ku Yena.” Ka manzwi asili, nosike kuziba kuli Mulimu ki sikamañi kwanda kuli Aipatulule Iliyena ka Kreste; kipeto wakona kubona.

15 Ne ni nahananga, myaha ya kwa mulaho, kuli mwendi Mulimu na ni nyemezi, kono Kreste na ni lata. Sisa a si yo apuha, kanti ki Mutu yaswana, mwabona. Mi Kreste kona pilu ya Mulimu kasibili.

16 Mi cwale hanze lu bala taba yee, lusweli ku ibapisa cwale. Libuka zetalu zapili za Bibele, za Sinulo, zeo lu tandanisize hande, ki masika a likeleke, ki—ki masika a likeleke zesupa. Cwale kuna ni masika a likeleke zesupa, Maswayo Asupa, Litolombita Zesupa, ni Manaka, ni—ni mioya ye masila yeswana sina limbotwe, ni ze kaufela ze zamaelela hamoho.

17 Mawi, mo Ni latela kuba ni—ni mapa yetuna, ni ku swanisa libaka kaufela, ka mo Ni ibonela, mwa ziba, ka mo lingela sibaka yeñwi ni yeñwi fela. Ni li swanisize fa mpampili yelikani, kono Ni . . . Mwa li ziba. Ni lika kaufela, kutofita fa, li lumelelana fela hande. Ni nako yateni hamoho ni masika, ona mwa tezi ni kufela, mane lika kaufela mo li tamahanezi hande ka swanelo. Kacwalo, hakulata halikoni ku kumbahala hande, kono li lukile hande mo Ni zibela zateni, nihakulicwalo. Mi Na ziba, haiba—haiba Ni eza ka mo ni zibela, mi Ni fose ka kulika kueza zende ze ni ziba, mi ni zende ze Ni ziba hande luli, foo kipeto Mulimu uka ni swalela luli ka niti ka kueza cwalo . . . ka mafosisa haiba Ni fosa.

18 Kono, cwale, libuka zetalu za makalelo zeo, Masika A Likeleke Zesupa. Mi cwale lufumana kuli, mwa kauhanyo ya 4 ya Sinulo, Joani u ngelwa mwa lihalimu. Mwabona? Lubona likeleke. Hakuna zeñata ze bulezwi hahulu ka masika luli. Foo kona fo Ni nahana kuli sicaba si ka komoka luli. Basweli—basweli—basweli kubeya Keleke kwahule kukena mwa Nyandiso, kwa lika ze na ni kuezahala. Mi ne Ni bulezi cwana, la Sunda, maabani: taba yapili mwa ziba, manyando ani aka tasa, mi mu ka komoka kuli kiñi . . . Kutaha kwa pili kwa Kuungelwa. Mi ku kaba sina mo libezi kamita: li ezahalile mi ha mu si ka li ziba. Mwabona?

19 Cwale, hakuna zeñata hahulu ze sepisizwe Keleke yani, yona Keleke ya Bamacaba yani, ya Munyaliwa. Cwale, Ni bata kuli muzibe litaba ze mwa minahano ya mina, kuna ni keleke ni Munyaliwa. Mwabona?

20 Mu lukela ku li zamaisa mwa bulalu nako kaufela; zene ki mafosisa. Zetalu! Zetalu, zesebene, zelishumi, zetwelufu, ni matwenti-foo, ni mashumi amane, mashumi aketalizoho, linombolo ze si ka kauhana zeo. Bibele ki . . . mi Mulimu u zamaisa Mañusa a Hae mwa—mwa lin- . . . lipalo za Bibele, mwa linombolo zeo. Mi mu sa ba ni se si kauhani kwa linombolo zeo, mulukela kutokomela hande. Hasina ku utwahala hande, fa nto yetatama. Mu lukela ku li kutisa kwanu ko ne mukalezi.

21 Muzwale Vayle, Muzwale Lee Vayle, u—u . . . Ni sepa uteni mo. Ne lusweli kuambola zazi leliñwi ka batu baba keluhanga mwa nzila. Kuswana fela ni ku kunupa fa sika. Haiba tobolo yeo i swelwi hande, i lutilwe hande mi italimisizwe hande, i lukela kunata fo inongile; konji mwendi muyengo wani u nyanganye, kamba u sikami, kamba kunjanja ku u kumule kwateni, mi kai kaufela . . . kamba moya u fuke ka buhali. Kaufela ko u ka kalela,

kuna ni fela mukwa ulimuñwi wa kueza ka ona, ki kukuta fo u zwezi mwa nzila, ni ku kalisa hape, haiba ika nata fo i libile. Haiba i sa nati, kupalañi, haisika nata fela fo i libile.

<sup>22</sup> Mi kwa swana ni kubala Mañolo, Na lumela. Haiba lu fumana kuli lukala nto yeñwi fa, mi ha i tahi hande ka swanelo, muka bona kuli ha ki yona, eehe, lubile ni mafosisa fokuñwi, mu lukela kukuta kwa mulaho. Hamuna ku kondisa lika ka ngana ya mina. Zeo ha ki zona fela . . .

<sup>23</sup> Lu fumani fela cwana, ka Mañolo, kuli hakuna mutu mwa Lihalimu, kamba mwa lifasi, kamba mwatasa lifasi, kamba yakile apila fateni, kamba yaka pila fateni, yakona kueza cwalo. Ki Ngunyana fela inosi kona yekona kueza zeo. Kacwalo, mihuwo ya likolo za bulapeli, ibe sikamañi kaufela, ki noto fela. Mwabona? Si lwala Ngunyana kuli a Li patulule, ku felile, kacwalo lu sepa kuli U ka lutusa.

<sup>24</sup> Joani, na swelwi, mwa kauhanyo ya 4, kuli abone lika “zeneli teñi, zeli teñi, ni ze sa taha.” Kono haili Keleke ifelela mwa kauhanyo ya 4. Mi Krete unga Keleke, i ingelwa mwa mbyumbyulu, ku yo Mu katanyeza, mi ha i sa bonahala konji mwa kauhanyo ya 19, mi Ha yo kuta ni. . .sina Mulena wa malena ni Mubusisi wa babusisi, hamoho ni Keleke. Mi cwale, oh, Ni sepa kuli zazi leliñwi lu ka li feleleza, mwendi Asika taha kale. Haiba lu sa ifezi, lu ka libona, nihakuli cwalo, kona kuli halina taba.

<sup>25</sup> Cwale, mwa kauhanyo ya 5 ye, kukwaluha kwa Maswayo aa, mi cwale ki Buka ya maswayo a sebene. Pili, lu bata kubala Liswayo la Pili.

<sup>26</sup> Maabani manzibwana, ka kukutela mwa mulaho hanyinyani fela, lu fumana cwana, kuli, Joani ha talima ni kubona Buka yani inge isali mwa mazoho a Muña yona wapili, Mulimu. Mwa hupula mo ne I latehezi? Ka Adama. Alatehisa Buka ya Bupilo, kwa zibo ya Satani, mi alatehelwa ki lifa la hae, alatehelwa ki lika kaufela; mi nekusina nzila ya puluso. Mi, Mulimu, aeziwa ka kuswana ni mutu, ataha fafasi mi aba Muliululi ku luna, ku to lu liulula.

<sup>27</sup> Mi cwale lu fumana cwana, mwa mazazi a felile, litaba ze ne patilwe li lukela ku kwalulwa ku luna mwa mazazi a maungulo.

<sup>28</sup> Cwale lu fumana cwana, hape, ku se, kuli, nako ya utwa zibiso ye Joani kakuli mu—mu Muliululi wa Lubasi kuli atahe ange zeli za Hae, nekusina mutu ya na ka eza zeo; nekusina mutu mwa Lihalimu, nekusina mutu mwa lifasi, nekusina mutu mwatasa lifasi. Hakuna neba ya na swanela kotalima fa Buka. Mu nahane fela ka zeo. Hakuna mutu, ni yomukana, neba ya na swanela ku I talima.

<sup>29</sup> Mi Joani akalisa fela kulila. Na ziba ona cwalo, oh, nekusina kolo ya puluso nako yani. Lika kamukana ne li palezwi.

30 Mi kapili lu fumana kuli kulila kwa hae kwatuhela, kapili, kakuli ne li zibisizwe ka alimuñwi wa Libupiwa zene, kamba babahulu, nitaluse. Alimuñwi wa ba—ba bahulu ali, “Usike wa lila, Joani, kakuli Tau ya lusika lwa Juda i tuzi,” ka manzwi amañwi, “ikomile, mi i tuzi.”

31 Joani, hafetuha, abona Ngunyana inge itaha. Ne i lukela kulota mali ni kutabiwa ni kuholofala. Ne i tabilwe, mi . . . abulela, ali, “Ngunyana ye ne tabilwe.” Mi, eni sha, ne i sa lota mali; haiba mukona kupuma mumizo ngu ni—ni kuibulaya mo ne ibezi Ngunyana, nihakuli cwalo. Ne i pazauzwi mwa liemba emba fa sifapano, malumo mwa makupo, ni limapo mwa mazoho ni mahutu, ni miutwa fahalimwa liito. Nali mwa butuku bo bu maswe. Mi Ngunyana ye yataha, mi yaya ku Yana inzi mwa Lubona, yana sweli pampili yepaka Muña sika tenyene. Mi Ngunyana yayo nga Buka mwa lizoho la Ya inzi mwa Lubona, mi ha inga, ni kukwalula Maswayo ki ha apula Buka.

32 Mi cwale zeo ha li ezahala, lu fumana kuli neku lukela kuba ni—ni nto yetuna ye ne ezahalile mwa Lihalimu. Kakuli, babahulu, ni babahulu ba twenti-foo, hamoho ni Libupiwa, ni—ni lika kaufela mwa Lihalimu, za kala kuhuwa kuli, “Walukela!” Mi ki ao Mangeloi ataha, mi a sela Manaka a litapelo za balumeli. Balumeli babali mwatasa aletare bahuwa katata bali, “Walukela Wena, O Ngunyana, kakuli U lu liuluzi, mi cwale U lu ezize malena ni baprisita, mi lu ka busa fa lifasi.” Oh, mawi! Mi kona cwalo, nako Ya apula Buka yani.

33 Mwa bona, Buka yateni mane ne i zibilwe kale ni kuñolwa ku si ka ba kale mutomo wa lifasi. Buka ye, yona Bibebe, ne i ñozwi luli ku si ka ba kale mutomo wa lifasi. Mi Krete, kakuba Ngunyana, na bulailwe mutomo wa lifasi u si ka ba kale. Mi ni—ni sicaba sa Munyalwa wa Hae, mabizo a sona na beilwe kale mwa Buka ya Bupilo ya Ngunyana ku si ka ba kale mutomo wa lifasi. Kono, I swailwe, mi cwale I patuluzwi; be mabizo abona nali kuyona, kaufela zeli ku Yona, mi ha ki taba kwa bunde.

34 Mi Joani, ha li ona, a—a bulela kuli, “Lika kaufela za Lihalimu, lika kaufela mwatasa lifasi. . . .” Kaufela za mu utwa ha bulela kuli, “Amen, limbuyoti, ni likute!” Yena luli nana ni nako yende, mi, kakuli, “Ngunyana na lukela.”

35 Mi cwale Ngunyana na yemi. Cwale, busihu boo, hanze lukena mwa kauhanyo ya 6, Una ni Buka mwa lizoho la Hae, mi ukala ku I apula.

36 Mi, oh, Ne ni ka eza hande kacenu. . . . Mi Ni sepa kuli sicaba ki sa moya. Ne ni kaba ni mafosisa amatuna ku Seo, kambe ha ki, twelufu kiloko kacenu, fani Moya o Kenile ha utaha mwa sibaka ku to ni sikulula fa taba yeñwi yene Ni ñola kuli ni bulele.

37 Ne ni I ngile mwa mubonelo wa kale. Ne ni sina sika ku Yona. Hani zibi kuli Liswayo la Bubeli ki sikamañi, hakuna nto yeñwi hape. Kono Ne ni ngile mutalimelo wa kale wa sika sene

Ni ambozi fateni myaha yeñwi kwa mulaho, ne ni iñozwi. Mi Na kubukanya palo yee, palo yezwa ku Dr. Smith, baluti babatuna babañata, babaipitezi bene Ni—Ni kubukanyize. Mi kaufela bona ba lumela cwalo, kacwalo Na i ñola. Mi Ne ni libelela kubulela kuli, “Kihande, cwale Ni ka ipalela Zona kuzwa fa mayemo ao.”

<sup>38</sup> Mi kwani, mwendi ka twelufu kiloko musihali, Moya o Kenile wakena fela mwa muzuzu, mi taba yateni kaufela ya kwaluha kuna, mi ki Sani fani, mwabona, kacwalo. . . ka za—ka za kukwaluha kwa Liswayo la Pili lee. Ni bulela niti sina ha Ni yemi wana fa busihu boo, kuli ye ki Niti ya Evangeli ye Ni ka bulela fa. Ni—Ni ziba fela kuli ku cwalo.

<sup>39</sup> Kakuli, haiba sinulo i shutana ni Linzwi, kipeto ha ki Sinulo. Mi, mwa ziba, kuna ni litaba zekona kubonahala kuba mane inge kona niti cwale, kanti mane ha ki niti. Mwabona? Ku bonahala inge kuli ki cona, kanti ha ki cona.

<sup>40</sup> Cwale, lu funana, Ngunyana ni Buka, cwale. Mi cwale mwa kauhanyo ya 6 halubaleñi.

*Cwale Na bona Ngunyana ha mamula leliñwi la maswayo, mi Na utwa, lilata sina mushika wa pula, mi se siñwi sa libupiwa zene sa li, Taha u to bona.*

*Cwale Na bona, mi neli pelesa yesweu: mi mupahami wa yona usweli buta; mi kuwani wa bulena ya fiwa ku yena: mi a taha ili ya tuzi mi uya kwa ku tula.*

<sup>41</sup> Cwale, Liswayo la Pili kinto mañi, lona le lu ka lika, ka muhau wa Mulimu, ku I tatulula busihu cwana. Ka mo ku konahalela kaufela. . . Mi Ni lemuha kuli mutu, ya ka lika ku I tatulula, uhatikela fa mubu o sabisa haiba ha u zibi zoeza. Mwabona? Kacwalo haiba litaha kuna ka sinulo, Ni ka mi bulelela cwalo. Haiba Ni lukela fela ku linga ka ngana yaka fela, kipeto Nika—Nika mi bulelela zona Ni si ka ambola pili ka zona. Kono Ni kolwa hande cwalo, sina ha Ni yemi ona fa busihu cwana, Kuli zeo litile zenca kuna, kacenu, kuzwa ku Yamata kaufela. Ha ni si ka lemala kubulelanga fela lika ona cwalo, ha li fita fa siemba sa Mañolo se. Na—Na foo. . .

<sup>42</sup> Ni sepa mwa ziba se Ni ambola fateni cwale, mwa bona. Cwale, mwa ziba, mi haukoni kubulela lika. . . Haiba sika si lukela kubeiwa *faa* si si ka ezahala kale, hamu—hamu koni kubulela sika konji haiba kuna ni sika kulo foo. Mwabona? Kikuli musweli mwa bala? Musweli mwa teelega kana? Mwabona?

<sup>43</sup> Cwale, Buka ya Maswayo a Sebene, cwale ya lukululwa ka Ngunyana. Lu taha fa sibaka seo busihu cwana. Mulimu, lu tuse. Sina Maswayo ha nza mamulwa ni ku lukululwa, likunutu za Buka za patululwa.

44 Cwale, mwa bona, Ye ki Buka ye swailwe. Cwale, lwa lumela cwalo. Nji cwani? [Kopano ili, “Amen.”—Mu.] Lu lumela kuli Ki Buka ye swailwe. Cwale, ne lu sa zibi litaba ze sapili, kono Li cwalo. I swailwe ka Maswayo Asupa. Fo ki kuli, kwa mulaho wa Buka, Buka yateni i swailwe ka Maswayo Asupa.

45 Kambe lu ambola za buka ya mufuta o *cwana*, ne ku kaba inge kubeya kahala fahali mwa yona, mihala ye sebene. [Muzwale Branham ubonisa buka kueza mutala—Mu.] Kono ha ki buka ya mufuta o *cwana*.

46 Ki buka yetatilwe. Mi cwale ha i tatululwa, iba iliñwi; mi mwahala yona kuna ni la bubeli. Mi ona *faa* I bulela se sili Sona, kono Ki kunutu. Kono, he, lu alungutile ku Yona; kono, muhupule, Buka i swailwe. Mi Buka yeo ki Buka ya likunutu, za sinulo. Ki sinulo ya Jesu Krete, mwabona, Buka ya ze patuluzwi. Mi cwale mwa ziba, kushetumuka mwahala masika, mutu u alungutile ni kulika kufita ku Zeo. Kaufela lukile kueza.

47 Mi, kanti, nako yeñwi, Na hupula... Haiba—haiba Bo. Bohanon kambe bateni, kamba—kamba yomuñwi wa batu babona, Ha—ha ni talusi ka mukwa kwa kashwau. Bo. Bohanon ki balikani baka luli, mi neli bo muina sipula ba kwa Public Service ha ne Ni sa beleka kwani. Ha Ni piliswa nako yapili, Ne ni sweli ku mu bulelela za kubala mwa Buka ya Sinulo. Ki hali, “Ni likile kubala nto yeo,” a bulela. Mi Bo. Bohanon neli muuna yomunde, mi nali—nali wa siemba sa keleke. Mi—mi ha Ni sa ziba kuli neli wa ifi, kono naize, “Ni sepa kuli Joani na lalezi busunso bobutezi hahulu mbilimbili busihu bwani, mi ayo lobala inza kusi kusinduka.”

48 Na li ku yena, ni ha ne ni ka luza musebezi waka, Na li, “Kana ha mu utwi maswabi kubulela cwalo?” Mi Nenili fela mushimani. Kono se Nili, “Ha mu ikutwi maswabi kubulela cwalo kuamba Linzwi la Mulimu?” Mwabona? Ibo, nenili fela mushimani, kusina lilimo zeñata... mwendi twenti-wani, twenti-tuu myaha yakupepwa cwalo; mi misebezi ne i kataza, ni makateñi. Kono, niteni, nekuna ni sabo mwani, ha Ni... kukeshebisa, ha ne ni utwa manzwi a kukeshebisa Linzwi la Mulimu. Ki Niti; ki Niti kamukana. Kacwalo, mane ne si tolo kamba tolo yesabisa; ne si kuli Joani na sindukile.

49 Na li fa Sooli sa Patmosi kakuli na lika kuñola Linzwi la Mulimu mwa buka, mi a isiwa fateni ka muuso wa Maroma. Mi nali fa sooli, ka Zazi la Mulena. Mi ki ha utwa mwa mulaho wa hae Linzwi la mezi amañata, mi aitemuna kuli abone, mi abona Likandela Zesebene za Gauda. Mi fani kuyemi Mwana Mulimu, mwahala bona, cwale.

50 Mi, he, Buka ki sinulo. Kacwalo, sinulo ki nto ye zibilwe ya nto yeñwi, ki sika se si patuluzwi. Mi cwale, mulemuhe, kuli musike mwa libala, i “kwalilwe konji ka linako za kwapili.”

Mwabona? Kunutu ya Yona kaufela i “kwalilwe kuisa kwa linkao za kwapili.” Lu fumana zeo mwa Mañolo moo.

<sup>51</sup> Cwale, kunutu ya Buka i patuluzwi ha ku kwaluha Maswayo. Mi cwale Maswayo ha sa kwaluhile luli, nako ya puluso kipeto ifelile; kakuli Ngunyana na zwile mwa sibaka sa kulapelela, kuli a yo ikungela beli ba Hae. Na li Muyemeli, mwahali mwani. Kono cwale sinulo ya niti ha i ezahalela fa Maswayo ani, sina ha Na kala kukwaluha, Ngunyana a zwa mwa sibaka se sikenile. Ki kuya ka Linzwi. Ne lu balile fateni maabani busihu. Na zwile mwa . . . mwahali a, mi anga Buka, konakuli Ha isa Muyemeli. Kakuli, neba ha Na bizwa Tau, mi zeo ki—ki Mulena, mi Yena ha ki Muyemeli kanti.

<sup>52</sup> Nihaikekuli, babapali ba Maswayo aa bakalezi kwa lusika lwa pili lwa keleke. Cwale muhupule, kuli mube—mube ni makalelo a yona ka kutala, haiba lukona, kamba ka swanelo mo ku lukela kubela. Ba “bapali,” Ni ka li beya cwalo kakuli mubapali ki mutu ya cincanga siyaba. Mwabona?

<sup>53</sup> Mi mwa kezo ye, busihu boo, luka bona kuli ki Satani yanza cinca siyaba sa hae. Mi, kaufela, ki babapali.

<sup>54</sup> Kreste ueza siemba sa Na ezize, nako Ya taha kuzwa mwa Moya ku to ba mutu, Na apezi fela sapalo sa mubapali, mubili wa nama, mi ataha mwa mufuta wa Mutu, kuli abe Muliululi wa Lubasi.

<sup>55</sup> Cwale—cwale, mwa bona, ki mufuta fela wa mubapali. Kona libaka halili kaufela mwa linguli ni mas- . . . ni mo liinezi fa, sina libatana, ni lifolofolo, ni zeñwi cwalo. Ki mwa kezo. Mi babapali ba bakalezi mwa lusika lwa keleke yapili, kakuli neli Kreste ya na ipatulula Iliyena kwa masika a likeleke zesupa. Cwale mwa utwisisa? [Kopano ili, “Amen.”—Mu.] Ku lukile. Mwabona? Kreste u i patulula Iliyena kwa masika a likeleke zesupa.

<sup>56</sup> Kipeto, mwahala masika a likeleke zee, kuna ni kulyangana kokutuna ko kutaha mwateni. Kipeto, kwa mafelelezo a lusika lwa keleke, Liñusa la lingeloi la busupa lina ni kupamula makunutu a latehile aa ni ku atambeka kwa Keleke. Mwabona? Cwale lu ka lemuhwa cwalo.

<sup>57</sup> Kono ha ki ku patululwa cwale mwa buino bwa niti. Cwale, mwa linako za Bibebe, makunutu nali teni, mi ne ba bona litaba ze ha li ezahala sina Joani mwa na li bonezi faa. Cwale ki hali, “Kuna ni mupahami wa pelesa yesweu.” Kono, haili kunutu yateni fo, kuna ni kunutu ye zamaelela ni mupahami yani. Cwale, taba yateni, ne ba sa zibi, kono lina ni ku patululwa. Kono li na ni ku patululwa kasamulaho Ngunyana asiya Lubona lwa Ndate, lwa kukupela kwa Hae sicaba kakuba Muliululi wa Lubasi.

<sup>58</sup> Ni ka nokela mwateni taba nyana faa. Cwale, haiba mutu aba ni matepu aa . . . Mutu ufi kaufela wakona kubulela za bata. Una ni tukelo ya sika kaufela sa buikolwisiso bwa hae. Kono haiba . . . Mwa ziba, haiba mukutazi ha lati litaba kuya mwahala



sicaba sa hae, kipeto aba bulelele kuli basike ba li amuhela. Kono Na—Na . . . Se ki sa batu bo Ni lomezwi teñi kuli ni ba bulelele, kabakaleo Ni lukela kupatulula seo Niti ili sona. Mwabona?

<sup>59</sup> Cwale, Ngunyana, mwa nako ya kukupela sicaba kwa mulaho *kwanu*, Na ziba kuli nekuna ni mabizo mwani ana beilwe mwateni kuzwa kwa mutomo wa lifasi. Mi haibile fela mabizo ani na si ka bonahala kale mwa lifasi, Nana ni kuina ona kwani kakuba Mukupeli wa baezalibi. Kana mwa utwisisa? [Kopano ili, “Amen.”—Mu.] Handende, kuketelwa cimo! Mwabona? Ku lukile. Nana ni kuina kwani, kakuli Natezi ku to shwela bana tomezi Mulimu kwa Bupilo Bobusafeli. Mwabona? Mwabona? Ka kuziba kwa Hae sapili, Na ba boni. Isiñi ka Tato ya Hae Tota; tato ya Hae neli kuli kusike kwa shwa ni yomukana. Kono ka kuziba kwa Hae kwapili Na ziba ya na ka piliswa ni yasike kupiliswa. Kabakaleo, haibile fela nekuna ni libizo li liliñwi le ne lisika, tolokwa—swaiwa mwa lifasi, Kreste nana ni kuina ona kwani kakuba Mukupeli wa baezalibi, kuli atokomele libizo leo.

<sup>60</sup> Kono ibile fela libizo la mafelelezo lani ha li to wela mwa mulyani wa Clorox wani kamba otakula, kipeto mazazi a Hae a buyemeli afela. “Ya masila abe ni masila ona cwalo. Yena ya kenile, abe ya kenile ona cwalo.” Mwabona? Mi U zwa mwa sibaka se si kenile mi kipeto sifetuha Sipula sa Katulo. Bumai ki bwa babali kwande a Kreste fo cwale!

<sup>61</sup> Cwale mulemuhe, kono Lina ni ku patululwa nako yeo Ngunyana ha zwa mwa sibaka sa Hae sa milapelo kuzwa ku Ndate. Cwale, yeo ki Sinulo 5. Cwale Unga Buka ya Maswayo, Buka ya Maswayo, kamba Buka ye swailwe ka Maswayo, wa i apula ni ku a patulula. Amutalime. Kwa mafelelezo a lusika cwale, milapelo ha se i felile ya kukupela baezalibi, masika a likeleke sa felile.

<sup>62</sup> Yena wa taha mwateni, mwa lusika lwapili, Lusika lwa Efese; ze patuluzwi, aluma mulumiwa.

<sup>63</sup> Mulemuhe se si ezahala, hanze luzwelapili. Ki wo mulelo wateni. Nto yapili ye ezahala, kuba ni—ni—ni zibiso mwa Lihalimu, pili. Kiñi ze ezahala? Swayo ya kwaluha. Kiñi seo? Kunutu ya mamululwa. Mwabona? Mi cwale kunutu ha i mamululwa, kipeto tolombita ya lila. I zibahalisa ndwa. Koto ya suluha, mi lusika lwa keleke lwa kwaluha. Mwabona?

<sup>64</sup> Kanti “ndwa” ki nto mañi? Lingeloi la Keleke li swala kunutu ya Mulimu, ye si ka talelezwa kale. Kono, ha peta cwalo, u swala kunut ya Mulimu ye, mi kipeto uta uya kwa sicaba kasamulaho kunutu imano fiwa ku yena. Uya kwa sicaba sa! Ueza sikamañi kwande kwani? Ukala kupatalaza Liñusa lateni. Mi likalisa sikamañi? Ki ndwa, ndwa ya moya.

<sup>65</sup> Mi kipeto Mulimu unga mulumiwa wa Hae, hamoho ni Baketwa ba lusika loo, ni ku ba beya koo, inge balobezi. Mi

kipeto U wisa koto fahalimwa bona baba Li hana; ki katulo ya swalele fela.

<sup>66</sup> Mi cwale zeo ha se li felile, kipeto lizwelapili, mi ba ikopanya, ni kutisa mwateni likopano, mi bakala ka musebezi wa mutu wani, sina Wesley ni babañwi babona kaufela. Mi kipeto kaufela liba fela mwa likañi hape.

<sup>67</sup> Mi hape kunutu yeñwi ya tatama. Kipeto kuezahala sikamañi? Mulumiwa yomuñwi wa punya mwa lifasi, kwa lusika lwa keleke. Mwabona? Kipeto, mi ha punya, yena u—u liza tolombita. U zibahalisa ndwa. Mwabona? Mi kipeto kuezahala sikamañi? Mafelelezo, he, wa zwiswa fateni. Mi cwale ha sa ile, kipeto koto ya suluha, ya ba sinyi. Lifu la moya li nata keleke, mi kipeto i icongile, sikwata seo.

Kipeto Uya ku yomuñwi. Oh, ki mulelo omutuna!

<sup>68</sup> Kufitela, litaha kwa lingeloi la mafelelezo. Cwale, lona halina kunutu isili yeipitezi. Kono ukopanya kaufela ze latehile mwahala masika amañwi kaufela, Niti kaufela ye ne si ka patululwa kale, mwabona, sina sinulo mo i tahezi, kipeto u patulula litaba zeo mwa lizazi la hae. Haiba mutabela ku ipalela zona, ki zeo foo. Sinulo 10, 1 kuisa fa . . . 1 kuisa fa 4 cwalo, muka ikutwela yona. Ku lukile. Mwabona? “Unga Buka mi, ya Maswayo, ni ku a mamulula,” ni kubonisa lingeloi; ka taba ye fela inosi, likunutu za Mulimu, kona bulumiwa bwa lingeloi la busebene. Cwale, kona lu sa zo feza fela masika a likeleke, hamoho ni litaba zakale zateni, mi lubonisize seo. Mwabona? Luli kona—kona Liñusa la lingeloi, la keleke ya busebene, ku lukile, upatulula likunutu kaufela ze bile kwa kale, lika kaufela za kale. Sinulo 10:1-7, lina ni ku ezahala. Cwale, muhupule, “Mwa mazazi a lingeleo a busebene, ku tumisa mulumo wa hae, kuliza tolombita ya hae ya Evangeli, u lukela kufeza likunutu za Mulimu kaufela.”

<sup>69</sup> Kuswana fela, ki yo wa taha, mwa masika a keleke ya makalelo. Lu ka ba ni zona, fa nako nyana, ki tuto. Mi, he, seiba pulelo, pili; kasamulaho yaba tuto; mi mafelelezo yaba mulao; kutuha fo yaba keleke, mane kupunya mwa masika a lififi.

<sup>70</sup> Mi kuzwa mwa masika a lififi kwa taha muongaongi wapili, Luther. Mi ki ha taha, inza lwezi, likunutu za mifuta kaufela ze ne ezahalile mwa lusika lwa keleke lwani, kaufela za kwa mulaho kwani, kono na si ka li feleleza.

<sup>71</sup> Mi kwa taha Wesley, ni kukeniswa, aba ni babañata mwateni. Niteni, na si ka li feza; asiya makamba a lepelela ani kai ni kai, zecwale ka kufafaleza mezi mwa sibaka sa kolobezo. Mi Luther anga za kuli “Ndate, Mwana, Moya o Kenile” kufita kuli ibe “Mulena Jesu Krete.” Ona litaba zeshutata ze kaufela!

<sup>72</sup> Mi sekutaha lusika lwa ba Pentekota, ni kolobezo ya Moya o Kenile, mi ba i nelela ona fani. Cwale, ha ku sa konahala kuba masika amañwi hape. Kihona afelile cwale. Loo ki lwa

Filadelfia...kamba, cwale, Lusika lwa Laodesia. Kono he kanti...

<sup>73</sup> Nelu fumani cwalo, mwa kubala Mañolo, kuli mulumiwa kwa lusika na taha kwa mafelelezo a lusika, ka nako kaufela. Paulusi natile kwa mafelelezo a lusika. Lu fumana kuli Irenaeus natile kwa mafelelezo a lusika. Martin, mafelelezo a lusika. Luther, mafelelezo a lusika lwa Katolika. Mi (sikamañi?) Wesley kwa mafelelezo a lusika lwa ba Lutheran. Mi Pentekota kwa mafelelezo a lusika lwa kukeniswa, kutaha kwa kolobezo ya Moya o Kenile.

<sup>74</sup> Mi kwa mafelelezo a lusika lwa Pentekota, lu swanela ku amuhela, kuya ka Linzwi, sina Mulimu ha ka ni tusa busihu boo ku mi bonisa, mwahali mo, kuli lu lukela kubona, lu amuhele mulumiwa kuli lunge ze lepelela zani kaufela mwateni ni kupatulula kunutu ya Mulimu, kwa kuungelwa kwa Keleke.

<sup>75</sup> Mi kipeto kutaha Mishika ya pula ye sebene ya kunutu yona mane haisika ñolwa fateni. Yeo ki niti. Mi Na lumela cwalo, mwahala Mishika ya pula ye Sebene yani, li ka patululwa mwa mazazi a maungulo kuli likopanye Munyaliwa hamoho mwa tumelo ya kuungelwa. Kakuli, ze luna fa cwale, halu—halu koni ku li eza. Kuna ni sesiñwi. Lu swanela kuhata muhato wa kwapili. Luna, halukoni kuba ni tumelo yeñata ya foliso ya Bumulimu, mane. Lu swanela kuba ni tumelo yeñata kuli lucincwe, mwa nako nyana, ni ku nanulwa kuzwa mwa lifasi lee. Mi lu ka fumana cwalo, kasumulaho nyana, Mulena alata, lu ka fumana fo Li ñozwi.

<sup>76</sup> Mi, likatulo kaufela za baezi za zemaswe baa! Cwale, mwabona, kutaha cwalo mwahala masika a Maswayo ani, libile li mamulwa, kufitela cwale Liswayo la mafelelezo la mamulwa. Mi cwale banze ba—habanze ba libelezi mwa Maswayo aa ni kuakaleza fela, kuakaleza ze ne ba eza. Cwale, kwa mafelelezo a masika, wa masika a likeleke, baezi ba zemaswe ba kaufela ba ka bateni ni kufelela mwa Nyandiso; bona baeza libi ba kaufela ba Maswayo a Sebene, zebile li beleka mwa mikwa ya kunutu mwa keleke.

<sup>77</sup> Mi lu ka fumana kuli, fa muzuzu fela, mane ne li beleka ka libizo la keleke. Ba ipiza kuli, “Keleke.” Mi mubone fela haiba yeo ha ki niti. Kona ha Ni bile ni lwanisa likopano, kusina kuziba libaka. Mwabona? Mwabona?

<sup>78</sup> Ba yo fela. Cwale, likalela kwa mulaho kwanu mwa mufuta obunolo, mi lizwalapili fela kuba bumaswe ni bumaswe, kutaha cwalo... Mi sicaba sa kena hande ku zona, sili, “Oh, eeni, se ki sesinde.” Kono mwa mazazi a maungulo, litaba ze li ka zibahala. Mi mafelelezo zaba zemaswe hahulu kufita likena mwa nako ya Nyandiso.

<sup>79</sup> Mi cwale mutu ukona kubulela cwani kuli Munyaliwa wa Kreste uka kena mwa Nyandiso? Ha ni utwisisi. Mwabona? U

sa ngilwe kuba kwahule ni Nyandiso. Haiba—haiba Keleke se i atuzwi, mi baikatuzi ili bona ni kuamuhela Mali, kana Mulimu ukona kuatula cwani mutu ya sa petahalizwe, mutu yasina sibi ni sesikana?

Mu li, “Hakuna mutu ya cwalo.”

<sup>80</sup> Mutu ya pepilwe sinca kaufela, mulumeli waniti, ki ya sa petahalizwe, kaniti haana sibi fapila Mulimu. Ha sepi mwa misebezi ya hae; mwa Mali a Jesu, bao pulelo ye se ikeni kubona. Bibeke ibulela cwalo. Mwabona? “Yena ya—ya pepilwe ki Mulimu haezi sibi, kakuli hakoni kueza sibi.” Ukona kueza cwani mutu kuba muezalibi kanti mulyani wa Mali Jesu Kreste ainzi mwahala hae ni Mulimu? Ona aka hasanya sibi kaufela kufitela kutokwa kuba se si siyezi mwateni. Mwabona? Kana Mali akenile ani a Kreste akona kufitelela cwani sibi mwani? Hakoni batili.

<sup>81</sup> Jesu naize, “Mu be baba petehile, sina Ndata mina yamwa Lihalimu ha li ya petehile.” Mi cwale lukona cwani kukala kuba ni munahano wa kupetahala? Kono Jesu na tokwa ona cwalo. Mi haiba Jesu na itokwa, Una ni kueza nzila wa yona. Mi Una ni kupeta; ka Mali a Hae Tota!

<sup>82</sup> Cwale, kaufela, kupatulula likunutu kaufela ze bile teni kwa mulaho. Cwale, muhupulo ki kuli, kwanu kwa nako ya maungulo, kuli likunutu zene kalezi kwa mulho koo mi itahile cwalo mwahala masika a likeleke, lina ni ku patululwa fa ku kwaluha kwa Maswayo, kwanu kwa mazazi a maungulo, kasamulaho wa nako ya milapelo imano fela, kanako yeo.

<sup>83</sup> Mi, likatulo lilibezezi zani ze li kwa mulaho. Li zwela kwande kupunya kwani. Zeo ki kasamulaho Munyaliwa amano zwiswa mwa lifasi.

<sup>84</sup> Oh, ha lu baleñi fela Liñolo. Kikuli kamukana mutabela kuñola Mañolo ao? Halungeni Matesalonika Babubeli, fa nako nyana, mi mutalime ka muzuzu fela. Ki—ki siswaniso kwa bunde! Na lata cwalo. Mi haluboneñi. Eeni, Matesalonika Babubeli. Mi Ni bata kauhanyo ya 2 ya Matesalonika Babubeli, mi ni timana ya 7. Halu boneñi. Matesalonika Babubeli 2:7. Ni sepa i lukile, cwale. Ne ni sweli kuñola, inge ni njanja ni ku nyungana.

*. . . kakuli kunutu ya buikanyiso i se i sebeza: kono ya . . . itibezi, u swanezi kusutiswa pili.*

<sup>85</sup> Kimañi? “Ya itibezi.” Mwabona? Mwabona, ki kunutu, “kunutu ya buikanyiso,” kwa mulaho koo mwa keleke yapili ye fa. Kiyoy Paulusi u ñola kuli, “Ki kunutu ya buikanyiso.” Buikanyiso ki nto mañi? Buikanyiso, ki sika so ziba kuli haulukeli ku si eza, kono wa sieza fela kabomu. Mi Paulusi fa ubulela kuli kuna ni baba cwalo mwa lifasi kacenu, baezi buikanyiso. Oh, haiba mina . . . Lukaba ni . . . Halubaleñi

fela siemba seo, fa muzuzu fela. Lukalele fahalimu nyana, timana ya 3.

*Mutu asike a mipuma ka mukwa omuñwi: kakuli lizazi leo halina kutaha, kakuli kupili kuswanezi kutaha kwenuho, mi kubonahale (m-u-u-n-a) wa sibi, yena mwan'a sinyeho; (yeo ki niti)*

*Ili muhanyezi ya ipahamisa fahalimwa se si na ni libizo la Mulimu, kamba a se si lapelwa; mane sina Mulimu uka ina mwa tempele ya Mulimu, aipulele kuli ki yena Mulimu, ya swalela libi.*

*Ha mu hupulu kuli, ha ne Ni sa ina ni mina, Ne ni mi bulelezi litaba zeo?*

86 Ne ni kaabela kufumaneha inge ni inzi ku yeñwi ya likutazo za hae. Mina bo?

*Mi ka nako ye sina hamuziba kuna ni se si mu tibezi kuli abonahale ka nako ya hae fela.*

87 Isiñi nako yeo, mwabona, isiñi nako yeo; kono, “mwa nako ya hae,” mwabona, ka kumamulwa kwa Liswayo. Ne luka ziba hande ze ne ezahalile. Ki mañi yena muuna wa buikanyiso yoo? Ki mañi yena muuna wa sibi yoo, yena mutangana ya beleka ka buikanyiso yoo? “Kono apatululwe mwa nako ya hae.”

*Kakuli kunutu ya buikanyiso i se i sebeza (bapumi, mwa bona, kupuma sicaba kuli sikene mwa lika zeñwi, mwabona): kakuli yena (Mulimu) ya tibela ukana atibela, konji (Keleke, Kreste, yena Munyaliwa) a sutizwe mwa nzila.*

*Mi kona ku ka bonahala ya Maswe, . . .*

88 Ka nako ya ku mamululwa kwa Liswayo, “ka nako ya hae.” Paulusi naize, “Haki mwa nako yaka, kono mwa nako ya ka patululwa.” Mwabona?

*. . .yaka bulaiwa ki Mulena ka moya wa mulomo wa hae, . . .*

89 Lu ka fita ku zeo fa nako nana fela, “moya wa mulomo wa hae.” Mutalime kuli taba yeo ki nto mañi.

*. . .amu yundise ha ka iponahalisa fa ku taha kwa hae: Yena muikanyisi, uka taha ka mata a Satani. . .*

90 Yena, “yena,” ki mutu ya sebeza ka musebelezo ya Satani.

*. . .ka limakazo ni lisoniso sa buhata,*

*Ni ka bupumi bwa hae kaufela bwa bumaswe, upuma sicaba ka ku sa luka, ku ba ba shwa (ha ki Munyaliwa), ku bona baba libelela ze cwalo; kakuli ha ba si ka amuhela lilato la ku lata niti, . . .*

91 Mi Krete ki yena Niti, mi Krete ki yena Linzwi; kono bona baabela kuba ni tuto ya tumelo. Huh! Mwabona?

. . . *kuli ba piliswe.*

*Mi kabakaleo Mulimu uka ba lumela bupumi bo bu tata, kuli ba lumele—mashano:*

<sup>92</sup> I lukela ku tolokiwa mwateni, sina ha ne Ni ibatisisa mwa buka ya litaluso za manzwi, “buhata bobutuna,” isiñi “buhata bobulikani.” “Buhata bobutuna,” bo buswana ni bwa na bulelezi Eva.

*Ku kuatulwe . . . batu kamukana baba si ka lumela niti, kono ba tabezi ze si ka luka.*

<sup>93</sup> Ha ki pulelo ni yeo! Mawi! Kasamulaho Munyaliwa ha ngilwe, kona cwale muuna wa sibi yo aka ipatulula.

<sup>94</sup> Musali, yena Munyaliwa wa niti wa Kreste, u ketilwe mwahala lusika lufi kaufela.

<sup>95</sup> Cwale, zazi leliñwi Ne ni bulezi pulelo yeñwi kuli, “Munyaliwa na kaya kwa Hae kusina se mu ziba ka zona.” Yeo ki niti.

<sup>96</sup> Yomuñwi naize, “Kihande, Muzwale Branham, kanti seo ikaba sikwata nyana fela.”

<sup>97</sup> Jesu naize, “Sina mone kuinezi mwa mazazi a Nuwe,” cwale u Mu bulelele ka zona, mwabona, “mo ne kupilisizwe fela mioyo ye ketalizoho ka ye milalu kwa mezi, kona mo ku ka bela ni fa Kutaha kwa Mwana mutu.” Kambe ne ku kaba baba mianda ye eiti baba Kuungelwa busihu cwana, nemusike mwa utwa neba linzwi ka zona, kamba lizazi habusa, kamba neba nako yetatama. Neba ka be baile kusina ze musiba ka zona. Mwabona, ikaba fela nto yeswana.

<sup>98</sup> Ki sikamañi se Ni lika kubulela? Ha ni liki ku mi sabisa, ku mi bilaeza. Ni—Ni bata kuli muhatele kwa mafelelezo a minwana. Amu itukise, mutokomele, muzuzu ufi kaufela. Mutuhele bukuba bwa mina. Mube fela ka tukufalelo ni Mulimu, kakuli se li busihu kufita mo mu hupulela.

Cwale, muhupulange, Munyaliwa wa niti!

<sup>99</sup> Cwale, kuna ni munyaliwa wa buhata. Lu fumana zeo mwa Sinulo 17. Musali naize, “Ni mbelwa, mi hakuna ze nitokwa,” mwa bona, uinzi fa sibyana se si fubelu, ni zeñwi cwalo, sibatana, nitaluse.

<sup>100</sup> Cwale, kono Munyaliwa wa niti uka eza ka palo ya batu baba likiti ni likiti za likitikiti, kono ikaba Baketwa babazwa mwa lusika lwa keleke lufi kaufela. Nako kaufela liñusa ha ne li fiwa, ni sicaba sa lumela ni ku li amuhela mwa Liseli kaufela lene liliteni, ha ne ba swaiwa kuisa Lizai la Kuliululwa lani.

<sup>101</sup> Hanili Jesu uluta litaba zeswana, ha Na ize, “Mu—mu muhuwo notile mwa—mwa mutonelo wa busebene?” Lwani kona lusika lwa keleke ya maungulo. Mwabona? Mi uli, “Amubone, Munyaliwa ki yo wataha; amu zweleteni mu Mu katanyeze.”

102 Mi cwale munyaliwa ya lobezi ataha, aitiinya mwa meto, mi ali, “Kanti Ne ni swanela kuba ni Oli yani, nina, kacwalo mu lukela kuba ni yeñwi.”

103 Mi Munyaliwa wa niti, inza yemi fani, ali, “Luna ni fela mafula alu likani kihona. Uh-huh. Luna ni fela ze lu likani kihona, za luna. Halukoni ku mifa sesiñwi. Haiba mwa abata, ha mu yo lapela katata.”

104 Mi ha na saile, Munyali ataha, mi Munyaliwa akena. Mi cwale bo masiyaleti bani kwani, bona bene balukile luli, yeo ki keleke, ya siyala fande. Mi Yena ali, “Ku kaba kulila, kubokolola, ni kukweca meeno.”

105 Mwabona, cwale, bao ki Baketwa. Mi cwale muhuwo ha u yo utwahala kuli, “Kiyoy Munyali ufatile,” mi cwale mañi ni mañi wa bene ba lobezi mwahala masika ani, a zuha, mañi ni mañu. Mwabona, ha ki Mulimu, sina mo lu nahanela, ku yo Mu bata fela mwahala sicaba baba likiti zelikani ba lusika lo ni kubanga. Ki bona Baketiwa luli ba lusika lufi ni lufi. Mi leo kona libaka Krete hana ni kuina mwa sibaka sa kukupela baezalibi, sina Muyemeli, kufitela kutaha bani ba lusika lwa mafelelezo. Mi sinulo ye cwale, kuya ka mo ibezi, litaha fa sicaba, mi babona ze ezahalile. Mwabona? Mwa li utwisisa cwale? [Kopano ili, “Amen.”—Mu.] Ku lukile.

106 Mulemuhe, “Babañwi ba bashwile,” mamembala ba keleke, “ne ba si ka pila kufitela myaha ye sikiti ifela.” Ma membala ba keleke, ili—ili Bakreste, yona keleke, ne i si ka pila hape kufitela mafelelezo a myaha ye sikiti. Mi he bataha ku to yema fapila Munyaliwa, yeo ki niti, mi fapila Mulena ni Mulena wa musali. Kanya!

Keleke yeñwi kacenu iipiza kuli, “Kiyona Mulena wa musali wa Lihalimu.”

107 Mulena wa musali wa Lihalimu ki yena Munyaliwa ya ketilwe wa Krete, mi Uka taha hamoho ni Yena. Daniele na li boni, mi ali, “Likiti ze likitikiti ze mashumi za Mu sebeleza.” Cwale haiba mu lemuha mwa Mañolo mo, mwa Daniele, “katulo ne i tomilwe, mi libuka za apulwa.” Cwale muhupule, mi Ha taha, Ataha ni Munyaliwa wa Hae. Mufumahali usebelezanga muuna hae. “Mi likiti ze likiti kiti ze mashumi za Mu sebeleza. Katulo ya tomiwa, ni libuka za apulwa.” “Mi kwa apulwa ni buka yeñwi, ili buka ya Bupilo,” isiñi Munyaliwa, nihanyinyani. Yena na saile kale mi uilo kuta, mi uyemni fani mwa katulo ya masika ana hanile ku utwa Liñusa la Evangeli.

108 Hanili Jesu nabulezi? “Mulena wa kwa Mboela uka zuha ka mazazi a hae, a Katulo, mi uka atula lusika loo; kakuli na zwile kwa libaka za kwahule za lifasi, ku to utwa butali bwa Solomoni, mane yomutuna kufita Solomoni uteni faa.” Ne kuyemi ka—ka katulo, mulena—mulena Sheba, wa kwa Mboela, na yemi kwani kwa Katulo, ni bupaki bwa hae luli.

109 Mane hakuna neba Mujuda ya natile ni lusika lwani lwa Majuda. Kanti nebali libofu, mi ba Mu timelelwa. Kakuli, neba Mu libelela, kono Ataha ka bunolo luli kuli ba fita fela fahalimwa zona, ona cwalo.

110 Mi, kwani, mulena yomutuna yani aikokobeza ili yena, mi ataha ato amuhela liñusa. “Mi uka yo yema mwa Katulo,” A bulela, “mi a yo atula lusika lwani.”

111 Cwale mubone likwata zetalu zeo, kamita. Buka, bafu ba atulwa; ki buka yeñwi, ili buka ya Bupilo, babane ba ñozwi mabizo a bona mwa buka ya Bupilo.

112 Ba li, “Haiba libizo la hao li mwa buka ya Bupilo, ku lukile, uh?” Batili, sha!

113 Amutalime, Judas Isikariota nana ni libizo la hae mwa buka ya Bupilo. Cwale mubulela kuli neli butata mañi? Jesu, mwa Mateu 10, na ba file mata a ku leleka mioya, mi aba luma ku yo folisa bakuli, ni ku kenisa ba mbingwa, ni ku zusa bafu. Mi ba ya cwalo, mi ha ba yo kuta, Judasi nali ni bona. Ki ha ba yo leleka mioya, ni kueza limakazo za mifuta kaufela. Mi ba yo kuta, ni kubulela kuli, “Neba mioya ne i lu utwa.”

114 Jesu ali, “Musike mwa taba kakuli mukona mioya, kono mutabe kakuli mabizo a mina añozwi mwa Lihalimu.” Mi Judasi nali ni bona. Kono kiñi ze ne ezahalile? Ha li yo fita kwa fa sikwata se si Ketilwe, kuli siye kwa Pentekota yani ku yo amuhela Moya o Kenile, Judasi abonisa mibala ya hae. U ka yo ipumana mwa Katulo.

115 Kacwalo libuka za apulwa; ni buka yeñwi, ya Bupilo, ya apulwa; mi mutu kaufela a atulwa ka cwalo. Cwale, Munyaliwa uyemi fani hamoho ni Kreste, ku atula lifasi. Hani mu . . . Paulusi naize, “Musike mwa,” kuambola ku Munyaliwa, “ba ni mulatu ku yomuñwi, kuli mane muya kwa milao ye si ka luka. Kikuli hamuzibi kuli balumeli ba ka atula lifasi?” Mwabona? Ki fo he cwale. Balumeli ba ka atula lifasi ni ku li hapa. Ku felile.

116 Muli, “Ku konahala cwani kuli sona sicaba nyana fela dani?” Ha ni zibi mo li ka ezahalela. Kono Naize li ka ezahala, konakuli ao kona mafelelezo, kuya ka mo Ni zibela.

117 Cwale amu talime. Cwale mulemuhe. “Bafu ba ba siyezi,” ba siemba sa keleke, ba siemba sa keleke baba shwile, “ne ba si ka pila hape konji kasamulaho wa myaha ye sikiti.” Mi cwale ka myaha ye sikiti, ba kubukanyiwa; kwa taha zuho yeñwi hape, ili zuho ya bubeli, mi ba kubukana. Mi Kreste ni Keleke, yena Munyaliwa, isiñi keleke; Munyaliwa, Kreste ni Mulena wa musali, isiñi keleke. Kele- . . . Kreste ni Munyaliwa ba yema fani.

118 Mi ba kauhana, sina lingu kwa lipuli. Yeo ki niti. Ki yo wa siemba sa keleke yataha. Mi haiba ne ba utwile Niti ni kuhana Niti, cwale ki sikamañi se sikaba teñi taba yetuna ha se i hasani sibaka kaufela, nako ye ku ka yoba niyona mihupulo ya hae



kwani, no hupuzi sikamañi ka Lona? U ka yo baleha cwani, kanti linzi fa nalela ya mbyumbyulu yani, ni mazimumwangala amatuna a Mulimu ainzi fani. Ki mihupulo ya hao fela yelwana. Mihupulo ya hao i ka yo ku fetuhela mwa nako yani.

119 Kona kuli ha u bulela sika, ni kunahaba sisili, mbweshu u itulele zeo. Beya mihupulo ya hao ku Mulimu. Ibeye ili ye kenile, ni upile hande ni yona, unzo bulela taba yeswana ka nako kaufela. Mwabona? Musike mwali, “Kihande, Ni ka bulela kuli Ni ka Li lumela, kono Ni sa yo batisisa.” Li lumele! Amen.

120 Mulemuhe, mufuta wo, libaka le ba shwela, ba fita mwa ku tapiswa kwa matata a Nyandiso kakuli habayo mwatasa Mali. Ba bulela kuli ba mwateni, kono ha ba cwalo. Bakona kuya cwani mwa butata, kuli ba keniswe, kanti ki ha kuna ni (mulyani) Mali a Jesu Kreste atakula mubonahalelo kaufela wa sibi ni zeñi kuzwa ku wena? “Mi wena u so shwile kale, mane bupilo bwa hao bu patilwe ku Yena, ka Mulimu, ni kuswaiwa mwateni ka Moya o Kenile.” U ka yo atulelwa sikamañi? U ka yo zwisa kai ku keniswa kwa hao? Ki sikamañi so na ni ku keniswa ku sona, kanti u petahalile ku Kreste, yasina sibi? Cwani. . . Katulo hape ki ya sikamañi? Kono ki sikwata se si lobezi, seo batu bani bapalelwa kuba kusona.

121 Cwale, ha ba si ka li eza seli myaha, mwa bona, kono ye ki hola ya sinulo, mwabona, mwabona, ka kupatululwa fa kutaha kwa Munyaliwa; yena wa mafelelezo, litaba za mafelelezo za taha. Li taha kwa mafelelezo, mulikani, Na lumela. Ki lili? Ha ni zibi. Hanikoni—Hanikoni ku mi bulelela. Kono sika kaufela. . . Ni bata kupila busihu boo inge kuli busihu boo, Ni i itukisize. Mwabona? Wakona kutaha busihu boo, ibo, mi Hakulata hakoni kutaha mwendi ka myaha yetatama ye mashumi amabeli. Ha ni zibi nako Ya taha. Kono kamba kinto mañi kaufela, . . . Mi bupilo bwaka bwakona kufela mane, busihu boo; mi, he, kaufela ze Ni ezize fa, lifelile ka yona hola yeo. Ni—Ni lukela ku yo Mu katanyeza kwa katulo, ka mo Ni zamaezi faa. “Kota ko i yendamezi, kona ko i wela.”

122 Muhupule, ha ne bailo leka Oli, bayo. . . “Oh,” mu li, “cwale libelele fa muzuzu, Muzwale Branham. Ha ni zibi ka zeo.” Ha ne ba ilo leka Oli, ha ba yo kuta, Munyaliwa na sa ile mi sikwalo sakwalwa. Mi ba ngongota, se bali, “Amu lu lumeleze! Amu lu lumele!” [Muzwale Branham ungongota fa katala linako nyana—Mu.] Kono nebali fande mwa lififi.

123 Cwale, haiba mubata mufuta wani, cwale amutalime. “Mwa nako ya Nuwe,” Jesu nabulezi, ka ku swanisa ku zona. Cwale, mwa nako ya Nuwe, bakena mwa areka. Kono ba fitiswa mwa. . . nako ya katulo, kono sani—sani ne si swanisi ku Munyaliwa wa Kreste.

124 Enoke na swanisisa Munyaliwa. Enoke! Nuwe asila, kutaha ka Munyaliwa. . . asila mane, mwa nako ya nyandiso, a nyanda,

ni kukolwa, mi a shwa. Kono Enoke azamaya fapila Mulimu, ka myaha ye mianda ye ketalizoho, mi aba ni bupaki kuli, “na tabisize Mulimu,” ka tumelo ya kuungelwa; mi akala fela kuzamaya kuzwela fande, mi akambama mwa mbyumbyulu, ni aikela kwa Hae kusina neba kutatuba lifu; na si ka shwa, neba hanyinyani.

<sup>125</sup> Wani ki mufuta wateni, “Luna baba pila mi lusiya cwalo, haluna kutibela, kamba kupaleliswa, bona batu ba mufuta wani ba ba lobezi,” bene ba lobezi bakeñisa kusupala kwa batu, mwa—mwa buino bwa kusupala kwa batu. Ne ba lobezi kwa mulaho kwani, kono ha ba si ka shwa. Ba lobezi. Amen. Ba lobezi, isiñi ku shwa. Mi nto fela inosi yetokwahala ki Munyali kuli aba zuse. Eeni. “Mi luna ba bapila mi lusiya, haluna kutibela ba ba lobezi. Kakuli tolombita ya Mulimu ika lila, mi ba bashwezi ku Krete ki ha ba ka zuha pili; mi luna ba ba pila ki ha lu ka ngelwa hamoho ni bona, mi lukatanyeze Mulena mwa mbyumbyulu.”

<sup>126</sup> “Mi bafu baba siyezi ha bana kupila haisi kasamumulaho wa myaha ye sikiti.” Ki fo he cwale, ne a keni mwa nako ya Nyandiso.

<sup>127</sup> Neli sikamañi seo? Sina Enoke. Mwa ziba, Nuwe na boni Enoke. Kakuli, Enoke ha na tondahalile, na ziba kuli katulo i sutelezi. Akala ku zamaela bukaufi ni areka.

<sup>128</sup> Kono Nuwe na si ka ngelwa mwa halimu. Na nanuzi fela kaemba nyana fafasi, ni kupahama fa nyandiso. A shimbiwa mwa nako ya ndansiso, kuli ashwe ka lifu. Mwabona? Kono Nuwe a shhimbiwa kufita kuzona.

<sup>129</sup> Enoke na fetuzwi, kusina lifu, mufuta wa Keleke ye ka ngelwa hamoho ni baba lobezi, ku yo katanyeza Mulena mwa mbyumbyulu, haili babañwi ba keleke ba ka kena mwa Nyandiso ya balumeli. Hakuna zenikona kueza ku zona, na kasibli. Enoke, na ngilwe, kusina lifu.

<sup>130</sup> Cwale ha lu kaleni kubala fateni nyana cwale, lufite fa tuto yaluna. Ni inelezi fela kulo foo, haluna kukena mwa litaba zee, yona Swayo yee. Cwale amulemuhe. Halungeni cwale, kakuli lu kaba, hamoho ni, mwendi kamuso busihu kamba busihu bobutatama, lu ka fita fa Tolombita, cwale mi kona, kakuli Tolombita ilila kwa mafelelezo a Maswayo. Ki nto yeswana fela. Lusika lwa keleke lwa kwaluha, ki . . . nto yeswana. Mwabona?

<sup>131</sup> Cwale, tolombita kamita ipaka ndwa kamba, zecwalo, nyungano ya litaba za naha, tolombita i cwalo, nyungano ya litaba za naha, mi zeo litisa ndwa. Ha mukala kulyanganisa litaba za naha, ni ku li kopanya kopanya, sina mo lu bezi ni zona cwale, mutokomele, ndwa kipeto i fa kaufi. Kono, mwabona, mubuso i sa li wa Satani ni cwale. U sa na ni kalulo ye mwa lizoho la hae.

<sup>132</sup> Kakuli kiñi? Li li uluzwi ki Krete, kono Usweli kueza kalulo ya Muliululi wa Lubasi, unga sicaba sa Hae, konji kwa (libizo) la

mafelelezo libeiwa mwa Buka, ha ne Li amuhezwi ni ku swaiwa mwatani. Cwale mu utwile kana? [Kopano ili, “Amen.”—Mu.]

<sup>133</sup> Cwale U zwa fa Lubona lwa Hae, Lubona lwa Ndata He, utaha kwapili, unga Buka mwa lizoho la Mulimu, kuzwa fa Lubona, mi u ikungela liswanelo za Hae. Taba yapili Ya eza ki kubiza Munyaliwa wa Hae. Amen! Cwale U nga sikamañi? Unga sila sa Hae Satani, ni ku mu tama, ni ku mu nepela mwa mulilo kwande, ni baba mulatelela kaufela.

<sup>134</sup> Cwale, muhupule, ne si Russia. Batili. Antikreste ki mutangana ya bunangu. Mutokomele fela bunangu ka mwainezi. Una ni butali, cwale. Eeni, sha. Si lwala fela Moya o Kenile; kona fela se si kona kumu fita.

<sup>135</sup> Mulemuhe, Litolombita litalusa nyungano ya litaba za naha, lindwa. Mateu 24, Jesu na ambozi ka zona. Na ize, “Mu ka utwa za lindwa ni mihuwo ya lindwa, mwabona, ku yo punya ni kafoo.” Mwa hupula hane. . . Jesu ha nasweli kubulela zeo, “Lindwa, milumo ni lindwa, ni milumo ni lindwa, mane ku yo fita kwa mafelelezo.” Cwale, koo kona kulila kwa Tolombita.

<sup>136</sup> Cwale, ha lu ka fita fa Litolombita, lu ka kutela foo ni kunga iliñwi ka iliñwi ya lindwa zani, ni ku bonisa kuli ne li latelela likeleke zani, ku mi bonisa kuli li latelela Maswayo aa. “Lindwa ni mihuwo ya lindwa.” Kono, Tolombita, i toloka za nyungano ya litaba za naha.

<sup>137</sup> Kanti mane, Maswayo atalimana ni nyungano ya bulapeli. Mwabona? Liswayo ha li kwaluha, kipeto Liñusa la fiwa. Mi kipeto keleke kamita ipila mwa mikwa ya yona ya litaba za naha, ni zeo kaufela, ni baika ba yona kaufela. Mi cwale Liñusa la niti lani ha litaha, mulumiwa yani wa ya mi u yo ba nyunga mwa liemba emba. Yeo ki niti. Ki nyungano ya bulapeli ha ku kwaluhile Liswayo. Kona ze ne ezahalile. Eehe. Eeni.

<sup>138</sup> Kaufela baitulela mwa kozo mwa Sione. Keleke iina fafasi, mi bali, “Luna ni zona kauufela.” Kuswana fela ni keleke ya Engaland, kaufela bona ne ba itulezi fela fafasi. Ni keleke ya Katolika, kaufela ne i tulezi, kwa nalule-lule kwataha Luther. Kwaba ni nyungano ya bupaleli. Eeni, sha! Luli neli cwalo! Kihande, keleke yatuka ya tima, ni Zwingli. Mi kuzwa ku Zwingli, kwataha baba shutana cwalo, ni ku Calvin. Mi kasamulaho nyana, keleke ya Anglican yaitulela, mi ya itibala fela, kwa nalule-lule kwataha Wesley. Kwaba ni nyungano ya bulapeli. Yeo ki niti. Mwabona, kamita zeo lipaka nyungani ya bulapeli.

<sup>139</sup> Cwale, ki Liswayo. Ha lu I baleñi fela fa nako nyana cwale. Ni bata ku—ku fita kuse, kona lu ka I bala. Ni ka kala kubulela. Ni . . .

*Cwale Na bona Ngunyana ha mamulula leliñwi la maswayo, (kiñi sene si ezahalile?) mi Na utwa, lilata sina mushika wa pula, . . .*

140 Oh, mo Ni tabelela kuli kambe ni inelele fela ona foo ka mizuzu yelikani! Mi Ni sepa cwale kuli sicaba kaufela se si ziba litaba ze mi si libelezi kubona Mulena, si ka bala hande mi ka tokomelo; mi fa matepu, hape, kuli munahane taba yee.

141 Nto yapile ye ne ezahalile, Ngunyana yani ha mamulula Liswayo la Pili lani, neli Mushika o no utwahalile. Cwale, seo sina ni ze si yemela. Sina ni . . . Ki sa butokwa. Sina ni taluso. Ki taluso. Hakuna se si ezahalanga kusina taluso. Ku lukile, Mushika, Mushika wa utwahala. Mubata kuziba kuli Mushika wani neli sikamañi?

142 Cwale ha lu baleñi hanyinyani. Ha lu apuleni mwa Mateu . . . Batili, halungeni Muhalalehi Joani, pili. Muhalalehi Joani, kauhanyo ya 12, mi mulitele fela fa muzuzu. Muhalalehi Joani, kauhanyo ya 12. Mi cwale ha lu kaleni ni timana ya 23 ya Muhalalehi Joani 12. Cwale muteeleze fa, cwale, ka tokomelo luli, kipeto hamuna ku akaleza hape kuli ki sikamañi.

*Cwale Jesu a ba alaba, ali, Nako ya taha, ye Mwana mutu uka fiwa kanya.*

143 Mwabona, mu kwa maungulo a lusika, foo. Bulumiwa bwa Hae bwafela. Mwabona? “Nako ya taha, ye Mwana mutu ulukela ku fiwa kanya.”

144 Kucwani he ka, “Nako itile ye Munyaliwa wa Hae ana ni kungelwa”? Sikamañi? Nako i fitile, yakuli, “Nako haisana kuba teni.” Lingeloi li libelela kuhata lihutu leliñwi fa likamba, mi leliñwi mwa liwate, ni nambwamutalati fa toho ya Lona, ni mahutu, mi ali, “Nako se i felile.” Mi kwanda zeo, La nanula lizoho la Lona ni kutapanya kuli, “nako i kabe ifelile,” se ha si ka ezahala. Haki—haki bunde ni boo, ki pampili yepakilwe ki muyemeli wa milao kwa Keleke!

*. . . Nako se itile, ya kuli Mwana mutu afiwe kanya.*

*Kaniti, niti, Ni li ku mina, Buloto bwa mabele ha bu sa keni mwa mubu ni kushwa, bu kaina bunosi: kono haiba bushwa, bu ka beya miselo yeñata.*

*Ya lata bupilo bwa hae uka latehela ki bona; . . . ya toile bupilo bwa hae mwa lifasi le uka ipulukela bona kuisa kwa bupilo bo busafeli.*

*Mutu ha ni sebeleza, a ni latelele; mi mo Ni inzi, ya ni . . . sebeleza ukabateni ni yena: mi mutu ha ni sebeleza, Ndate uka mu kuteka.*

*Cwale moya wa ka u kalelilwe; . . .*

145 Mu li, “Kihande, Yena, utaha kwa maungulo a nzila, mi una ni butata?” Kiñi ze ezisa kuli nto yetuna ya moya ha i ezahala, kipeto ya ku kataza? Oh, mawi! Uh-huh!

*Cwale mwa moya waka ukalelilwe; mi Ni ka li ñi? Ndate, u ni lukulule kwa nako yeo: Bo ki sona se si Ni tisize fa lifasi le, fa nako ye.*

*Ndate, u lumbe libizo la hao. Ki ha ku utwahala linzwi leli zwa kwa lihalimu, lili, Ni se ni li lumbile, mi ni ka li lumba hape.*

*Cwale buñata bo bu ne bu li teñi moo, bwa utwa linzwi, mi bwa li. . .pula i lumile: . . .*

146 Mi, cwale Ngunyana hanga Buka ni ku mamulula Liswayo la Pili lani, Mulimu abulela ali fa Lubona lwa Hae lwa Kuyakuile, kubulela ze ne paka Liswayo lani, kuli li patululwe. Kono ha Li yo beiwa fapila Joani, Za ba mwa mufuta wa sisupo. Mi Joani a Li bona, Ne i sa li kunutu. Kiñi? Ne li sika patululwa kale mane. Ha li koni ku patululwa konji za Na bulezi mo kuli, “kwa nako ya maungulo.” Kono za taha mwa mufuta wa sisupo.

147 Fani, hakuto “luma mushika.” Muhupule, muhuwo omutuna wa kuluma kwa Mushika wa pula ki Linzwi la Mulimu. Kona se i bulela Bibebe, mwabona, “muhuwo wa Mushika wa pula.” Ne ba hupula kuli neli mushika wa pula, kono neli Mulimu. Na Li utwisisa, kakuli Ne li patuluzwi ku Yena. Mwabona? Ne li Mushika wa pula.

148 Mi, mulemuhe, Liswayo la Pili la kwaluha. Liswayo la Pili, ha ne Li kwaluhile mwa mufuta wa sisupo, la utwahalisa mulumo. Cwale kucwani he ha Li kwaluhile mwa buniti bwa Lona? Mawi. . .Ne li lumile sina mushika Ngunyana ha mamulula Liswayo. Mi La patulula sikamañi? Ne si za Lona kaufela. Pili, Li ba ni Mulimu; nako yetaha, Li ba mwa mufuta; mi, La patululwa. Lika zetalu. Mwabona? Li zwelela mwa Lubona.

149 Pili, Halikoni kubonahala, ku utwahala, kamba mane hakuna. Li swailwe. Mali a Ngunyana kona alifile tifo.

150 La luma mushika wa pula nako Ya Li bulela. Mi ha Na bulezi, mupahami wa pelesa yesweu ataha, mi Niteni ne i sali sisupo. Cwale amutalime, Na bulezi kuli Ne li ka zibahala mwa lizazi la maungulo. Kono Litaha mwa keleke ka mufuta wa sisupo. Kana mwa utwisisa, keleke? [Kopano ili, “Amen.”—Mu.] Li taha cwalo mwa—mwa sisupo sa keleke, kuli ba zibe kuli ki Liswayo. Kono kuya fela ka mo Li inezi, ibo, ha ba zibi, kakuli Ki mupahami wa pelesa yesweu.

151 Mi fela li na ni ku patululwa ka lizazi la mafelelezo, foo Liswayo tenyene le ha se li kwaluhile. Ku kwaluhela bomañi? Isiñi ku Krete, kono kwa Keleke. Mulemuhe, cwale. Oh, mawi, zeo li ni tiseza fela kunjanja! Ni—Ni—Ni sepa kuli Keleke kaniti i ka utwisisa Cwalo, se Ni talusa, mina sicaba. Ni ka mi biza Muniyaliwa, mwabona, kuli Mu Li utwisise.

152 Linzwi ki Mushika. Linzwi ne li zwile kai? Nelizwile fa Lubona fo ne se kuzwile Ngunyana, sina Mulapeleli wa baezalibi. Cwale U yemi mo kuli ange sibaka sa Hae ni Zabata kuikungela. Kono Mushika wa taha kuzwa mwahali a Lubona, wa lumisa mulumo omutuna. Mi Ngunyana na yemi fani.

Mushika, fo ne se kunanuhile Ngunyana yani. Asiya Lubona lwa Ndate, kuli aye fa Lubona lwa Hae Tota. Kanya! Cwale, cwale musike mwa li mbwinja, balikani.

153 Kaufela lwa ziba, sina Bakreste, bao Mulimu ba ikonkile ka Davida kuli Na ka ba tiseza Kreste kuli aine fa Lubona lwa hae, ni ku Mufa mubuso wa kuyakuile fa lifasi fa. A eza ona cwalo.

154 Mi Jesu ali, “Ya tula antikreste ni lifasi kamukana, uka ina ni Na fa Lubona lwa Ka, sina ha Ni tuzi mi ni inzi fa Lubona lwa Ndate.” Mwabona?

155 Cwale, zazi leliñwi U yema fa Lubona lwa Ndate, mi uya kwa kunga Lubona lwa Hae Tota.

156 Cwale U taha ku to nga batu ba Hae. Mi U ka ya cwani ku yo banga? Yena una ni kale Buka ya Puluso mwa lizoho la Hae. Kanya! Oh, Ni ikutwa kubata kuopela pina yetwi.

Cwanoñu Ngunyana ukatonga Munyaliwa wa  
Hae kuli abe ni Yena fa kaufi,  
Lindumeleti za Lihalimu kaufela li ka yo  
kopanela teñi, (kuli ba talime zeo);  
Oh, ikaba pono ye kanya, ba bakenile kaufela  
mwa liapalo ze sweu twaa;  
Mi ba ta ca ni Jesu Kamita.

157 Oh, mawi! Mubulela ka za “kuina cwale mwa libaka za Lihalimu”? Mo li ka yo bela! Mbali luikutwa sina cwana, kono luinzi mwa lifasi le, Kuungelwa kusika taha kale, mwa buino bo luli kubona boo; mi lukona kuikola, ni kuyema kwa mamota, ni kuyema mwa pula, kuli lu to teezeza litaba Zee; ku ka yo ba cwani ha lu ta yo Mubona ainzi fani! Oh, mawi! Oh, ikaba nako yetabisa.

158 Azwile fa Lubona lwa Ndate, ataha cwalo ku to . . . Mwana Hae, kuli abe mu . . . Ki yena Mwana Davida. Kona sa na hupuzi Isilaele kuli Uka si eza. Mwa hupula musali wa Musirofenisia yani, ali, “Wena Mwana Davida!” Mwa hupula Bartimeasi wa sibofu, “Wena Mwana Davida!” Uh-huh! Mi Jesu, ka kuziba mulelo so no li sona, niteñi ne ba sa li zibi. Ba lika ku Mu hapeleza ni ku Mueza kuli ange lubona. Mane neba Pilato a Mu kupa.

159 Kono ki Hali, “Kambe mubuso wa Ka ki wa lifasi le, kona kuli sicaba sa Ka ne si ka ni lwanela. Mubuso wa Ka ki wa kwa Lihalimu.” Kono ki Hali, “Ha mu lapela, mulapele muli, ‘Kutahé Mubuso wa hao. Tato ya Hae iezwe mwa lifasi mo, sina mo i ezezwa mwa Lihalimu.’” Amen. Uh-huh! Ha ki taba kwa kanya bati!

160 Azwa fa Lubona lwa Ndate, kuli ange Lubona lwa Hae Tota. Yena cwale uzwile mwa musebezi wa Hae wa kukupela baezalibi, kuli ange Lubona lwa Hae Tota, batu ba Hae baba liuluzwi. Kona za Na tulukezi fa Lubona kuli ato eza. Ki sona Sibupwiwa se

siswana ni tau sani sali ku Joani, “Taha, utobona.” Mutokomele. Kana mwa bala?

. . . *leliñwi la maswayo, mi ki . . . sina lilata la mushika wa pula, mi sesiñwi sa libupiwa zene . . .*

<sup>161</sup> Mwa ziba Libupiwa zene liyemela. Lu li talimile kale. “Sesiñwi inge tau; sesiñwi inge komu; mi sesiñwi inge mutu; mi sesiñwi inge mbande.” Cwale, Sibatana sa pili se sali . . . Mutokomele, nako kaufela kuna ni Sibatana se si shutana, kufitela bapahami ba lipesele babane bani bafela. Kuna ni Libupiwa zene, mi kuna ni bapahami babane ba lipesele.

<sup>162</sup> Mulemuhe, sesiñwi ni sesiñwi sa Libupiwa zani ne si bulela. Mateu, Mareka—Mareka, Luka, ni Joani. Lu ka kuta lufite mwateni ni ku mibonisa, Mateu, Mareka, ki ifi yani Mareka—Mareka, ki ifi yeneli Joani, sifi ni sifi ha ne li ya cwalo! . . . ? . . .

. . . *sesiñwi sa . . . libupiwa sa li, Taha . . . utobona.*

<sup>163</sup> Autwa lilata la mushika. Mi sesiñwi sa Libatana sa li, “Cwale taha, utobona.”

<sup>164</sup> Ka manzwi amañwi, cwale, *kiyo* Ngunyana uyemi fa, mi Joani uyemi fani inza li bona ha liezahala. Ngunyana ataha kuzwa fa Lubona, sina mwa Na sa bulelezi kale, Mali inza lota ku Yena mubili kaufela. Nali yena ya Na fumanwi kuba ya lukela. Mi cwale Ha yo pamula Buka, lika kamukana za kala kuhuwaka, ni kutaza lilata, ni kutundamena ona cwalo, mwa bona, kakuli ne ba ziba kuli puluso ne se i lifilwe.

<sup>165</sup> Cwale U tile ku to i kungela Beili ba Hae. Kacwalo, Anga Buka, ayema fani fapila Joani, mi A I amuha ni ku mamulula Liswayo. U mamulula Liswayo kwateni! Mi Ha yo mamulula Liswayo, Mushika wa luma mwa sibaka sani. Mi Mushika ha u to utwahala, hakuna kukakanya kuli Joani na tulezi mwahalimu, Mushika wani ha u to luma.

<sup>166</sup> Mi cwale sesiñwi sa Libupiwa sali, “Cwale taha, utobona se sili Sona, ze patuluzwi fafasi fa.” Oh, mawi! “Joani, ñola so boni.” Kacwalo Joani ayo talima, kubona sene sili Sona. Joani u ya kwa kubona Mushika wa pula so no bulela. Kona ze ne bulezwi ki Sibupiwa se ku Joani kuli, “Taha, u tobona kunutu yeli mwatasa Liswayo la Pili.” [Muzwale Branham ungongota hane fa katala—Mu.] Mushika wa pula, Linzwi la Mubupi li Li utwahalize. Cwale, U lukela kuziba zeli Mwani. Mwabona? Oh, mawi! Kono, munahane cwale, na ñozi Se.

<sup>167</sup> Kono cwale ha kala kuñola zeñwi zani, Mishika ya pula ye Sebene, ki Hali, “Usike wa Li ñola.” Na sa bulelezi kuli añole lika kaufela za na boni. Kono Mishika ya pula ye Sebene ye, ya mwa Sinulo 10, ya utwahalisa milumo, Ki hali, “Usike wa Ñola, neba hanyinyani.” Ki likunutu. Ha lu zibi kuli li lika zecwani pili. Kono, ka mulelo waka, li ka patululwa cwanofu. Mi cwale

ha li ka ezahala, likafa tumelo ya kuungelwa yani, kuli Keleke yani i zwe ingwe. Mwabona?

<sup>168</sup> Kona lu sa zo zwa fela ku zona kaufela ze luziba, mwahala masika a zona kaufela. Lu boni lika kaufela. Lu boni likunutu za Mulimu. Lu boni kubonahala kwa—kwa kopano yetuna hamoho ya Munyaliwa wa lizazi la maungulo. Kono, ibo, kuna ni nto yeñwi mwa Teni yelusakoni ku ipumanela liseli la zona luna bañi. Kuna ni taba isili.

<sup>169</sup> Kono Na akaleza, likunutu ha likala kutaha, Mulimu ali, “I pulukele Zona cwale. Libelela fa muzuzu. Ni ka Li patulila zazi lani. Usike wa Li ñola, ni hanyinyani, Joani, kakuli ba ka sitatala ka Zona. Fela—fela itulele ikele, mwabona. Kono Ni ka Li patulula mwa lizazi lani ha li ka swanela ku patululwa.”

<sup>170</sup> Ne li si ka bulelwa nihanyinyani. Muhupule, inge liloteli nyana la enge, lika kaufela lina ni butokwa. Lika kaufela li ezahala ka libaka. Kono, mulemuhe, Mubupi na li bulezi. Mi u—u utwa Linzwi le, mi ayo li bona.

<sup>171</sup> Kono cwale Ngunyana ibonisa Joani, mwa sisupo sa . . . sa ke—ke sa liñolo la keleke, inge, kwa keleke ye lukela kuziba. Sa kuñola, Na mu bonisize fela. Ali, “Cwale, usike—usike wa bulela zeo, kona fela mo li inezi. Usike wa shetumuka, Joani, ni kubulela kuli, ‘Cwale, se kona fela mo siinezi, ku zeli mwatasa Liswayo la bu Sebene le.’ Usike, usike wa shetumuka ku yo kandeka zeo. Kakuli, haiba Ni bulelela Joani zeo, kipeto baba mwa lusika lwani kaufela, mulelo kaufela uka sinyeha. Ki kunutu.” Mwabona? Yena yena ubata fela . . . Kutaha kwa Hae! Mi ali, cwale, “Mi hakuna ya ka ziba nako ye Ni taha. Na taha fela.” Mwabona? Mwabona? Ku felile. Ha ki za musebezi waka kuziba nako. Ni be fela ya itukisize, mwa bona. Kacwalo he ali . . .

Cwale, Joani aikela fela, ahupula kuli, “Ni ka Li bona cwale.”

<sup>172</sup> Mi ki sikamañi sa na ezize, nako yaya Joani? Yena, cwale, ki sikamañi sa lukela kueza? Cwale u lukela kuñola litaba ze kwa lusika lwa keleke. Kona za lukela kueza, ku li ñolela kwa masika a likeleke. “U ñolele zo bona za Likandela ze Sebene za Gauda, kwa simuluho. U ñolele kwa keleke ye ni ku ba taluseza.” Ku lukile.

<sup>173</sup> Mi Mushika wa luma. Joani a ziba kuli neli Linzwi la Mulimu. Mi cwale Sibupiwa sa—sa tau sali, “Taha, uto bona sesili sona.” Mi Joani aya cwalo cwale, ni siñoliso sa hae, kuli añole sa na ka bona.

<sup>174</sup> Cwale, na si ka bona hande kuli neli sikamañi. Na si ka li utwisisa. Kono sa na boni neli sa na luma Mulimu kwa keleke “fa nako.” Cwale Una ni . . . Uka eza; Uka aeza kamita; U lieza patalaza ha se ili nako ya ku li patalaza. Kono Na si ka li patalaza nako yani. Kiñi? Kakuli, Na ka li buluka lili kunutu kufitela



lusika lwa mafelelezo. Mi kupatalaza kwa Liñusa la lingeloi la mafelelezo neli ku kopanya likunutu ze. Mwabona?

175 Na si ka li toloka hande. Kono za na boni Joani, na boni fela, “Pelesa yesweu ha ya, ni mupahami wa yona,” kona kuli kona sa na ñozi, mwabona, ha na li ñozi.

Kona za ba bulezi ali, “Taha, uto bona.”

176 Kacwalo Joani ayo bona za na boni, kuli ali ñolele kwa keleke. Mi cwale ha na ezize cwalo, ha na boni, “Pelesa yesweu, ni mupahami wa yona nana ni buta; mi aya inza koma, sina mukomi ya sa komile; mi afiwa mushukwe.” Mi, cwale, kona fela za na boni Joani, kacwalo añola fela, añola kaufela zona fela. Cwale, mwabona, zeo ki mwa lisupo. Kona keleke mo i Li amuhelezi.

177 Kono, ka sepiso, mi ka lizazi la mafelelezo Uka Li patulula, abonise zeo Lili zona. Mulimu, alu tuse ku utwisisa. Masika a likeleke, kono ha li si ka zibahaliswa ha kutala kufitela Liñusa la bu sebene, la lusika lwa keleke ya mafelelezo yee. Mulemuhe, wa kalisa. . .

178 Mulumiwa wa lusika lwa keleke ya bu sebene yoo, haiba mu lemuhu, ha kalisi kopano, sina babañwi kaufela mo ne ba ezelize. Muhupule, haiba ha kalisi. . . Batili. Haiba mu lemuhu, ha lati kueza cwalo. Kana Elia, kana Elia na li lwanisa nji? Luli, na li lwanisa. Kana Joani na li lwanisa, ni Moya wa Elia?

179 Ki mufuta wa Moya mañi wa na nani Elia? Na li. . . Hakuna ya ziba zeñata ka yena. Na li fela mutu, kono na li mupolofita. Na toilwe. Mawi! Mi ki nako mañi ya na tile? Neli ka nako ya kuzibahala kwa Isilaele, fani kaufela ha ba kena mwa mikwa ya lifasi. Mi yena afita kwande kwani, kono na “toile basali.” Uh-huh. Eeni, sha. Luli nali cwalo. Mi na lata naheñi. Sani neli sona sibupeho sa hae.

180 Kona kuli sicaba sani ne li lukela kuziba mutangana yani nako ya natile ka ona Moya oswana wani ku yena, ataha kwani, yena Joani yoo. Ha si ka apala sina baika bani, sina mone Ni bulelezi maabani busihu; ba tubeta limbututu, ni kunyalisa, ni kupumbeka, ni zeñwi cwalo. Kono muuna yo yena ataha sina muuna wa lihalaupa. Nali sikamañi? Na lata lihalaupa. Nto yeñwi ya na ezize, na toile likopano. Na i ze kuli, “Cwale, musike mwa kala kubulela kuli, ‘Lu ba siemba *se* kamba *sani*,’ kakuli Ni ka mibulelela kuli, Mulimu wakona kufetula macwe aa, ni kuzusa bana ba Abrahama ku ona.”

181 Na si mukeshebisi. Ne ba palezwi. . . Ali, “Kana mu i lobona lutaka lo lu zukuzwa ki moya? Isiñi Joani.” Batili, sha.

182 Ki sikamañi sa na ezize, hapel? Mane fela inge Elia mwa na bulelezi Jezabele, abulelela Herodia. Ataha fapila Heroda, mi ali, “Ha ki swanelo kuli u be ni yena.” A mu puma toho, ka zeo. Mwabona? Alika kunga Elisha. Ona moya o swana wani, ono li ku Jezabele, kona onoli ku musali yani.

183 Mi yona taba yeswana yeli mwa keleke ya Jezabele kacenu, kinto yeswana. Cwale mu i lemuhe. Ha ki tuto kwa butuka yelu fumana faa!

184 Mi, cwale, kubonahala kuli sicaba sani ne si lukela ku ziba. Joani akala ku ba omanyanya batu bani, ni kuyema fani, kubonahala inge ne ba ka ziba kuli wani neli ona Moya wa Elisha. Ne ba lukela ku utwisisa cwalo. Kona sa na li sona.

185 Cwale, mi lufumana kuli, mane mwahala masika kaufela, kuya ka Mañolo, kuli lu sepisizwe kukutela kwa ona Moya wani, nako ya maungulo fela i si ka fita kale. Ki niti kana? [Kopano ili, "Amen."—Mu.]

186 Cwale, mi amulemuhe, mu ka lemuha sibupeho sateni. Cwale, haana ku kalisa lusika lo luñwi lwa keleke, sina Luther, ni Wesley, ni babañwi ba bona kaufela mo ne ba ezelize. Haana ku kalisa keleke yeñwi, kakuli hakuna masika amañwi a kelele alukela kukalisa. Mwabona? Hakuna kuba ni loluñwi kihona. Kacwalo ulukela ku li lwanisa, kakuli Moya wa hae ukaba fela sina mo ne ba inezi kwa mulaho kwani, ki Moya oswana.

187 Sina mo ne Ni bulelezi maabani busihu, ne li tabisize Mulimu ku itusisa Ona ka linako zetalu zeshutana. Yeo kona nombolo ya Hae, bululalu, isiñi bubeli; bulalu. Sa i tuisize Ona habeli, cwale Uka i tusisa Ona hape. Na bulezi ona cwalo, na sepisize. Cwale mulemuhe, una . . .

188 Mulemuhe cwale, ha Na ezize. Hana ku kalisa kopano, kakuli Lusika lwa Keleke ya Laodesia kona lusika lwa mafelelezo. Mi mulumiwa, wa lingeloi la busebene, iliyena mulumiwa wa bu sebene, kwa lusika lwa keleke ya busebene, ki yena mutangana ya ka patulula lika, ka Moya o Kenile, zona litaba za makunutu ze kaufela. Kona za ka ba ni . . . Ki ba bakai bene bali mo maabani busihu? Ha lu boneñi mazoho a mina. Ni sepa Hanina ku Li bala hape, he. Mwa ziba fela mo lifumaneha, mwa—mwa kauhanyo ya 10, mwabona. Ku lukile. Ku lukile.

189 Baongaongi ne ba ti lo ongaonga keleke yewile yene biletani fapila bona. Mi he, kasamulaho wa kutaha kwa baongaongi ni ku to ongaonga lusika lwa—lwa keleke kuzwa kone luinzi, ni kukutela mwa lifasi, mi ba kalisa lusika lwa keleke yenca. Ba ezize cwalo kamita, kamita. Cwale, lu fitile ku zona zeo. Mwabona?

190 Ka manzwi amañwi, *fa* nekuna ni lusika lwa keleke ya Katolika, yona keleke ya Roman Catholic. Kwa nalulelule Luther ataha, muongaongi. U bizwa muongaongi. Mi kisikamañi sa eza? U kalela ona fani, ku pwacaula lika. Mi, ha eza cwalo, u ipangula kwa keleke. Mi, taba yapili mwa ziba, u eza sikamañi? U yaha nto yeswana ya na zwile mwateni, iba keleke yeñwi.

191 Mi baba ni lusika loluñwi lwa keleke. Mi, taba yapili mwa ziba, kipeto kutaha . . . Lusika lwa keleke lu ba mwa masila amaswe luli. Kasamulaho kwa taha John Wesley, muongaongi

yomuñwi. Mwabona, uyaha lusika loluñwi lwa keleke. Mwa utwa se Ni talusa? Lusika lwa keleke yeñwi lwa kalisa. Kaufela bona ki baongaongi.

<sup>192</sup> Mulemuhe, lona Liñusa la mafelelezo le, la keleke ya mafelelezo, ha ki muongaongi. Ki mupolofita, isiñi muongaongi. A mu ni bonise mupolofita alimuñwi yakile akalisa lusika lwa keleke. Ha ki muongaongi. Ki mupolofita.

<sup>193</sup> Babañwi ne bali baongaongi, kono isi bapolofita. Kambe neba li cwalo, Linzwi la Mulena litahanga ku mupolofita. Ki kabakaleo ha ne ba zwezipili mwa kolobezo ya “Ndate, Mwana, Moya o Kenile,” litaba zeñwi ze kaufela, kakuli nebali baongaongi, mi isi bapolifita. Kono ibo neli baana babatuna ba Mulimu, mi babona butokwa bwa lizazi lene bapila kulona. Mi Mulimu aba toza, mi ba lumelwa kwande kwani mane ba pazaula liza zani mwa liemba emba. Kono Linzwi lelitezi la Mulimu ne li si ka taha kubona, kakuli ne ba si bapolofita. Nebali baongaongi.

<sup>194</sup> Kono mwa mazazi a maungulo, ku lukela kuba mupolofita, kuli ange likunutu za Mulimu, ku li kutisa, kakuli likunutu ne li zibwa fela ki bapolofita. Kacwalo, ilukela kuba yena mutangana yoo. Mwabona ze Ni talusa cwale? Hakoni kuba muongaongi. Ilukela kuba mupolofita, kakuli ilukela kuba mutu ya filwe mpo mi utomilwe ona cwalo, ya swala Linzwi.

<sup>195</sup> Cwale, baongaongi bani neba zibile kuli kuna ni se ne si fosahalile. Luther na ziba cwalo, kuli sinkwa sani ne si ona mubili tenyene wa Krete. Mi kacwalo a kutaza, “Baba lukile ba ka pila ka tumelo,” mi lani ne li liñusa la hae. Mi cwale John Wesley ha yo taha, abona kuli nekuna ni kukeniswa, kacwalo akutaza za kukeniswa. Lani neli liñusa la hae. Mwabona? Mapentekota batisa liñusa la Moya o Kenile, ni zeñwi cwalo.

<sup>196</sup> Kono mwa mazazi a maungulo, mwa lusika lo lwa mafelelezo, mulumuwa hana ku kalisa sikundi sa kuongaonga, kono ukanga likunutu kaufela ze ne ba siile baongaongi bani, ni ku li kopanya hamoho ni ku li tatulula kwa sicaba. Haluboneñi Ni bale fateni hape. I utwahala bunde ku na! Ni—Ni tabela ku I bala.

*...Na bona lingelo leliñwi le li na ni mata lishetumuka kuzwa kwa lihalimu liapezi lilu: ... nambwamutalati... fahalimwa toho ya lona, mi sifateho sa lona inge... lizazi, mi mahutu a lona inge misumo ya mulilo:*

<sup>197</sup> Cwale, lu boni nto yeswana, yanali Krete. Mi lu ziba kuli Krete kamita ki Mulumiwa kwa Keleke. Ku lukile. U bizwa Siita sa Mulilo, Lingeloi la Bulikani, ni zeñwi cwalo.

*Mi mwa lizoho la lona lisweli buka nyana ye apuzwi:...*

198 Cwale, Maswayo na sa mamuluzwi kale, fa. Lusweli ku a mamulula cwale. Kono, ye Nto yeswana i kwaluzwi.

*. . . mi la hatisa lihutu la lona silyo fa liwate, mi la nzohoto . . . fa lifasi,*

*Ki ha la huwa . . . ka linzwi lelituna, sina tau ha i lila: mi ha li . . . huwa, mishika yesebene ya pula ya utwisa manzwi a yona. (Mawi! Ki mafelelezo!)*

*Cwale mishika yesebene ha i se i utwisise manzwi a yona, Na Joani nenili ni ñole (kuñola sikamañi?) ze neli bulezwi: mi Na utwa linzwi lelizwa kwa lihalimu (Mulimu) lali ku na, Tiisa ka liswayo ze bulezwi ki mishika yesebene, u si ke wa liñola. U si kwa liñola. (Mwabona?)*

*Mi lingeloi lene Ni boni li hatile fa liwate . . . ni fa lifasi la yemiseza mazoho a lona kwa lihalimu,*

*Mi la tapanya ka luci ka yapila mwa linako ni linako, ya na ezize lihalimu ni ze kulona, ni lifasi, ni ze lika ze kulona mwateni, ni liwateni ni ze kulona, kuli ha ku sa na tiyeho:*

199 Mutalime! Musike mwa libala se cwale, hanze lu ya.

*Kono mwa mazazi (mazazi) a linzwi la lingeloi la busebene, . . .*

200 Lingeloi la mafelelezo, lingeloi la lifasi. Lingeloi *le* ne li zwelela kwa Lihalimu. Ne si Lona; Ne li zwelezi kwa Lihalimu. Kono Yena fa ubulela ka linzwi la lingeloi la busebene, le lili la . . . *Lingeloi* litalusa “mulumiwa,” mañi ni mañi uziba cwalo, mi ki mulumiwa kwa lusika lwa keleke.

*. . . mwa mazazi a linzwi la lingeloi la busebene, nako yelikala ku utwalisa linzwi la lona, kunutu (Maswayo Asupa, kaufela, kunutu kaufela) ya Mulimu i ka petahala, mo ne ba bulelezi baplofita batanga ba hae.*

201 Kunutu kaufela ka kutala i patuluzwi. Bwani kona bulumiwa bwa lingeloi lani. Mwabona? Ki ze bunolo hahulu, batu basweli fela kuhatikela fahalimwa zona. Kono, kanti, li kapakiwa hande ka swanelo. Li ka zibahala fela hande. Mwabona? Mutu kaufela ya bata kubona ni ku sibona. Mwabona? Yeo ki niti. Kono bao . . .

202 Jesu naize, sina mwa Na bulelezi Ha na tile naize, “Muna ni meto, kono ha ba boni. Isaya na bulezi ona cwalo. Mwabona? Mi muna ni lizebe, kono ha mu utwi.” Cwale, konakuli lu fumana kuli . . .

203 Seo ne si ni sabisize. Ne ni talima fa waci yani mi Na hupula kuli neli teni kiloko. Kono, ki, Ni—Ni nani. . . Kati ha ki naini, mane, mwabona. Ku lukile. Oh, mawi! Ha lu ibaleni cwale. Mulemuhe. Na lata se.

204 Babañwi, baongaongi, kono, ka kuba baana babatuna ba Mulimu, babona butokwa bwa lizazi, mi ba tisa licinceho.

205 Kono Sinulo 10 ibulezi kuli Liñusa la hae ne li ka patululwa, isiñi ku cinc cinca; kupatulula likunutu. Kupatulula likunutu! Ki Linzwi ku mutu. Maheberu 4 iize, kuli, “Linzwi la Mulimu libuhali kufita mukwale olozizwe kafa-ni-kafa, litaba ku yofita kwa makauhanelo a masapo, mi ki Mupatululi wa likunutu za pilu.” Mwabona? Muuna yo ha ki muongaongi. Yena ki musinuli, musinuli wa (sikamañi?) wa likunutu za Mulimu. Koo likeleke li se li lwanganisize Lika ni ku kopamisa lika kaufela, yena u lukela kutaha ni Linzwi la Mulimu ni kupatulula lika hande.

206 Kakuli, una ni ku “kutiseza Tumelo ya bana kwa bashemi.” Tumelo ya makalelo ya Bibebe ina ni ku kutiswa ka lingeloi la busebene. Cwale, oh, mo Ni latela se! Likunutu kaufela za Maswayo, ze ne ba si ka utwisisa baongaongi hande! Mwabona? Cwale mutalime Malaki 4, fa muzuzu fela. Kihande, mu iñole fela. Ki mupolofita, mi, “ukutiseza Tumelo ya makalelo ya bashemi.” Cwale lu libelezi mutu yoo kuli abonahale mwa sibaka. Ukaba ya ishuwile hahulu kuli baba teni milioni ha ba alulwa ka ba teni milioni baka . . . Kihande, kukaba sikwata nyana fela se si ka Li utwisisa.

207 Kikuli, mwa hupula zazi leliñwi, fani Joani ha na swanela kutaha, na polofitile, mulumiwa Kreste asika taha kale, “linzwi la ya huweleza mwa lihalaupa.” Malaki na muboni. Amutalime, kauhanyo ya 3 ya Malaki ki kutaha kwa Elia ya na lukela kutaha mi a twaleta kutaha kwa Kreste.

208 Mu li, “Oh, batili, batili, Muzwale Branham. Ki hauhanyo ya 4.” Mu ni swalele.

209 Jesu naize neli kauhanyo ya 3. Cwale munge Muhalalehi . . . Munge Muhalalehi Mateu, mwa—mwa kauhanyo ya 11 ni timana ya 6, Uka—Uka bulela cwalo. Kauhanyo ya—ya 11, Ni lumela kuli ki timana ya 6; ya 4, ya 5, kamba ya 6, iliñwi ya zona zeo. Ki hali, “Haiba mwakona ku li amuhela,” ha Na sweli kuambola ka Joani, “yo ki yena ya bulezwi za hae kuli, ‘Ni luma numwana wa Ka fapila Ka.’” Cwale mubale Malaki 3. Babañwi balika ku itamahanya ku Malaki 4. Batili, sha, yeo ha ki yona.

210 Mulemuhe kuli Malaki 4, numwana yani a sa ya fela, lifasi la cisiwa kufelelela, mi ba balukile ba ka zamaya mwa Mileniamu, fa mufuse wa bona. Kacwalo, mwa bona, haiba mu ka beya yoo kuba yena kwani, kipeto—kipeto Bibebe ibulezi taba ye si yona. Lubile ni myaha ye likiti zepeli, mi lifasi ha li si ka cisiwa kale, mi baba kenile ba sa pila ku lona. Kona kuli li lukela kuba kwa nako yakwapili. Oh, mawi! [Muzwale Branham ukambela mazoho hañwi—Mu.]

211 Haiba mufita mwa Sinulo mo, ni kubona seo numwana yoo kwa mafelelezo una ni kuezwa, kipeto mu ka bona seo sili sona. U

lukela kuba mupolofita. U lukela kuswala mafelelezo o ne ba si ka bona baongaongi baa, ni ku Abeya mwahali mwani.

212 Kana Mateu 28:19 ikona kutamahana cwani ni Likezo 2:38, kusina sinulo ya moya wa Mulimu? Kana batu baa bakona kubulela cwani kuli mazazi a limakazo a felile, ni litaba ze cwalo, mi (huh!) kusina sinulo ya Mulimu? Nzila fela ye ba ka ziba ka yona, ki kuziba haiba lilukile kamba li fosahalile! Mwabona? Kono batile ka kufita mwa mikopano ya bulaeli. Ni sepa luna ni nako ya kukena ku zona.

213 Ni bata ku akufa, kakuli Ha ni lati ku mi buluka mo kufitelela biki, mwa ziba ze Ni talusa, se, kukwalula Maswayo aa. Ni na ni lizazi li liliñwi, mi Ni ka tabela kuba ni kulapelela bakuli ka zazi leo, haiba Ni ka kona.

214 Cwale amutalime, Malaki 4, ki mupolofita, mi “ukutiseza Tumelo ya makalelo ya bashemi.”

215 Kwa nako ya maungulo, foo nako ya Nyandiso ha i taha . . . Cwale ki ye taba yelikani lu ka kutela mwa mulaho, fa muzuzu, kokuna ni myaha ye milalu ni licika, kamba, lisunda ze mashumi a sebene za Daniele, lisunda ze mashumi a supa za Daniele, ili myaha ye milalu ni licika. Cwale, luna, ki ba bakai ba bahupula zeo, kuzwa mwa masika a likeleke? [Kopano ili, “Amen.”—Mu.] Mwabona? “Ku na ni libiki ze mashumi a sebene ze tomilwe.” Mutalime mo ne libezi ze petehile. Iize, “Mesia u ka taha, mi Uka bulaiwa, kuba sitabelo, mwahala biki, mi mulatu kona uka fela.” Mi, ku sana ni myaha ye milalu ni licika ye libelezi, kuli kube Tuto Mesia kwa Majuda.

216 Mi Mulimu ha sebezangi ni Mujuda ni wa Bamacaba ka nako yeswana. U talimana ni Isilaele kuba naha, mi Bamacaba kuba mutu anosi. Ali kuba ange Bamacaba kuba Munyaliwa wa Hae; Na ngile sicaba se si zwa mwahala Bamacaba. Mwabona? Cwale U talimana ni Isilaele sina naha. Mi cwale ki yani iteni fani, ona mwani cwale, kakuba naha.

217 Ni nani liñolo lelizwa ku Paul kacenu, Paul Boyd. Mi na sweli ku ni bulelela, kuli, “Muzwale Branham, zeo ki za niti cwani! Majuda ba ba sa na ni maikuto asili ka Bamacaba, hakuna taba ka ze ezahalile.” Luli, bakaba cwalo. Ba luka kuba cwalo.

218 Fani Martin Luther ha na bulezi zibiso, kuli, “Majuda kaufela ba lukela ku matiswa, mi miyaho ya bona iciswe ka mulilo, kakuli nebali ma antikreste.” Mwabona? Martin Luther ki yena yana bulezi manzwi ao, yena kasibili, mwa muñolo wa hae. Cwale, Hitler na taleleze fela za na bulezi Martin Luther. Kiñi cwale Martin Luther hana bulezi cwalo? Kakuli na li muongaongi, isiñi mupolofita.

219 Mulimu, kuli, “Mupolofita wa Ka na fuyozi Isilaele, a bulela, ‘Kaufela ya ka ku fuyola uka fuyolwa, mi ya ku kuta uka kutiwa.’” Mupolofita ukona kuyema cwani ni kulatula za bulezi

mupolofita yomuñwi? Hakoni kueza cwalo. Li lukela kuba mwa kutwano, mwabona.

220 Kono kona libaka ha ba ipeya mwa litopa. . . Mwabona, Germany ilukela kuba naha ya Bukreste, mi, bona, mo ne ba ezelize Isilaele! Ba sa na ni kota fa maheta a bona, mi hamukoni ku ba nyaza. Kono muhupule fela, Majuda babaliteni mo, musike mwa bilaela, lizazi la taha! Mulimu hakoni ku ba libala. Neba bile libofu kabakala luna.

221 Mwa ziba, Na bulezi ku mupolofita kuli, Yena. . . Mupolofita abulela kuli, “Kikuli Uka libala Isilaele naa?”

222 Ki hali, “Nga kota ya kupimela yeo; mi kana lihalimu lipahami cwani? Liwate litungile cwani?”

Ki hali, “Hanikoni ku li likanyeza ka kupima.”

223 Ali, “Ha Nikoni ku libala Isilaele.” Sani ki sicaba sa Hae, batanga ba Hae.

224 Mi Bamacaba, ki basikai fela baba ka ngelwa mwani, kuba Munyaliwa wa Hae. Yeo luli ki niti. Yani ki Munyaliwa.

225 Cwale, libiki ze mashumi a sebene ne li tomilwe, handende, sina Daniele ha na bulezi kuli Mesia uka taha mi a bulaiwe mwahala biki. Mi Jesu na polofitile myaha yemilalu ni licika. Cwale, mwahala myaha yemilalu ni licika yee ya Daniele, mwahala yona, A bulawa. Mi cwale kalulo ya mafelelezo ki nako ya Nyandiso, kokuna ni keleke ya Bamacaba. Oh, taba ye ki yende! Cwale musike mwa li mbwinja. Munyaliwa ukena mwahali hamoho ni Munyali; mi, kasumulaho wa puso ya Mileniamu, u zamaya inza hatikela fa mufuse wa baba maswe.

226 Haluboneñi ni mi bonise nto yeñwi fa, ha lu na ni zona mwa minahano cwalo. Lu mi bonise fela se I bulezi, se i bulezi Biblele. Mi halukoni kulatula kuli Le ki Linzwi la Mulimu. Haiba lu latula, konakuli ha lu zibi za bulapeli. Mwabona, lu lukela ku Li lumela. Mu li, “Ha ni Li utwisisi.” Nina ha ni li utwisisi. Kono Ni libelezi Yena kuli a Li patulule. Mwabona.

*Kakuli, amubone, lizazi la taha, le li ka cisa sina ondo; mi baikanyisi kaufela (sina ma American, ni babañwi cwalo,) mane, . . . ni baba eza bumaswe kaufela bakaba matakazi (Ba ka tuka.) mi lizazi lataha, le Ni ka ba ciseleza, kubulela MULENA wa limpi, . . . kuli kutokwe kusiyala kubona mubisi kamba mutai.*

227 Cwale muba cwani ni lihele la Kuyakuile fo he? Mwabona, ki mazazi a maungulo, lika ze halisweli ku patululwa. Hakuna sibaka mwa Biblele fo ku bulezwi kuli lihele ki la Kuyakuile. Konakuli, kuba ni. . . kuba mwa lihele la Kuyakuile, u lukela kuba ni Bupilo bwa Kuyakuile kuli ube mwani. Kuna ni fela mufuta ulimuñwi wa Bupilo bwa Kuyakuile, mi zeo kona ze luikataleza. Lika kaufela, ze na ni makalelo, lina ni mafelelezo. “Lihele ne li bupezwi diabulosi ni mangeloi a hae,” li ka cisiwa

ni kushengunuka kufela. Kiniti. Mwabona? Kono cwale se ha si ezahala, “Hasina ku ba siya matali kamba mubisi neba mutai.”

*Kono ku baba saba libizo la ka ba ka pazulelwa ki Lizazi la kuluka ni foliso mwa mafufa a lona; . . .ba ka zwa, ba takise sina manamani a zwa mwa sakana.*

*Mu ka hatikela ba bamaswe; kakuli ba kaba mulola kwa lingandi za mautu a mina mwa lizazi le Ni eza taba ye, kubulela MULENA wa limpi.*

228 Ya maswe ukaba kai kasumulaho wa Nyadiso? Mufuse.

*Muhupule . . . milao ya Mushe . . . ye Ni mu laezi . . . ali mwa Horebe kwa Isilaele kamukana, ni litaelo ni likatulo.*

*Amubone, Ni ka mi lumela Elia mupolofita lizazi lelituna le lisabisa lani la MULENA li si ka taha kale:*

229 Amen! Kiye fa Testamente ya Kale ikwala ka kubulela cwalo, mi ki ye fa Testamente ye Nca ikwala ka taba yeswana. Mu ka i beya cwani kwahule? Hamukoni. Mutalime, “Nika mi lumela Elia mupolofita lizazi leo li si ka taha kale.”

*Mi uka kutiseza lipilu za bashemi kwa bana, ni lipilu za bana kwa bashemi, kuli Ni si ke na to nata lifasi ka sikuto. (Uh!)*

230 Ki fo he cwale. Leo ki Linzwi la Mulena. Na li sepisize. Li na ni kutaha. Mi cwale haiba mu ka lemuha se mo si ezahalela. Ki sesinde, Mulimu mwa si ezeza. Munyaliwa waya kwapili, hamoho ni Munyali. Mi—mi kutuha foo, baba maswe ba tuka ka mulilo o sa timi. Mi kasumulaho lifasi li keniswa, la itahisa sinca. Lika kaufela lina ni kueza cwalo, lina ni kufita fa sibaka sa ku keniswa.

231 Sileze se si cisa si ka tibuluha mwa nako yesabisa ya mafelelezo yani, mi lifasi li ka panca, ni kutokola, ni zeñwi cwalo; mi ona masa a sibi a kaufela, ni kamukana ze li mwa lifasi, li ka shengunuka kuba fela noto. Li ka tuka ka kucisa kokutuna luli, kuli likaba sina mulyani wani ofetula mubala ni kuluma mu—mu mubala wa—wa enge kukutela mwa buino bwa ona bwa pili. Kona ni Mulilo ozwa ku Mulimu mo ka ciseza luli, uka fetula ntoya masila kaufela kukutela mo ne ibelanga sapili hape, foo Satani ni sibi kaufela ha se li cisizwe lotee, ni lika kaufela. Mi kipeto li ka taha ka bunde mo ne libelanga mwa simu ya Edeni. Kiniti. Oh, hola yesabisa yeo i kwapili a luna!

232 Ka nako ya Nyandiso . . . Ki se fa se Ni bata kuli mulemuhe cwale, taba nyana ye Ni nokezi mwatani fa. Ka nako ya Nyandiso yee, kasumulaho Munyaliwa abizwa, mi keleke iekna mwa nako ya Nyandiso, baba handeleti ni fote-foo sauzande ba ka bizwa ka lipaki zepeli za Sinulo 11. Cwale amutalime. Ba ka polofita, mazazi wani sauzande tuu handeleti ni sikisite, inge ba apezi mwa masaka.



233 Cwale, lu ziba kuli ye kalenda ya Maroma ina...Luna ni mazazi a twenti-eiti mi, fokuñwi, ni mashumi amalalu, ni mashumi amalalu ka li liliñwi. Kono, ka swanelo, kalenda ibulela kuli, ki mazazi a mashumi amalalu mwa kweli ni kweli. Kiniti. Mi munge a mwanda... a wani sauzande ni tuu handeleti ni a sikisite fahalimu, mi mubeye a mashumi amalalu kuona, mubone kalabo. Myaha ye milalu ni licika, ka kulikanelela hande. Yeo kona nako ye tomilwe, nako ya Liñusa la Bumesia ku kutazwa kwa Isilaele, sina mo ne kuinezi kwa mulaho kwani. Nako ya Na kutile ni ku to itibahalisa Iliyena, mwa sisupo sa kuli Ha taha... .

234 Mi, Josefa ha na isizwe mwa naha, mi a haniwa ki ba habo, kakuli neli muuna wa moya. Na kona kubona lipono ni ku toloka litolo. Mi hamano eza cwalo, a i siwa mwa naha yani mi a lekiswa ka lishekele ze ba to eza mashumi amalalu a silivera. A bonisa fela Kreste, ona cwalo, kakuli neli Moya wa Kreste ku yena.

235 Mulemuhe se ne si ezahalile. Mi mulemuhe kuli, ha na ezize se, abeiwa mwa tolongo, mi muuna alimuñwi wa piliswa mi yomuñwi a bulaiwa. Kuswana fela Jesu, ha Na li mwa tolongo fa sifapano, sisinyi sesiñwi sa piliswa mi sesiñwi sa lateha, kiniti.

236 A nepelwa mwa libita, na lukela kushwa, mi a zwiswa mwateni, ni kupahama ku yo ina kwa lizoho la bulyo la Faro, kuli hakuna ya na bona Faro kusina kubona Josefa pili. Jesu u inzi kwa lizoho la bulyo la Mulimu, mi hakuna mutu yakona kutaha ku Ndate konji ka Mwana. Kiniti.

237 Mi mulemuhe nako kaufela Josefa ha na zwa, fani Josefa ha na nanuha kwa lizho la bulyo lani la lubona. Mutokomele! Kanya! Kwani ne kuinzi Josefa, kwa lizoho la bulyo la Faro. Mi cwale Josefa ha na yema, kuzwa fa lubona, tolombita ne ilila. "Amu kubame ka mañwele, mañi ni mañi! Josefa wa taha!"

238 Mi Ngunyana yani ha na zwa fa Lubona, kwabuse kwani, mwa mazazi a musebezi wa buyemeli bwa Hae, nako Ya zwa fa Lubona kwahalimu kwani, ni kunga Buka ya Puluso yani ni kutaha kwapili, liñwele kaufela li ka kubama. Ki Yani fani. Mulemuhe.

239 Mi cwale Josefa, ahaniwa ki bahabo, a fiwa mufumahali wa Bamacaba. Potifa na mu file...Kamba, Faro na mu file mu—mu mufumahali wa Bamacaba, mi apepa bana ba Bamacaba, licika wa Bamacaba ni Mujuda. Libonisa sisupo sesi ipitezi. Mi Jakobo ha na ba fuyola, Efraimi kwa neku la silyo ni Manase ku leliñwi, afapanya mazoho a ahe ni kufa wa mwanana mbuyoti. Mi banana bababeli bani ba ekezwa kwa masika a twelufu, nebali fela ba lishumi ka nako yani, mi aba fuyola ku Jakobo kasibili. Mi Josefa, mwana hae wa mupolofita, inza yemi fani, ali, "Ndate, u fosize." Ali, "U beile lizoho la silyo ku mwanana, kanti ne li lukela kuya ku yomuhulu."

240 Mi ki hali, “Ni ziba kuli mazoho aka a silani, kono ki Mulimu ya a fapanyize.” Kiñi? Isilaele, nana ni liswanelo za kuba Munyaliwa, ba hana mi ba lekisa tukelo ya kupepwa kwa bona, mi zeo . . . za zwa ku mwana yomuhulu, Isilaele, kutaha ku mwanana, Wamacaba. Mi limbuyoti za zwa fani, ka sifapano, kutaha ku Bamacaba.

241 Kono mulemuhe kasamulaho wa foo, mwabona, ka sona sani, mi kaufela . . . Na ngile munyaliwa wa hae. Kono cwale bashimani bani haba taha kwa kuleka lico . . .

242 Oh, ki siswaniso sesinde luli! Ni fitelezi Liswayo, kono Ni lukela fela ku si bulela, mwabona, kakuli mu ka bona siswaniso hande, Na lumela. Mulemuhe.

243 Cwale, ha ba ya kwa kuleka lico, mwa ziba, Josefa aba lemuhu kapili. Mi Josefa neli mwana wa bufumu. Hakuna taba kamba naya kai, kamita na fuma.

244 Mu libelele kufitela Ataha mwa lifasi hape; mulibelele kufitela Josefa wa luna ataha! Mwabona? “Lihalaupa li ka tubula lipalisa, mi Lizazi la Kuluka li ka pazula ni foliso mwa mafufa a Hae.” Oh, mawi! Mikakani yani kaufela yeliteni mwa Arizona ika fetuha kuba likota zende, mi lika—lika ba zende.

245 Mulemuhe, kiyo fa wa taha, mi u to itibalisa bona kwani. Mi u luma, ni kubulela kuli, “Kana ndate u sa pila?” Mwabona? Na bata kuziba haiba ndatahe mushimani yani na sa pila. Bali, “Eehe.” A ziba kuli yani neli muhulwana hae. Kono kikuli mu lemuhi ha na li bukaufi ni kuipatulula kwa bahulwani ba hae?

246 Mi afumana Benjamine yomunyinyani, ya na pepilwe mwa mulaho wa hae kuzwa fa na yezi. Mi seo si yemela Majuda, bona ba handeleti ni fote-foo zausande baba kopanezi kwani cwale kuzwa nako ya Naile. Mi ha Na i lo kuta, A li . . . Atalima ku Benjamine; pilu ya hae ya bata ku pazuha.

247 Mi, muhupule, neba na . . . na . . . Ne ba sa zibi kuli nakona kubulela Siheberu. Na itusisa mutoloki. Na ikeza inge ki ki Muegepita. Mwabona? Mi cwale ha li yo zibahala, na bata ku itibahalisa ili yena, atundamena kotalima Benjamine yomunyinyani. Mi, muhupule, a lukulula musala hae. Mufumahali nali mwa mafulo nako ya na itibahaza ku bahabo.

248 Mi Munyaliwa wa Bamacaba, yena Mufumahali, kasamulaho Jesu a haniwa ki sicaba sa Hae Tota, U i kungezi Munyaliwa wa Bamacaba. Mi uka Mu nga kuzwa fa, kuya kwa Mafulo, kwa Ndu ya Ndata He mwa Kanya, kwa Mukiti wa Sinawenga. Mi uka kuta fafasi, ku to Itibahalisa ku Bahabo, bona ba handeleti ni fote-foo sauzande . . . ? . . . nako yeo.

249 Ki yani uyemi fani. Mi, muhupule, mutalime fa sisupo hande katokomelo. Mi ha yo kuta fo ne kuinzi faa, aba talima, mi ki hali—ki hali . . . akala kotalima. Mi ba kala kuambola. Ba li, “Cwale, Rubeni, u ziba kuli lukeni mwa butata cwale, mwabona.

Kakuli, mwa ziba ze luezize. Lubeile mushimani yo mwa butata. Cwale, ne lu sa lukeli kulekisa munyana luna.” Yani neli muhabo bona yana yemi fani, yena mwana mulena yomutuna yani, mi ne ba sa zibi.

250 Kona libaka Isilaele ha sa Mu utwisisi kacenu. Ha ki hola ye ba lukela ku li ziba.

251 Mi he, yena, ne ba hupula kuli na sa utwi Siheberu, kono nasweli ku ba utwa. Se bali, “Cwale lukeni mwa butata.” Mi Josefa, ha ba talima, apalelwa ku itiisa.

252 Cwale, muhupule, musala hae ni bana ne ba li mwa mafulo ka nako ye. Balumeli se baile, ha ba sa li yo.

253 Mi ki hali, “Kina Josefa, munyana mina.” Mi amata ku yo kumbatela Benjamine yanali yomunyinyani, awela mwa mulala wa hae, ni kukala kulila. Mwabona? Mi a i tibahalisa.

254 Mi cwale se bali, “Cwale luziba kuli lu mwa ziyezi, kakuli ne lu mu lekisize. Ki luna bene ba mu lekisize. Ki luna bene ba batile ku mu bulaya, cwale lu ziba kuli uka lu bulaya.”

255 Ki hali, “Batili, musike mwa ikutwa bumaswe, ne muezize fela cwalo kuli mubukeleze bupilo. Kona Mulimu za na ni lumezi kwanu.”

256 Mi ha Sa i tibahalisize Kasibili, Bibeke ibulezi kuli... hanze lu ka fita kuyona. Nako Ya ka itibahalisa Kasibili kubaba handeleti ni fote-foo sauzande kwani, yena Benjamine yomunyinyani wa kacenu, ni bomasiyaleti ba Majuda baba siyezi kwani; nako Ya itibahalisa Kasibili, ba ka li, “Ki kai ko Uzwise mañiba ao? Aeza sikamañi mwa lizoho la Hao?”

257 Uka bulela kuli, “Oh, Ni a zwisize mwa ndu ya balikani ba Ka.” Mwabona? Oh, kipeto ba ka lemuha kuli ne ba bulaile Mesia. Kono Uka li ñi? Zeswana sina Josefa za na ezize. “Ne muezize cwalo ili kubukeleza bupilo; isiñi . . . kubukeleza bupilo. Musike mwa ikutwa bumaswe.” Kakuli, sani, Bamacaba ne ba si ke ba tiswa mwateni kambe Majuda ne ba si ka fufazwa ka makilikicani ani. Kacwalo, Na pilisize Keleke, ka lika ze ne ba eizize. Konakuli ki fo he cwale. Kona libaka, kacenu, ha ba Li utwisisi; ha ki yona hola.

258 Ni luna ne lusike lwa utwisisa litaba ze konji nako ha itaha ya ku Li utwisisa. Oh, mawi! Mishika Yesupa, ya Sinulo, mi Ha bonise Munyaliwa mwa ku ikukiseleza yona cincho tuna ya tumelo yani!

259 Cwale ha lu akufeni, kakuli halusana nako konji fifitini, mizuzu ye mashumi amabeli kihona.

260 Cwale, kanti pelesa yesweu ye italusa sikamañi? Haluboneñi ni bale . . . Ni bile kwahule hahulu; mu ni swalele ka kuzwa mwa tuto yaka. Kono, kono Ni ka bala timana hape, litimana zepeli.

*Na talima Ngunyana ha mamulula la pili kwa maswayo, mi Na utwa, linzwi ike mushika wa pula, mi sesiñwi sa libupiwa zepila zene sali, Taha . . . utobona.*

*Mi Na talima, na bona pizi yesweu: . . .*

261 Cwale luka ya fa timana ya 2.

*. . . pizi yesweu: mi ya ipahami u sweli buta; mi a fiwa kuwani ya bulena, (na sina ona) . . . ku yena: mi ataha ili ya tuzi, mi aya kwa kutula.*

262 Ki peto kona fela zeo. Leo kona Liswayo. Cwale ha lu fumeñi lisupo.

263 Lu fumani taluso ya Mushika. Zeo luli li lukile, lwa ziba cwalo, mwabona. Mushika wa pula neli Linzwi la Mulimu, Liswayo ha li to kwaluha.

264 Cwale, pizi yesweu iyemela sikamañi? Cwale, kifa sinulo fo itezi. Ni ikolwisa hande ka ze, sina ha Ni yemi fa, ka kuziba kuli le kona Linzwi.

265 Ni balile buka kaufela ka zona ye Ni fumani. Mi ni ki . . . Ni . . . Nako yefelile hane Ni li—li kile kufita ku zona, neli fela ku li luta, seli myaha ye mashumi amalalu kwa mulaho, Ne ni ngile buka . . . Yomuñwi na ni bulelezi kuli ba Adventist bana ni liseli lelituna kaza Kutaha kwa bubeli kwa Kreste kufita sicaba sifi kaufela mo si zibela, kacwalo Na fumana zeñwi za libuka zende zabona, na ipalela zona. Na nga buka ya Smith ka za Daniele, ya sinulo. Mi abulela kuli mupahami wa pizi yesweu yana ile yoo, ni kuyemela mukomi. Mi kwa kukoma kwaa . . . Buñata bwa mina ba Adventist mizwale mo mwa iziba buka yani, ni buñata bwa mina babañwi, hape, mwa iziba ka kuibala. Mi—mi babañwi, Ni balile zepeli kamba zetalu. Ne ni balile, mi ha Ni sa ziba . . . Kuna ni libuka zeñwi zepeli ze Ni balile, mi baana bababeli bani ne ba lumela kuli neli ona cwalo. [Muzwale Branham ungongota fa katala ha ketalizoho—Mu.] Bani neli baluti babande, ba lukela kuba babañwi babatalifile, ni liseli lelinde. Kacwalo Na nahana nali, “Kihande, haiba Ni sa zibi, Ni ka bulela fela ze ba bulezi, balika ku li luta ona cwalo.”

266 Ba bulezi manzwi amande ka zona, zene litaluswa luli. Mi se bali, “Cwale, ki ye fa pizi yesweu, mi pizi yesweu ki mata, ni bundume.” Mi bali, “Muuna ya na ipahami yani, neli fa—fa pizi yesweu, neli Moya o Kenile o no zamaile mwa lusika lwa makalelo ni kukoma lusika lwani kwa Mubuso wa Mulimu. Na sweli buta mwa lizoho, ili kotalusa, sina siswaniso sa Mbututu yasweli buta, na kunupa masho a lilato fa lipilu za batu, lilato la Mulimu, mi a koma.”

267 Cwale, seo si utwahala hande luli, kono ha ki Niti. Batil, sha. Eehe. Ne si cwalo. Busweu bu talusa kuluka. Lu—lu ziba cwalo. Busweu bu talusa kuluka. Baluti balutile cwalo, kuli neli Moya

o Kenile kukoma mwa lusika lwa makalelo; kono sinulo yaka, ka Moya o Kenile, ha ki ka nzila yeo.

268 Sinulo yaka, ka Moya o Kenile, kikuli: Kreste ni Moya o Kenile ki Mutu fela yaswana mi alimuñwi, fela ki mwa mufuta omuñwi. *Kacwalo, fa* kuyemi Kreste, yena Ngunyana. Lu ziba kuli Nali Ngunyana. Na yemi *faa* ni Libuka mwa lizoho la Hae; i *fani* kuya mupahami wa pizi yesweu, mwabona, kona kuli ne si Moya o Kenile.

269 Cwale, yeo ki iliñwi ya likunutu za mazazi a maungulo, kuli Kreste abe batu ba balalu ku Alimuñwi. Ha ki batu babalalu ba bashutana, Ndate, Mwana, ni Moya o Kenile, kakuba Balimu babalalu, sina balumeli baza bulalu bwa bulapeli mo ba lu bulelela Zona. Ki zetalu, ki liponahazo zetalu za Mutu yaswana. Kamba mukona kulibiza liofisi zetalu. Haiba u ambola kwa bakutazi, ukona kuitusisa liofisi; kakuli, kulukile, Na kala kunahana, Ni inzi fa tepu. *Kacwalo Ni* ka mi bulelela . . . Kakuli, Kreste nasika bulela kuli, “Ni ka lapela kuli ofisi ya Ka, mi Uka mi lumela ofisi yeñwi.” Lwa ziba cwalo. Kono haiba mubata ku lieza . . . Ki likalulo zetalu za Mulimu yaswana. Mwabona? Ha ki Balimu babalalu. Likalulo zetalu za Mulimu yaswana! Mwabona?

270 Mi he cwale Kreste ukona kuba cwani kwande *koo*, pizi yesweu, inza koma, mi inza yemi *faa* ni Buka mwa lizoho la Hae? Ha ki cwalo, niteñi. Ha ki Kreste.

271 Mulemuhe cwale, Moya o Kenile (mwa sinulo) ni Kreste, ki, Moya o Kenile ki Kreste mwa mufuta omuñwi. Kiniti.

272 Mulemuhe, ki Ngunyana yana apuzi Libuka, mi Ngunyana ki Kreste. Mi Kreste ha sa bonwa ni hanyinyani, kuzwa foo, kono U bonahala mwa Buka ya Sinulo, mwa kauhanyoya 19, ya taha fa pizi yesweu.

273 Haiba mutabela ku i palela yona, ha lu apuleñi mwa Sinulo 19:11, sikisi- . . . Mi lu ibale fela kapili cwale halunze lu—lu luna ni . . . Luna ni nako yeñata, Na sepa, kuli ibe fela bunde nyana ku luna. 19, 19:11, lu kalele fa timana ya 11, mi lubale kushetumuka, hamoho ni ya 16.

*Mi cwale Na bona lihalimu ha li kwaluluhile, . . . mi kwataha pizi yesweu; (isiñi fa lifasi; mwa Lihalimu, mwabona) mi ya ipahami u bizwa ya Sepahala . . . Waniti, . . . kuatula kwa hae ni kulwana ki ka kuluka.*

*Meto a hae inge . . . malimi a mulilo, mi kwa toho ya hae ki likuwani za bulena, (mutalime mushukwe woo!); mi una ni libizo leli ñozwi, le li sa zibiwi ki mutu, konji . . . yena.*

274 Ni bata kuyema fo pili fa muzuzu. [Muzwale Branham ungongota fa katala hañwi, ni kuzuza—Mu.] Oh, mawi! Nina

ni mubonelo omunde, kono . . . Mwendi Na kona, haiba mina . . .  
[Kopano ili, “Zwelapili fela!”]

275 Mwabona, hakuna ya Li ziba. Kana mwa ziba kuli Libizo la “Jehova” ha ki lona hande? Kuna ni ya ziba. Dr. Vayle, u ziba yeo ki niti. Batoloki ne ba si ka Li toloka hande. Li peletelwa cwana J-u-h-v . . . J-v-h-u, Ni taluse. Ha ki kuli “Jehova.” Ne ba palezwi ku Li tatulula. Ha ba zibi mo Liinezi. Neba Li biza “Jehova,” kono ne li si Libizo la Hae.

276 Mutalime, nako kaufela tulo ha ne ibateni, kamba kuzwelapili, libizo ne li cinciwa.

277 Amutalime mwa mazazi a Abrahama. Na li, pili, Abrame, mi nasike kuba ni mwana yani konji pili libizo la hae ha li tocinciwa kuba Abrahama. Mi Sarra, S-a-r-r-a, nasina sika kwanda mba ye shwile kufitela libizo li cinciwa kuba S-a-r-a-h.

278 *Jakobo* italusa “kuluku, mupumi,” mi kona za na ezize. Na ikapesize mukata wa ngu, ni kupuma ndatahe wa mupolofita, kuli ange tukelo ya kupepwa. A beya tukota twa mupolota mwa mezi, atu penta mindolindoli, twa sabisa likomu ha ne lili mafuta ka . . . ni bana ba zona, kuli abe ni likomu za mibala bala ni lingu. Hakuna kwanda kuba mupumi!

279 Kono busihu bobuñwi a kumalela Nto yeñwi ya niti, mi a ziba kuli Ne ili ya niti. Mi apila ni Yona, mane akumalela kufita akoma. Mi libizo la hae la cinciwa, mane a bizwa *Isilaele*, kotalusa kuli “nabi ya mangani ni Mulimu.”

280 Kana ku cwalo? [Kopano il, “Amen.”—Mu.] Mukomi ufi kaufela!

281 Simoni neli muyambi. Kono tumelo ya hae nako ye ilemuha kuli yani neli Jesu, nako Ya mu bulelela kuli Nali yena Mesia, ni ku mu bulelela libizo la hae ni libizo la ndatahe, na komilwe, mi a cinciwa kuzwa ku Simoni kuba Pitrosi.

282 Saule, libizo lelinde. Saule, neli mulena nako yeñwi mwa *Isilaele*, kono yena, kakuba *Saule*, na sa swaneli kuba muapositola. Na ka swanela kuba mulena, kono isiñi muapositola. Kacwalo Jesu a cinca libizo la hae (kuzwa kwa sikamañi?) kuzwa ku Saule kutaha ku Paulusi.

Mutalime “Bana ba pula,” ni kushetumuka cwalo.

283 Mi, Jesu, Libizo la Hae mwa lifasi neli “Muliululi,” Jesu. Ha Na li mwa lifasi, Nali Muliululi, yeo ki niti. Kono cwale Ha yo koma lifu ni lihele, ni ku li koma, ni ku kambamela kwa Lihalimu, A amuhela Libizo le linca. Ki kabakaleo mu huwakanga fela sina mo ba ezeza, mi hakuna ze ba amuhela.

284 Li ka yo patululwa mwa Mishika ya pila. Uh-huh. Mwabona? Mulemuhe likunutu. Wa taha, upahami . . . Ku lukela kuba Sesiñwi se si ka cinca Keleke yee. Mwa ziba cwalo. Ku lukela kuba Sesiñwi. Mulemuhe, “Hakuna mutu ya na ziba, kwanda

yena Kasibili.” Cwale, mulemuhe, “Hakuna mutu ya na ziba, kwanda yena Kasibili.”

*Mi u apezi sapalo se si cimbekilwe mwa mali: mi libizo la bizwa ki Linzwi la Mulimu.*

Oh, mawi! Mulemuhe!

*Mi limpi ze kwa lihalimu ne li mu latelela lipahami lipizi zesweu, ne ba apezi line yende, yesweu mi yekenile.*

*Mi mwa mulomo wa hae nekuzwa mukwale o buhali, o ka ona una ni kunata macaba: mi u ka a lisa ka mulamu wa sipi: ki yena ya ka hatikela mwa silubelo sa veine ya buhali bwa mabifi a Mulimu Yamata kaufela.*

*Mi una ni libizo le li ñozwi fa siapalo ni fa silupi sa hae ili, MULENA WA MALENA NI MUBUSISI WA BABUSISI.*

<sup>285</sup> Kiyu Mesia wa taha. *Kiyu* Uyemi foo; isiñi mucaha yo fa pizi ye fa. Mutalime shutano. Kiyu Uyemi ni Buka mwa lizoho la Hae, fa, musebezi wa kuliulula fela ki . . . Na si ka nga kale sibaka sa Hae haisali. Kacwalo, ne si Kreste ya na ile, neli Moya o Kenile.

<sup>286</sup> Kusina ku sa lumelelana ni baana babatuna bani. Batili, sha, Ha ni ezi cwalo. Ha ni koni kubala kueza cwalo, kono se kona—kona sinulo yaka ka moinezi ka Sona. Mwabona? Haiba muna ni nto yeñwi ye shutana, kihande, zeo ki zende kaufela, kono ha ki yelukile ku na. Mwa bona, Ni—Ni lumela kuli I cwalo. Mwabona, cwale, mwa ziba kaba. Mwabona?

<sup>287</sup> Mi, mulemuhe, Kreste ha sa bonahala hape, mwabona, kuzwa ka nako yani. Kono ki Yo fa pizi yesweu. Kona kuli haiba mucaha yo na pahami pizi yesweu, konakuli ki mulikanyisi fela wa Kreste. Mwabona? Mwa utwa kana? [Kopano ili, “Amen.”—Mu.]

<sup>288</sup> Mulemuhe, mupahami wa pizi yesweu hana libizo ni lelikana. Wakona kuitusisa malumbatina amabeli kamba amalalu, mwabona, kono haana neba libizo lelikana.

<sup>289</sup> Kono Kreste una ni Libizo! Ki lifi leo? Ki Linzwi la Mulimu. Kona seo lili sona. “Kwa simuluho nekuna ni Linzwi, mi Linzwi nali ku Mulimu, mi Linzwi neli Mulimu. Mi Linzwi, la ezwa nama.” Mwabona? Mupahami hana libizo, kono Kreste u bizwa “Linzwi la Mulimu.” Kona Sa li sona. U bizwa ona cwalo. Cwale Una ni Libizo le li sa zibwi ki mutu; kono U bizwa kuli, “Linzwi la Mulimu.”

Haili mucaha yo yena hakuza mwa bizezwa, mwabona, kono upahami pizi yesweu.

<sup>290</sup> Mupahami hana masho mwa buta bwa hae. Kikuli mu lemuhihle cwalo? Nana ni buta, kono hakuna ze bulezwi ka kuba ni masho, kacwalo ulukela kuba lihata. Kiniti. Mwendu una ni

mushika omutuna, kono ha na lumonyi. Kono muka fumana kuli, Kreste nana ni zepeli cwalo lumonyi ni mushika, kakuli mwa mulomo wa Hae kuzwa Mukwale o lozizwe kafa-ni-kafa o buhali, mi U nata maacaba ka Ona. Mutangana yo yena hakuna mwakona kunatela, mwabona, kono unga kalulo ya muipi. U ya cwalo, inza pahami pizi, u ya ku yo koma.

<sup>291</sup> Kreste una ni Mukwale o buhali, mi, mutalime, U zwelela mwa mulomo wa Hae. Ki Linzwi lelipila, leo ki, Linzwi la Mulimu le li patuluzwi kwa batanga ba Hae. Sina mwa Na bulelezi ku Mushe, “Zamaya, uyemi kwani, mi u yo otolola mulamu o; ubize linzinzi,” mi kwaba linzinzi. Luli. Kaufela sa na bulezi, Na si ezize; mi sa to ezahala, Linzwi la Hae lelipila. Mulimu ni Linzwi la Hae ki Mutu fela yaswana. Mulimu ki Linzwi.

<sup>292</sup> Kimañi mupahami ya sa zibahali yoo wa lusika lwa keleke yapili kanti? Kiyena mañi? Ha lu nahaneñi ka zona. Mupahami ya sa zibahali yoo ki mani ya kalezi mwa lusika lwa keleke yapili ni kupahama kupunya mwa Kuyakuile, kuya kwa maungulo?

<sup>293</sup> Liswayo la Bubeli la taha cwale mi liya cwalo kuliba kwa maungulo. Liswayo la Bulalu litaha la taha cwalo ni kutatama kuya kwa maungulo. Labune, Labufaiifi, Labusilezi, Labusupa, lifi ni lifi la ona, li yo felela kwa maungulo ani. Mi kwa nako mafelelezo, Libuka ze potolohile linako ze kaufela, ni likunutu mwahala zona, Li kwaluhile. Mi kwataha likunutu, ku to bona zeo nelili zona. Kono, kaniti, ne likalezi mwa lusika lwa keleke yapili, kakuli keleke, lusika lwa yapili, ne ba amuhezi Liñusa sina Le. [Muzwale Branham ungongota fa katala halalu—Mu.]

<sup>294</sup> “Mupahami wa pizi yesweu aya cwalo.” Mwabona? Ki yena mañi? Ki ya tiile ni mata mwa kukoma kwa hae. Ki mutangana mwa mata a hae a kukoma. Mu bata kuli ni mi bulelele yo ali yena? Ki yena antikreste. Luli kona mwa inezi. Cwale, kakuli, mwa bona, haiba antikreste; Jesu naize, kuli, “Zepeli zeo likaba bukaufi hahulu hamoho kufitela lipume ni bona Baketwa luli (ili Munyaliwa) haiba kinto ye konahala.” Antikreste, ki moya wa antikreste.

<sup>295</sup> Muhupule, mwa masika a likeleke, ha na kwaluzi lusika lwa keleke yapili kwa mulaho kwani, lu fumani kuli Moya o Kenile no nyaza nto yeñwi yene ba kalile mwa lusika lwa keleke yani, mi zani za bizwa kuli “likezo za Manikolai.” Mwa hupula kana? [Kopano ili, eeni, “Amen.”—Mu.] *Nikao* italusa “ku koma.” *Laity* italusa “keleke,” yona keleke. *Nico-laitane*, “ku koma laity.” “Ku zwisa Moya o Kenile mwa keleke ni ku Ufa kaufela ku muuna alimuñwi ya kenile. Yena abe mubusisi wa yona kaufela.” Mu se mufitile ku zona, mwabona, Nicolaitane. Mulemuhe, Nicolaitane “neli mu—mu mubulelelo,” mwa keleke yeñwi. Za ba “tuto,” mwa lusika lwa keleke lo ne lutatama. Mi mwa lusika lwa keleke ya bulalu, ne li “kapelezo,” mi nebana ni Katengo ka ba Nicaea.



Mi cwale wa eza kuba—kuba tuto mwa keleke. Mi kinto mañi ya pili ye ne ezahalile? Kopano ya bupwa ku zona! Cwale, kana ku cwalo naa? [“Amen.”]

<sup>296</sup> Mu ni bulelele kopano ya keleke yapili ko ne ikalezi. Neli keleke ya Roma ya Katolika! Mu ni bulelele Sinulo haiba ha i buleli cwalo, mwa Buka ya Sinulo 17, kuli, “Na li lihule, mi bana ba hae ba basizana neli mahule.” Yeo kona yateni luli ye ne mu zwakanyize, “mahule.” “Kunga za mbango, masila a buhule bwa bona, kuba lituto.” “Ba luta Lituto za batu kuba litaelo.” Mulemuhe.

<sup>297</sup> Mutalime, ukala kuya ku yo koma. Mulemuhe, haana kuwani ya bulena. Mupahami wa pizi yesweu, kiyena ye Ni ambola fa. Mwabona? “Buta; mi afiwa kuwani wa bulena, kasamulaho.” Mwabona? Nasina kuwani wa bulena, ka kukala, kono kuwani ya bulena ya fiwa ku yena. Mulemuhe, mafelelezo a fiwa kuwani ya bulena, eehe, zetalu za zona, zetalu ki nto iliñwi. Zeo neli lilimo ze mianda yemilalu kasamulaho, kwa Katengo ka Nicaea. Ha na kalile kuya, moya wa Bunikolai, kuli upange kopano mwahala sicaba. Mi cwale wa zwelapili, kuya ona cwalo, kuya ona cwalo, waba fela “mubulelelo,” mi se iba fela “tuto.”

<sup>298</sup> Mwa hupula, Kreste uambola kwa keleke, uli, “Wena u toile misebezi ta Manikolai, ye Ni toile, nina.” Kulika kukoma, kunga Moya o Kenile ka muuna fela alimuñwi ya kenile; na swalela libizi kaufela ni lika zoote.

<sup>299</sup> Mi lu balile fateni, Paulusi na bulezi ka zona. Taba yeo ika iponahaza mwa mazazi a maungulo. Mi hakoni kupatululwa mwa mazazi a mafelelezo. “Mi, Ya tibela, uka nga Moya wa Mulimu kuzwa mwani; mi kona aka i patulula iliyena.”

<sup>300</sup> Kacenu u mwa siyaba sa kuba ni pizi yesweu. Mutalime ka mwa cinceza kuzwa kwa pizi yesweu yani, mwa mizuzu yelikani. Yona haibi fela pizi yesweu; ifetuha folofolo ya litho zeñata ni manaka. Mwabona? Mwabona? Pizi yesweu, ki mupumi cwale, mi leo kona libaka sicaba ha si si ka ziba mwa nako ye kaufela. Ne ba hupuzi ona cwalo. Kono ki ze fa cwale, Li ka patululwa ka Mañolo. Mulemuhe.

<sup>301</sup> Mi Bunikolai, mwabona, antikreste, yena mafelelezo u ipatile ku mutu, mi ufiwa kuwani ya bulena. Mi ha funduka, sina moya wa Bunikolai mwa keleke, ki moya fela. Hamukoni kutinisa moya kuwani ya bulena. Kono kasamulaho wa myaha ye mianda yemilalu, aba popu, mi se ba mufa kuwani ya bulena. Nasina kuwani wa bulena, ka kukala. Kono nabile ni kuwani ya bulena, kasamulaho, mwabona, moya wani ha u to ba kuyena. Mwabona? Na ti l ba mutu. Tuto ya Bunikolai yaba mutu, mi se ba mufa kuwani ya bulena. Ba palelwa ku li eza, kakuli, nali fela tuto.

<sup>302</sup> Kanya! Mulemuhe! Mi cwale Moya o Kenile o lunani uina ku luna, yena Yaliteni mwahala luna cwale mwa mufuta wa Moya

o Kenile, uba ya ipatile ku luna, ku Mutu wa Jesu Kreste, lu ka yo Mufa kuwani wa bulena abe Mulena wa malena. Yeo ki niti. Mwabona?

<sup>303</sup> Cwale, muhupule, ka nako yana tile Kreste fa Lubona, antikreste ataha ni yena fa lubona, Judasi. Ka nako yeo Kreste ha zwa mwa lifasi, Judasi azwa mwa lifasi ni yena. Ka nako fela yeo Moya o Kenile ha u kuta, antikreste ni yena akuta.

<sup>304</sup> Mwa ziba, Joani nabulezi cwana fa, “Bana babanyinyani, ha Ni lati kuli mutokwe kuba ni zibo, mwa ziba, ka za antikreste, ya sa tile kale mi ubeleka mwa bana ba baikanyisi.” Antikreste nako yani, nali teni ni yena, akala kubupiwa mwa moya wa Bunikolao, kuli apange kopano.

<sup>305</sup> Kona ha ne Ni toile nto yani! Mwabona? Mwabona? Kifo he cwale. Ne si na; neli Nto yeñwi mwani. Yeo kona taba. I zibahalile. Mwabona nji? [Kopano ili, “Amen.”—Mu.] Mi Ne nili kwa matuko a lona. Ne ni si ka li bona kufitela cwale. Mi Na li ziba cwale. Ki zeo foo. Moya wa Bunikolai wani, Mulimu u toile.

<sup>306</sup> Mi cwale moya wani wa to ina ku mutu, mi se ba u apeza kuwani ya bulena. Mi ki wo fa luli, se i bulezi Bibeke kuli kona mo ba ka ezeza ka ona. Ku petehile. Oh, mawi! Kutaha mwa nama! Natilo ba mutu, mi se ba mu tinisa kuwani ya bulena.

<sup>307</sup> Mubale, mulemuhe! Kaba, mubale, nitaluse, ka mwa bulelela Daniele kuli uka hapa mubuso. Kikuli mutabela ku i bala? [Kopano ili, “Amen.”—Mu.] Luna ni nako ya kueza cwalo, nji cwani? [“Amen.”] Ku lukile. Amuteezeze. Ha lu kuteleni ku Daniele, fa nako nyana. Muapule mwa Buka ya Daniele, mi luka bala fela fa nako nyana. Mi haluna kuliyehe neba mizuzu ye fifitini yeñwi, mizuzu ye mashumi amabeli, kamba mashumi amalalu, kamba nto ye cwalo. Ku lukile? [“Amen.”]

<sup>308</sup> Ha lu ngeni Daniele, kauhanyo ya 11, mi lusalimeñi fa timana ya 21. Kiyu fa Daniele, Daniele wa bulele cwale mutu yo mo a ka yo hapela.

*Mutu ya nyazahala uka ina mwa situlo sa hae, (Rome, yabulela), ili yasina litukelo za kuyola bulena: (cwale amutalime) mi uka itahisa mwa linako za buiketo. . . kuitahisa mwa linako za buiketo, a hape bulena ka kalembeshwa.*

<sup>309</sup> Ona cwalo fela ni sene si ezahalile! Kona sa na bulele Daniele fa sa ka eza antikreste yoo. Uka ina mwa sibaka sa sicaba. Eeni, li ka fumaneha mwa—mwa litaba za lizazi le, mwa likeleke. Kakuli, mwa lusika lwa keleke loo, ha ba lati Linzwi, Kreste, kono ba bata keleke. Taba yapili, ha ba ku buzi haiba u Mukreste. “U wa keleke mañi? Keleke ifi?” Ha ba lati Kreste, yena Linzwi. Ha u ya, uba bulelele Linzwi ni mo li otololela lika, ha ba lati Zeo. Ba bata nto isili fela, babata kupila fela ka mukwa usili fela o ba bata, kono niteni ba fumaneha kuba kwa keleke ni

kuipulukela bupaki bwa bona. Mwabona? Mwabona? Kacwalo, ukwanile hande mwa litaba handende. Mi, muhupule, na bizwa kuli “musali,” mwa Bibebe, mi nali lihule ni bana ba basizana. Li kwanile mwa litaba za kacenu, ze ba bata batu. Ki zeo foo.

<sup>310</sup> Mulimu u li sepisize. Mi Linzwi ha li haniwa, kipeto ba fetuhela kwa litakazo za bona. Ha lu baleni Matesalonisa hape. Halu. . . Ni bata kuli mutalime fa fa muzuzu fela. Eehe, kihande, ne lu ibalile, fa nako nyana. Matesalonika Babubeli 2:9-11. I bulela kuli ba ka eza ona cwalo. “Ku futula, kuhana Niti, ba ka fiwa kuba ni ngana ya baikanyi, mi ba ka lumela buhata mane ba yundiswe ki bona.” Cwale zeo kona—zeo kona zo bulezi Moya o Kenile.

<sup>311</sup> Cwale, kana yeo ha ki yona takazo ya keleke kacenu? [Kopano ili, “Amen.”—Mu.] Mulika kubulelela sicaba kuli balukela kueza *se, sani*, kamba *sesiñwi*, mi ba ka mi lumeleza kuziba kapili kuli ki ba Methodist, Presbyterian, kamba sikamañi kaufela, ha “ba lukeli kufuluha mukolo wa hao.” Mwabona? Kiniti. Ba li tabela.

<sup>312</sup> Mi Mulimu ali, “Haiba ba bata zeo, Ni ka ba tuhelela babe ni zona. Mi Ni ka ba kolwisa kulumela kuli kona Niti ona yeo, kakuli Ni ka ba fa ngana ya buikanyiso kuamana ni Niti.” Cwale mutalime fa se i bulezi Bibebe, hape, “Sina Janise ni Jambresi ha ne ba hanyeza Mushe, baana bao ni bona mwa mazazi a mafelelezo, ba hanyeza Niti batu baba bolile mwa maikuto a bona; mi ba ka fetula sishemo sa Mulimu wa luna mwa butanya, ba latula Mulena Mulimu.”

<sup>313</sup> Cwale mwa bona fo liinzi; ha ki Katolika fela, kono ki Baipanguli. Ki yona taba kaufela kakutala. Ki lona linzwi kaufela la kopano. Ki yona pizi yesweu yeo, mwatasa nzila—nzila ya—ya ku—ku—ku (busweu) kuluka, keleke, mwabona, kono ki antikreste. Lina ni kubonahala kuswana. Fa pizi, mane, inge fela Krete mwa tahela fa pizi. Mwabona? Oh, anti, bukaufi maswe mane lipume ni Baketwa! Mi ki yoo foo. Ki yena antikreste.

<sup>314</sup> Na kalile kupahama mwa lusika lwa keleke yapili. Cwale upahami wa shetumuka, kutaha cwalo mwa lusika ni lusika. Cwale ha mu mubone. Mu li, “Kwa mulaho, kwa mulaho mwa linako za baapositola?” Na bizwa kuli “Nicolaitane” kwani. Mi, lusika lwa keleke yene tatami, se iba “tuto” mwa keleke. Pili, nali fela “mubulelelo,” mi atoba “tuto.”

<sup>315</sup> Kuinuneka, sicaba sa baika, baba apezi hande, baba itutile hahulu, baba talifile, be ne ba sa tabeli zeo kaufela kuezahala mwa keleke. Batili, bona, “Ne ba sa lati litaba za Moya o Kenile zani. Ilukela kuba keleke! Mi kaufela luna lu ka kenelela mwa Katengo ka ba Nicaea, ni zeñwi cwalo, kwa Rome.” Mi cwale ha ba tile kwani, banga keleke, ni kunga buhedeni, Bukatolika bwa Roma-. . . kamba buhedeni, Rome ya buhedeni, ni bufitelezi mwa tumelo. Mi banga ni—ni Ashitaroti, “mulena wa musali

wa lihalimu,” ni ku lifetula kuti ki Maria, mahe. Ba ikezeza balaeli babazwa mwa batu baba shwile, ni zeñwi cwalo. Mi ba amuhela silalu sa kankwa sani, se ba sa beile fateni fani, ni ku ka biza kuli mubili wa Kreste, “kakuli ne li yemela me wa lihalimu.” Mi Katolika ni yona yafita fakaufi, ni kusila yena muñi. Kakuli, maseli na sweli kutuka mwateni, ilukela kuba sinkwa se si sina mumela se si filwe ku Mulimu, ka mata a muprisita. Mi, kanti mane hakuna zeliteni mwa lifasi kwanda buhedeni bo bukwanile. Mwabona? Yeo ki niti.

316 Na fela ha ni itwisisi. Kihande, eeni, Na utwisisa. Eeni, Na utwisisa. Eeni, sha! Na utwisisa, ka muhau wa Mulimu. Luli.

317 Cwale mulemuhe. Oh, mawi, bakona kueza cwani zeo! Mwabona? Mi bafiwa litakazo za bona. Batili, yeo ki niti, ha mu lukeli kueza Cwalo. Batili, sha. Haiba ha mulati kueza Cwalo, ha mu hapelezwi ku Li eza. Haiba ha mu lati kuzamaelela ni nzila ya Mulimu ni lika zeñwi, ni kulapela, hamu lukeli ku Li eza. Mulimu ha hapelezi mutu ku Li eza.

318 Kono halu boneñi ni mi bulelele nto yeñwi. Haiba libizo la hao ne li ñozwi mwa Buka ya Ngunyana ya Bupilo yani kusika tomwa kale mutomo wa lifasi, ukaba ya tabile hahulu ku Li eza, haukoni kuk li belela neba muzuzu kuli u Li eze.

319 Amutalime fa. Mu li, “Ni ka kutusa kuli uutwisise, Ni wa bulapeli luli!” Kihande, yeo zakona kuba niti.

320 Amutalime, kimañi yakona kubulela kuli baprisita bani ne si ba bulapeli, mwa mazazi a Mulena Jesu? Kimañi yakona kubulela kuli Isilaele ne si ba bulapeli mwa lihalaupa? Kanti mane nebali mwa . . .

“Kihande, Mulimu u ni fuyози linako zeñata!”

321 Eeni, Na ezize cwalo, niyena. Mane ne ba sa tokwi kubeleka kuli baipilise. Na ba fepa kuzwelela kwa lihalimu. Mi Jesu ali, “Bona mane, mañi ni mañi, ba latehile ni kuiconga mane ba shwile.”

322 “Bokuku aluna,” ba li, “ba cile manna mwa lihalaupa, ka myaha ye mashumi amane.”

323 Jesu ali, “Mi kaufela bona, ufi ni ufi, bashwile, kukauhana Kuyakuile.” Mwabona? Ki hali, “Kona Na kina Sinkwa sa Bupilo se si zwile ku Mulimu kwa Lihalimu. Mutu ya ca kwa Sinkwa se, haana ku shwa.” Mwabona? Ki yena Kota ya Bupilo.

324 Mulemuhe ka mwa na tezi fela Jesu ni nako yateni. Baprisita bani, bataha ni bona kwani, ba bulapeli luli. Mushimani, hakuna yakona kubulela kuli ne si baana babande. Mawi! Ne ba zamaya ka mululwani wa mulao wani. Kamukana ze ne bulelwa ki keleke, ne ba lipeta. Ha ne ba sa liezi, neba pobaulwa macwe. Mi kacwalo A zwela kwande. . . Mwa ziba mwa na ba bizelize Jesu? Joani naba bizize kuli, “Mina bana ba linoha mwa bucwani! Musike mwa nahana kuli, kakuli mu ba siemba sa kuli, kipeto

mu na ni sa kueza ni Mulimu.” Mi Jesu naize, “Muzwa ku ndata mina, diabulosi.” Ali, “Nako kaufela Mulimu ha na luma mupolofita, kiñi ze ne ezahalile? Mwa mnu pobaula ni ku mu kwahela mwa libita. Mi cwale mwa akabisa ni kubasa libita la hae.”

<sup>325</sup> Hanili yeo ki nto yeswana yeba ezize ba keleke ya Katolika? Mutalime Joan wa Arc, ni Saint Patrick, ni babañwi bani babona kaufela. Ki bona baba ba beile mwani. Mi ni ku kata mubili wa Joan wa Arc, ni ku unepela mwa nuka, kasamulaho wa myaha ye mianda cwalo. Mi ba mu cisa kuli ki muloi.

<sup>326</sup> “Muzwa ku ndata mina, diabulosi, ni misebezi ya hae mu ka iezu.” Yeo luli ki niti. Se si ka ya kwa lifasi kaufela. Mwabona? Kulukile! Kona za na bulezi Jesu.

<sup>327</sup> Mi mu nahana kuli li lukile, libonahala fela hande, yona pizi yesweu yani. Kono mutalime ko muya. Ki sona luli se si li zamaisa. Cwale, kono Na ize ki mo ne ba batela, kacwalo Na ka bafa buhata bobutuna.

<sup>328</sup> Muhupule, lihule le la Sinulo 17, neli kunutu, “KUNUTU, BABILONA, MAHE MAHULE.” Mi Joani a ikumbuta yena. Inge fela muuna yoo. . . Mutalime, mulibelele, lu fite fa mi lu mubone ha talimezi pizi ye fa. Mwabona? Kono mulemuhe ne li. . . Se ne si ezahalile seli se, kuli, “Na ikumbutile yona ka likute le lituna.” Kono kunutu neli, kuli, “na kozwi mali a babulaiwa ba Kreste.” Keleke yende yebeilwe foo, ye kabisizwe mubala wa busoto ni gauda, “Mi nana ni komoki mwa lizoho la hae, ya masila a buhule bwa hae.”

<sup>329</sup> Buhule ki sikamañi? Ki kupila ka ku sa luka. Yeo kona tuto ya hae yana sweli kufa. Kunga Linzwi la Mulimu ku Li tokwisa mata, ni za kuli “Lumela Maria,” ni mifuta yeñwi ye kaufela, ni kuifa fela. “Mi malena a lifasi ba ezize boozwa ni yena.”

“Kihande,” mu li, “yeo ki keleke ya Katolika.”

<sup>330</sup> Kono ki yena yanali “mahe wa mahule,” mwabona, taba yeswana yanali yona. Kifo he cwale.

<sup>331</sup> Kiñi ze ne ezahalile? Muongaongi ha na shwile ni liñusa la hae la shwa, mu na-. . . Mwa li ongaonga, ni kubeya mwateni sikwata sa “Maricky” mwateni, ni kukala taba yeswana hape mo ne mubatela kuezeza. Ne mu salati kupila ni Linzwi. Kufita ku zamaya hande ni Linzwi, baitulela fela ona cwalo, “Se ki Sona.” huh! Musike mwa eza cwalo.

Yena, kona ona Cwalo, mwabona, Yena ali fahalimu Fani!

<sup>332</sup> Mulemuhe, yeo kinto iliñwi. Lu bata kunguba ni libaka zeñwi hape lu si ka kwala kale.

<sup>333</sup> Ki yena nabi ya na ilo yundisa; sicaba sa Daniele. Kikuli mwa lumela cwalo? Cwale Ni ka eza se, haiba mu ka nitusa fela kuitiisa nyana nina ka mizuzu yelikani, Nika—Nika akufisa luli mo Ni konela. Kono Ni bata kuli liutwahale, kakuli Ni. . . Moya

o Kenile u ni file Zeo, ka kusepahala fela sina ha Ni yemi faa. Mwabona? Mwabona?

334 Cwale amutalime, ha lungeni, lukute ku Daniele hape, fa muzuzu fela. Ni bata ku mi balela nto yeñwi, sesi . . . Haiba mu sa kuti, ku lukile. Ni bata kubala Daniele 9, Daniele 9. Mi Ni bata kubala litimana za 26 ni 27 ku Daniele 9. Mi, amutalime, haiba ki yena yana ni kuyundisa sicaba sa Daniele, sa ka eza.

*Ha ku felile lisunda ze sikisite tu Mesia uka bulawa, . . .*

335 Mwabona, zeo ki lisunda ze mashumi asilezi ni amabeli Uka bulawa, kuzwa mwa lisunda zesupa.

*. . . kusina mutu ya ka muyemela: kono ki sicaba sa mulena yomuñwi (wo kona mukoloko faa) ya ka taha (ya ka taha) si ka sinya munzi ni ndu. . . yekenile; kono mulena yo uka fela inge ya kukiswa ki muunda omutuna, kuli kushandauka kube teñi kuisa kwa mafelelezo a ndwa.*

336 Ni bata ku mibuza mina nto yeñwi mina sicaba. Kreste amano bulawa kuzwiswa mwa lifasi, mwa lilimo zetalu ni licika za bulumiwa bwa Hae, mi kiñi ze ne sinyize tempele? Kimañi ya na isinyize? Rome! Luli. Constantine kamba, batili, mu Ni swalele, Titus, ndwalume wa Muroma, kiyena ya na sinyize mulena. Cwale mulemuhe.

Mutalime se, balikani. Mutahe hande, fa limota lee.

337 Fani Jesu ha pepwa, dragoni yefubelu mwa lihalimu ya yema fapila musali, kuli ibulaye Mwana hae Asa pepwa fela. Kana ku cwalo? [Kopano ili, "Amen."—Mu.] Neli mañi yani, yana lika kubulaya Mwana Ha na ka pepwa? ["Rome."] Rome. Mwabona? Ki yeo dragoni yefubelu. Kiyi fa mulena a mina. Ki se fa sibatana sa mina. Mwabona? Ki zeo foo, ifi ni ifi ya zona, ka kuswana fela, mwabona, "kubulaya Mwana." Mulimu a Mu ngela mwa Lihalimu ni aina fa Lubona lwa Hae. Kona koo Kreste ainzi cwale kuisa ka nako ye tomilwe. Mwabona? Cwale, mutalime sa ka eza.

338 Cwale, oh, cwale, Ni lumela kuli Ni ambozi ni yomuñwi mo. Hakulata neli Muzwale Roberson kacenu, kamba yomuñwi yene Ni ambola ni yena, ka ze; kono isi ka ze fa, kono neli fela fa taba yeswana. Ni lumela kuli Ni kutalize fateni kwanu, ha ki kale hahulu, se sika ezahala kwa United States ye, fa taba ya mashelani ye. Mwabona? Kihande, lusweli kulifa likoloti zaluna fa mitelo ye ka lifiwa myaha ye mashumi amane kuzwa kacenu. Kona mo lu siyalezi kwa mulaho ckwalo. Kana ne mu tukisize silimba sa KAIR kwani, kamba Lifeline, ni kuteeleza ku zona, mwabona, kwa Washington? Kiñi, lu mizizwe luli. Ku felile.

339 Ki butata mañi? Gauda kaufela i kwahezwi, mi Majuda kona babasweli linotolo. Ikaba Rome. Cwale amutalime. Lwa ziba

muña libulukelo lelituna, kono Rome kona yena ni kabelo yetuna mwa sifumu sa lifasi. Ze siyezi zateni, ki Majuda ba ba lisweli. Cwale mutalime se. Cwale hamu teezeze fela ku se, Moya o Kenile mo no tiselize ze kuna.

*Mi uka iswala bulikani bobutiile ni babañata ka sunda iliñwi: (cwale amutalime) mi fahali a sunda uka yemisa matabelo ni linubu, . . . mi ku ka bonahala ze masila kubonahale ni sisinyi se si shandaula, kufitele mane nako ni taelo ya kuli buhali bu sululelwe sisinyi.*

340 Mutokomele! Oh, ha ki nto kwa butali mo ainezi bani! Kiyo fa. Cwale, luna ni siswaniso sa luna mi luziba kuli ki Rome. Lu ziba kuli ki yena mupahami wa pizi yesweu. Lu ziba kuli naile cwalo sina tuto. Mi cwale Rome wa buhedeni neli sikamañi? A fetulwa kuba Rome wa bupopu, ni kufiwa kuwani ya bulena.

341 Cwale amutalime, “Mwa nako ya maungulo.” Isiñi mwa mazazi a makalelo Krete ha na sa kutaza, kono, “mwa nako ya maungulo,” sunda ya mafelelezo mwa sunda, mo lu sa zo talimana fela ni lisunda ze zebente za Daniele. Mi Krete u polofitile ka myaha ye milalu ni licika, mi myaha ye milalu ni licika li sa siyezi. Kana ku cwalo? [Kopano ili, “Amen.”—Mu.] Mi mulena yo mwa nako yeo ulukela kuiswala bulikani ni sicaba sa Daniele, ili bona Majuda.

Foo kona Munyaliwa fa ka ngela cwale. Hana ku li bona.

342 Mulemuhe, kuli mwa sunda iliñwi ya licika ya Daniele, sicaba si ka iswala bulikani. Mulena uka iswala bulikani ni Rome, uiswala bulikani ni bona, hakuna ku kakanya ka za bufumu, kakuli Katolika ni Majuda kona ba ba zamaisa sifumu sa lifasi.

343 Ne nili kwa Vatican. Na bona kuwani ya bulena ya lisupo zetalu. Ne ni lukela kuba ni ngambolo ya lipuzo ni popu; Baron von Blomberg ki yena yana ni lukiselize yona, kuli ibe . . . la Bulalu musihali ka sili kiloko.

344 Mi ha ba yo ni isa ku mulena, ba puma kwateni siemba sa bulukwe bwaka kwatasi. Hakuna butata. Ani bulelela kuli nisike na mu fulalela, ha ni ka yema kuzwa ku yena. Hakuna butata.

Kono se Nili, “Ki sikamañi se Ni na ni kueza fapila mutangana yo?”

345 Ali, “Kihande, ukene fela u yo kubama ka liñwele li liliñwi ni kutubeta munwana wa hae.”

346 Se nili, “Kimo ka swabela. Kimo ka swabela. Batili, sha.” Se nili, “Nika—Nika biza muuna ufi kaufela kuli ‘muzwale’ ya bata kuba ‘muzwale.’ Ni ka mu biza kuli ‘mukutazi,’ haiba ubata kubizwa ka likute la seo. Kono, kuli ni kubamele mutu, zeo fela ki za Jesu Krete.” Mwabona? Batili. Batili, sha. Hakuna za

kutubeta lizoho la muuna cwalo. Batili, kutokwa. Kacwalo, Ne ni si ka lieza.

<sup>347</sup> Kono Ne ni fitile mwa Vatican kaufela kupotoloha mwateni. Kiñi, hamukoni ku uleka ka mianda ya mabilioni mabilioni a madollar. Kihande, mukona ku. . . Mi munahane fela, “Sifumu sa lifasi,” Bibebe ibulezi kuli, “ne si fumanwi ku yena.” Oh, munahane fela za libaka zetuna, linako ma bilioni. . .

<sup>348</sup> Ki kabakalañi swalisano ha ne ikalezi kwanu kwa Russia? Zeo za ni kulisanga fela mwa mba, ka kuutwa bakutazi babañata baba tunafaza za swalisano, kanti mane ha ba zibi ze ba tunafaza. Yeo ki niti. Swalisano ha ki sesiñwi. Ki sibyana mwa lizoho la Mulimu, sa kutisa buhali mwa lifasi, bakeñisa mali a babakenile. Yeo ki niti.

<sup>349</sup> Mi kasumulaho Keleke imana ku ngiwa, Rome, ni—ni Majuda ba ka iswala bulikani. Bibebe i paka kuli ba ka eza cwalo, ni sicaba se si kenile. Mi cwale a mulemuhe, ba ka eza cwalo kakuli (kiñi?) naha ye i ka kwahelwa. Mi lifasi leliñwi kamukana babali mwa mayemo a gauda seli fa sifuba. Mwa ziba cwalo. Haiba lupila ka mitelo, likoloti ze fitelezi, ka myaha ye mashumi amane kuzwa cwale, kipeto lu kai?

<sup>350</sup> Kuna ni fela nto iliñwi yekona kuezahala, yeo cwale, ki kuatisa masheleñi ni kulifa likoloto kwa linaha zeñwi. Kanti halukoni kueza cwalo. Wall Street kona bañi ba zona, mi Wall Street izamaiswa ki Majuda. Amañwi asiyezi ainzi mwa Vatican. Mi Majuda bana zesiyezi za yona mwa Wall Street, ni lifa za lifasi. Halukoni ku li kenya mwateni.

<sup>351</sup> Mi haiba bakona ku li eza, munahana kuli. . . Bona micaha ba macakolwa ba ni—ni sicaba sa makwai se, bao, babana ni mabilioni ni mabilioni a madollar ka mwaha, ni kutakula lituwelo zabona kaufela za mitelo bakeñisa maswaniso a butanya ani ni lika ze cwalo. Mi baye kwa Arizona kwani, ni kuleka mubu sibaka sesituna luli, kamba masauzande, ni kukata misima yemituna, ka madollaer aeza fifite sauzande, ni kulifa ona foo hamoho ni ñambekelo ya mutelo. Mi ne ba ka mibeya mwa tulonga ha mu sa lifi za mina. Kono ba li takula, ni ku kata masima, ni kuluma limota zenanula macwe. Mi kiñi se ba eza? Ba beya mwateni misebezi ya kuyaha mandu mwateni, mwa nako yetatama, ka masheleñi abona o ba ipumanezi. Ba lueka kuba ni lituwelo. Ni ku yaha mandu, misebezi ya miyaho, mwateni mwani, ni ku li lekisa ka madollar alikana ma milioni amañata. Mu nahana kuli mitangana bani ba ka keshebisa, kuli bacince masheleñi a naha?

<sup>352</sup> Sina mutangana yo fa mwahani. . . Ki yena mañi libizo? Castro mwa na ezelize. A eza nto yenyinyani luli yakile aeza fateni, mi, ha na sinyize likoloti zani, alifa kamukana zona ni ku li feleleza.



353 Mulemehe, kono halukoni kueza cwalo. Bashimani ba habana ku li lumeleza. Bazamaisi ba lifa za lifasi kona baba li bulukile.

354 Mi kipeto kuna ni fela nto iliñwi ya kueza. Keleke ya Katolika yakona ku alifa kaufela. Ki yena fela yana ni masheleñi. Mi wakona kueza ona cwalo, mi uka eza luli. Mi ka kueza cwalo, kuba ni zona, uka shemaeta Majuda, kuli abe ni bulikani. Mi cwale haeza bulikani boo ni Majuda. . . Cwale, muhupule, Ni zwise ze mwa Mañolo. Mi cwale, ha ka eza cwalo, ni kuba ni bulikani boo, lu lemuha kuli, mwa Daniele 8:23 ni 25, “uka konisa kufuma ka butali,” mi butali ki *bupangapanga*, “mwa lizoho la hae.” Mi ueza bulikani bo ni Majuda.

355 Mi, mwahal zeo, ki myaha ye milalu ni licika, u sinya bulikani bwa hae, asaba fela ni lika zeo hamoho, ni kuamuhela masheleñi a Majuda hamoho. Mi ha eza cwalo. . . Oh, mawi! Oh, mawi!

356 U bizwa antikreste kuisa kwa mafelelezo a lusika lwa keleke, kakuli yena ki. . . yena ni bana ba hae balwanisa Krete ni Linzwi. Muuna yo ubizwa antikreste.

357 Cwale, u ka ba ni masheleñi. Mi foo kona fo Ni nahana kuli kona fo li ka tela. Fa muzuzu fela, ha Ni bulela se, kipeto Ni bata kuli ni kutele ku sona fa muzuzu fela.

358 U bizwa antikreste, mi uka bizwa antikreste, mwa meto a Mulimu, kuisa nako ya mafelelezo. Cwale, kono cwale uka bizwa nto isili fela.

359 Cwale, ha sa bile ni masheleñi mwa puso ya hae, “Kona aka sinya bulikani bo ni Majuda,” sina Daniele fa ha bulezi kuli kona mwa ka ezeza, “fahala sunda ya mafelelezo mwa lisunda ze mashumi asupa,” za Daniele. Mi he, muzwale, uka eza sikamañi? Ukaba ni litekisa za lifasi kaufela ni misika ya zona, abe ni bulikani ni lifasi, kakuli uka ipulukela sifumu sa lifasi, kakutala. Mi ka yona nako yeo, bapolofita bababeli bao ba ka taha mi ba bize ba handeleti ni forte-foo sauzande bani. Mi kipeto kiñi ze ka nga sibaka? Kipeto nombolo ya sibatana, ya Sinulo 13, yakena mwateni, kakuli ki yena yasweli misika kaufela, litekisano, ni lika zoote za lifasi. Mi kisikamañi se si ka nga sibaka nako yeo? Nombolo ya sibatana ika taha mwateni, kuli, “Kutokwe mutu ya ka leka kamba kulekisa, kwanda yena ya nani nombolo ya sibatana.” [Muzwale Branham ungongota fa katala halalu—Mu.]

360 Lu lumba Mulimu, Keleke ikabe iikola myaha ye milalu ni licika mwa Kanya, yona haiba kufita ku zeo.

361 Cwale mulemuhe, kwa nako ya maungulo, kwa mafelelezo a masika a likeleke cwale, u bizwa. . . Yena ni bana ba hae ba bizwa kuli antikreste, kakuli kaufela se si lwanisa Krete ki anti-Krete. Mi kaufela se si lwanisa Linzwi si lwanisa Krete, kakuli Krete ki Linzwi. Cwale se li antikreste.

362 Mi, mwa Sinulo 12:7-9, foo Satani ha sa tamilwe, yena mutamelezi. Mu bata kuñola zeo, kakuli Ni bata kuli mu i bale. Haluna nako cwale; seli bukaufi, mizuzu ye mashumi amabeli kamba ye fifitini kuli ibe teni, mwabona. Kono mwa Sinulo 12:7-9, “Satani,” simoya, “yena diabulosi,” yaliteni kwani cwale, “mutamelezi wa mizwale.” Ku lukile.

363 Keleke ya ngelwa mwahalimu, mi Satani wa swalwa ni kutamwa. Mi Keleke ha igelwa mwahalimu, Satani wa taha fafasi, kipeto Satani u i cocomeza mwa kuba antikreste ya bizwa “sibata.” Mi, Sinulo 13, itoma nombolo. Mwabona?

364 “Mi yena Ya tibela,” kono fela, Bukreste bu siyezi mwa lifasi mwa kukena kwa bona, kikuli, “Yena ya tibela.”

365 Muhupule kwa mulaho kwanu mwa Matesalonisa, “U inzi fa tempele ya Mulimu, unza ipiza kuli ki Mulimu, uswalela libi za lifasi.” Mi zeo li kana lizwelapili, “mane bumaswe bu ka ekezeha,” ni kuzwelapili. Kakuli, halina ku zibahala, pili, konji nako ya hae ya kupatululwa ha se i bizwa.

366 Mi cwale Keleke i ka ngelwa. Mi ha se I ngilwe, kona aka cinca kuzwa kwa kuba antikreste cwale, oh, mawi, “ki keleke, keleke yetuna ni yeo,” cwale u ba “sibatana.” Uh-huh! Ne Ni ka lakaza kuli sicaba sibone zeo.

367 Cwale muhupule, antikreste ni sibatana ki moya fela o swana. Yeo kona tamahano ya bulalu. Eeni, sha. Ki likalulo zetalu za mata a diabulosi yaswana. Muhuple, Nikolai, mwabona, neina ni kukena mwa mubili is i ka fiwa kale kuwani ya bulena. Mwabona? Cwale mutalime se, likalulo zetalu. Kalulo yapili, u bizwa antikreste; kalulo yabubeli, u bizwa mupolofita wa buhata; kalulo ya bulalu, u bizwa sibatana.

368 Mulemuhe, Nikolai, tuto ya antikreste ye ne kalezi mwa mazazi a Paulusi, kulwanisa Linzwi la Mulimu, antikreste.

369 Mi u bizwa, hape, kuli mupolofita wa buhata. Yeo, mane tuto yateni yafetuna mutu, nali mupolofita wa tuto ya za mindandwe ya litulo, za—za mindandwe ya keleke ya Katolika. Pope neli mupolofita wa linzwi la buhata, mi seo sa mueza kuba mupolofita wa buhata.

370 Kalulo ya bulalu ki sibata, muuna ya filwe kuwani ya bulena mwa mazazi a mafelelezo, ni mata kaufela ao Rome ya buhedeni akile aba ni yona fateni. Kakuli, sibatana sa litoho ze sebene, dragoni, a kashiwa kuzwa mwa lihalimu, mi ataha mwa mubili wa mupolofita wa buhata. Ki yeo foo, nana ni likuwani ze sebene za bulena, mi a lelekiwa ni kunepelwa mwa lifasi ni mwa liwate. Ku lukile.

371 Lu ambola sikamañi? Kimañi mupahami yoo, yena mupahami wa pizi yoo? Kikuli mwaziba seo sili sona? Ki muika yatalifile wa Satani.

<sup>372</sup> Ne ni ile busihu bobuñwi, mizwale bababeli babaliteni mwa keleke mo cwale; Muzwale Norman, kwa mulaho koo, mi, Na lumela, ni Muzwale Fred. Ne luya kwa kuteeleza muuna ya na luta ka za antikreste. Muuna ya zibahala hande, alimuñwi wa babande yo banani mwa Assemblies of God, ni mutolokelo wa hae ka za antikreste, kuli, “Ba ka ikungela vitameni ya mufuta omuñwi, kuzwa ku—ku mutu, ni kushimbulula bupilo bo ku mutu kukena mwa sibupiwa sesituna se si ka swalana . . . kuzamaya sibaka nyana fa nako. Mi zeo ki . . .” Kana mwakona kunahana mutu ya talizwe ka Moya o Kenile, mwatasa kupumiwa ko kucwalo, kamba kuipulela cwalo?

<sup>373</sup> Mi, ki ye fa Bibebe, ibulela yoo antikreste ali yena. Ha ki kuli . . . Ki mutu. Mulemuhe, mupahami yo ha ki usili kono ki muika ya butali wa Satani, diabulosi mwa mubili. Ki muika ya itutile luli. Cwale, Ni sepa kuli lizebe za mina likwaluhile. Ne ba lika alimuñwi bana ba hae, ha ki kale hahulu, fa piho ya mazimumwangala, kubona haiba na si ya butali kufita muuna yomuñwi, kuli abe Mueteleli wa naha. Mwabona? Kono, kone he, una ni butali bobuñata; ni Satani u cwalo. U lika ku li lekisa. Na li lekisize ku Eva. U li lekisize ku luna. Lu bile lubata muuna ya butali. Lu mu fumani. Ku lukile. Lifasi kaufela li bata muuya ya butali. Ba ka i pumanela yena. Mulibelele fela kufitela Keleke ingelwa, ni Satani a swalwa; uka icomeza mwa mubili. Yeo ki niti. Ba bata mutu yaka eza musebezi hande. Uka u eza.

<sup>374</sup> Yaitutile! Yo ki muika . . . yaitutile wa Satani, ni tuto, ni butali, ni tuto ya keleke ya manzwi a hae, ya kuipangela za hae. Mi upahami pizi ya hae ya kopano, kuli apume sicaba. Mi uka koma bulapeli kaufela bwa lifasi, kakuli kaufela bona ba ka kena mwa swalisano ya—ya li . . . ya likeleke, ni tamahano ya likeleke za lifasi. Mi bona bana ni miyaho ye yahilwe kale kale, mi lika kaufela li lukisizwe hande mwa sikuka. Hakuna neba nto yekana yesiyezi. Kopano ifi kaufela ya keleke ikakatezi mwateni, mwa tamahano ya likeleke. Mi kiñi zesweli ku iyemela? Rome. Mi popu usweli kulila cwale, “Kaufela lu balibañwi. Ha lu taheñi hamoho ni kuzamaya hamoho.”

<sup>375</sup> Mi sicaba se, neba babañwi ba mina sicaba sa Evangeli Yetezi, mwa latula, muna ni kulatula lituto za mina za evangeli, ni kungana muhato o cwalo. Kiñi se muezize? Ki bubofu luli, kwa nto ya kopano yeo, mu hanile Niti. Mi Niti ya tomiwa fapila bona, mi ba—ba zwa ku Yona, ni ku I siya. Mi cwale se “ba filwe kwa buhata bobutuna, kuli ba lumele buhata ni kuyundiswa ki bona.” Kona luli mo kuinezi ona cwalo.

<sup>376</sup> Mi antikreste u li lwezi kaufela. Mi Bibebe ibulezi, kuli, “A puma kamukana,” ki, taku ya a, ni ma l amabeli, “kamukana ba baba yahile mwa lifasi, be mabizo a bona na si ka ñolwa mwatasa Maswayo ani kuzwa kwa mutomo wa lifasi.” [Muzwale Branham ukambela mazoho hañwi—Mu.] Hum! Cwale, haiba Bibebe ibulezi kuli na ezize cwalo, na ezize.

377 Ba li, “Kihande, Ni wa kwa . . .” Ki fo cwale. Eehe. Zeo luli kona mo liinezi. Ki mahule baba swana. Ki mulao o swana o no kalezi kwa simuluhu, oli antikreste, nako ye kaufela.

378 Ni ka li teezeza, kono yeo . . . Kona Niti. Ni kulubela cwalo. Amen.

379 Cwale, mulemuhe, uka koma. Mi mane una ni zona mwa musipili cwale, ha sa li antikreste ona cwalo, asika ba kale sibatana. Mu bulela za koto ye maswe? Mu libelele fela. [Muzwale Branham ungongota fa katala hane—Mu.] Mutalime baba siyezi mwa lifasi ze ba ka fira ku zona. Uh-huh. “Ku kaba kulila, ni kubokolola, ni kukweca kwa meeno. Kakuli dragoni, Rome, na kwile mezi mwa mulomo wa hae, kuli alwanise peu ye siyalezi ya musali, yene siyezi mwa lifasi kasamulaho Munyaliwa amano ketiwa ni kungiwa. Mi dragoni ya eza ndwa ni bo masiyaleti, bene ba sa lati kukena, mi ba nyandiswa kusukuluka.”

380 Mi Keleke ya niti ika fita ku zona kambe ku konahala; kono, mwa bona, ba felile mwatasa Mali aa, ka muhau wa Krete, mi habakoni kukena mwa Nyandiso ifi kaufela. Habana nako ya Nyandiso. Nto yetatama kwa Keleke ki Kuungelwa. Amen, ni amen! Milumbeko ibe ku Mulimu. Oh, mo Ni latela se!

381 Haluboneñi ni mi bulelele. Lubulela za ka eza mukomi, mi yena luli uka yo koma. Sa liezize kale. Se li kwahezwi kale, ku felile; uka li kwahela, ka masheleñi, takazo ya masila. Yeo luli ki yona. Ba lata masheleñi hahulu kufita Mulimu. Kaufela ze ba nahana cwale ki, “Una ni bukai masheleñi?” Ki sikamañi seo?

382 Mwa ziba, ku se kubulezwi, linako zevata kuli, “Mufe keleke masheleñi, mi ika fetula lifasi. Mufe keleke masheleñi, mi ika luma babuleli kwa lifasi kaufela. Mi ika eza sikamañi? Ika koma lifasi kutaha ku Krete.”

383 Haluboneñi ni ku bulelele nto yeñwi, mulikana ka, wa sibofu. Lifasi ha li komiwi ka masheleñi, kono ka Mali a Jesu Krete. Mufe Mulimu baana ili baana sakata, babaka yema fa Linzwi lani, bapile kamba bashwe; bao ba ka koma. Uh-huh. Kukaba fela nto iliñwi yekona kukoma, bona babana ni mabizo mwa Buka ya Bupilo ya Ngunyana kuzwa kwa mutomo wa lifasi. Bao ki bona fela baba ka Li utwa. Masheleñi hana kuba ni sa kueza ni zona; aka ba lumela fela kwahule ni lizo za likopano zabona.

384 Halu boneñi. Eeni, ka lituto za buipiteli bobutuna, kona mwakabela. Ukaba ya talifile. Mawi, mawi, mawi! Ni bana ba hae kaufela bali ni bona bakaba baba butali, Ph.D., LL.D., amabeli ma L.D., Q.S.D., A.B.C.D.E.F. mane kuyopunya kwa Z. Bakaba ni zona kaufela, butali. Kiñi? Ki kuya ka mulao wa Satani. Mi butali bo bufitelezi ka lukwanisa Bibeke ki kwa Satani.

385 Kona za na ngile Eva ka zona. Eva ali, “Oh, ku ñozwi, Mulimu na lu bulelezi kuli lusike lwa eza cwalo.”

386 Ki hali, “Kono, mulibelele. Kaniti Mulimu hana ku lieza. Kono Ni ka kwalula meto a mina ni kumifa butali bobuñwi.” A ikungela bona.

387 Lubile lu mu bata. Luna ni zona, ni luna, naha ye. Mulemuhe, uka koma lifasi kaufela la bulapeli. Uka koma, aeze bulikani ni sicaba sa Daniele. Ki se fa, bubeli bwa Bamacaba ni kwa sicaba sa Daniele, Majuda kwa lisunda za mafelelezo. Mi ki luna ba faa, neba ku liswanisa fa mamati. Mi mwa libona, hande, foo kona fo liinzi. Ni lumba Mulimu. Ki yani fani. Ona mulao wa kopano wani ki wa diabulosi. Mi zeo ha ki liñindi fela ze natiwa fateni, mane. Mwabona? Kiniti. Ki mubisi wa diabulosi. Ki yena . . .

388 Cwale, haki batu, haki batu babali mwatani. Bani ki batu ba Mulimu, buñata bwa bona. Kono, mwa ziba kana, ha luka feza fa, kufitela luba ni kulila kwa Litolombita zee; mi, nako yetatama ha Ni taha, kulila kwa Litolombita zee. Muhupule, fani bona, za mafelelezo a lingeloi. . . Lingeloi la bubalu le ne litile lani, “Amuzwe ku yena, sicaba sa Ka!” Mi Lingeloi lani ha li fufa, nako yeswana ye li ka utwahala Liñusa fa mwa Tolombita ya mafelelezo, Liñusa la lingeloi la mafelelezo, Liswayo la mafelelezo la kwaluha. Kaufela liezahala ka nako yeswana. Eeni, sha. Kaufela za ambalala hande ni kuya kwa Kuyakuile.

389 Cwale ki sikamañi? Ka nako yeswana yeo mutangana yo usweli kukoma. . . Mi Ni ka kwala. Mulimu uka eza taba yeñwi cwale, hape. Lusike lwafa fela Satani tumbo fa, mwabona. Lusike lwa ambola ka yena, mane. Mwabona? Taba tuna ye haisweli kuezahala cwalo, mulao tuna osweli ku zamaya mwa likopano ze, mwa tamahano, ili kuli ba kubukane hamoho ni kulwanisa za swalisano, mi ba sa zibi kuli Mulimu na tisize swalisano kuli iba kome kuba mizeleza. Luli.

390 Kiñi—kiñi—kiñi ze ne tisize kuli swalisano ihule mwa Russia? Bakeñisa ku sa kena kwa keleke ya Maroma ni zeñwi zayona ze siyezi. Banga masheleñi kaufela kwani anali mwa Russia, ni kuinisa sicaba ni tala kuisa lifu, mi basina za kubafa, mi kufita kuli, bapile fela sina babañwi ba lifasi.

391 Nenili kwa Mexico, ha ki kale hahulu, mi na bona bana baba nyandile bani. Naha ifi kaufela ya Katolika ha i pumaneli lituso za yona. Hakuna neba iliñwi ya zona. Mu ni buze kuli ki kai. Mu ni bonise ko iinzi. Naha ifi kaufela ye zamaiswa ki Katolika mane haikoni ku itusa ili yona. France, Italy, ni zona zani kaufela, Mexico, kaufela ko mu ka ya, haba ipanjezi. Kiñi? Keleke ne i ngile kaufela zene banani. Kona libaka Russia ha i to ba lundula mwatani. Mutalime se si ezahalile.

392 Na ziba cwalo, na kasibili. Ne ni yemi kwani. Mi nemuka nahana kuli nyakalalo yetuna ikalile, mwa utwa milangu ha ilila. Mi fa kuna ni musali yomunyinyani, ya taha mwa mukwakwa, inza hoholola mahutu a hae. Ni ndatahe inza lwezi mbututu; mi bababeli kamba babalalu ba bona, inge balila. Nasweli kuipa

koto ka kubaka ku musali yomuñwi ya na shwile kwani. Nana ni . . . Na hupula kuli uka ya kwa Lihalimu, ka zeo. Oh, ha ki nto kwa kutomolisa pilu!

<sup>393</sup> Mi Na bona, inge ni yemi ona cwalo kwani, ki yo ataha . . . Sifumu sa naha yabona sisali mwatasi hahulu! Keleke ingile kaufela ze banani. Kiyo, Pancho yomunyinyani, mwendi—mwendi Pancho italus Frank. Utaha inza shetumuka, mi ki yo fa muyahi, ya fumananga—u fumananga mali akuma fa mapeso amashumi amabeli ka sunda. Kono ku ka tokwahala kuli ange mapeso amashumi amabeli ao, kuli aleke makatulo kihona. Kona sifumu sa bona fo sikuma. Kono cwale, fa, kucwani he fo haiba—haiba yena, kakuba muyahi wa mandobu ni sitina, kanti ufumana fela mapeso a mashumi amabeli ka sunda, kubulela fela. Ha ni zibi mali afumananga, kono lu bulele kuli mukwa wa mali akuma foo ao alikani. Mulemuhe, cwale, haiba upanga mapeso amashumi amabeli ka sunda.

<sup>394</sup> Mi fa kutaha Chico, mwabona, ili kotalusa kuli “mwanana,” mi yena ubelekela mapeso a ketalizoho ka sunda. Mi una ni banana baba lishumi ba kufepa, kono ku kaba ya ka ngongota fa sikwalo sa hae, [Muzwale Branham ungongota fa kataka kukutakela—Mu.] kuli ange mwendi mapeso a ketalizoho ao, kamba amane aona, nihakulicwalo, kuli alife kandela yelukela kutuka fa aletare yeyahilwe ka ma milioni a madollar, ni gauda bakeñisa libi za hae. Ki fo cwale. Boo kona buima bwa sifumu. Cwalo kona mo liinezi linaha.

<sup>395</sup> Taba yateni yali lwala kaufela. Keleke i lingile kaufela. I li byanguzi kaufela mwa mazoho a yona. Ku felile. Mi yona, ni masheleñi a Majuda, mwa bulikani bwani, sina Bibebe mo ibulelezi, kaufela bona ba ka nga nto yeswana.

<sup>396</sup> Mi kipeto uba sibatana. U bulela bulikani bwa hae, mi wa hatelela. U pazaula babañwi kaufela ba peu ya musali bani, ona cwalo. Ni kukwa mezi mwa mulomo wa hae; kutisa ndwa. Mi ku kaba kulila, ni kubokolola, ni kukwela kwa meeno.

<sup>397</sup> Kanti Munyaliwa yena inza nyalwa, mwa Kanya, mwabona, nako yeswana. Musike mwa li mbwinja, mulikani. Mulimu ani tuse! Ni—Ni bata ku yo ba yeni. Hanina taba kutata cwani. Ni—Ni bata ku yo ba teni kwani.

<sup>398</sup> Cwale, mulemuhe, mwa nako yeswana ze halisweli kuezahala, se fela si sika ezahala kale, nitaluse, fa lifasi, Mulimu u sepisize . . . Ka nako yeo kuhohana kwa likopano zani, kukanana ka za kushutana kwa bona ka za lituto za litumelo, Mulimu u sepisize kuli Uka lu lumela mupolofita wa niti wa Linzwi la niti, ni Liñusa; ku kutela kwa Linzwi la Mulimu la makalelo, ni kwa “Tumelo ya bashemi,” kuli ashetumune Mata a Moya o Kenile mwahala sicaba, ni mata aka mu nanula fahalimwa lika ze ni ku mukenya mwahali, ka nako yeswana. Eeni. Linzwi leliswana le li pakiwa, la Jesu Krete, kuli Wa

swana maabani, kacenu, ni kuyakuile! “Amubone, Ni inzi ni mina kamita, mane kuina kwa maungulo. Mi misebezi ye Ni eza mu ka i eza ni mina. Ni kaba ni mina. Fa nako nyana, mi habana ku Ni bona hape,” kakuli ba ka i kopanya ni kuikasanela fela. “Kono mina mu ka Ni bona, kakuli Ni ka ba ni mina. Mane ni kaba ni ku mina, kuisa kwa maungulo.” Nako, ya Na bulezi kuli buhali bwa hae buka suluha kasamulaho wa kufela. Ki fo he cwale. O Mulimu!

<sup>399</sup> Kimañi mupahami wa pizi yesweu yani? Ha mu libofu batili. Mwa bona yoo ali yena. Ki yena antikreste yani, ni ona moya wa bupumi wani oile unzo icocomelize mwateni. Uezizwe. . . Mi, he, mwabona, Mulimu usweli fela ku likutakela. U li bonisa fela sina muuna yaya apahami pizi yesweu, ni buta bwa hae asina lisho. Ki mupumi. Haana mata. Muli, “Ki mata a keleke!” A inzi kai? Ba eza sikamañi? Ba li, “Ki luna keleke ya makalelo.” Keleke ya makalelo ne i leleka mioya, ne ifolisa bakuli, ni kuzusa bafu, neibona lipono, ni lika zeñwi kaufela. Ikai yani cwale? Mwabona? Ki mupumi, buta bobusina lisho. Huh! Yeo ki niti.

<sup>400</sup> Kono, mwa bona, Kreste ha taha, Mukwale wa zwa mwa mulomo wa Hae, inge lubya lwa lumonyi. Wa zwa ku yo mizeleza lila za Hae, ni kuleleka mioya. Wa yo pumaka lika kaufela. Mi Ataha, sapalo sa Hae si cimbekilwe mwa mali, mi fa silupi sa Hae ku ñozwi kuli, “Linzwi la Mulimu.” Amen. Ki yo Ataha, ni mpi ya Hae, uzwelela kwa Lihalimu.

<sup>401</sup> Mupahami wa pizi yesweu yani ubile mwa lifasi nako ye kaufela. U ka cinca kuzwa ku antikreste. U eza ona cwalo, mi uba mupolofita wa buhata. Mwabona, pili na kalile, ali antikreste, ili moya; kona aba mupolofita wa buhata; mi, kasamulaho, diabulosi ha sa kashelizwe kwande, kipeto uba mwa mubili ni diabulosi. Likalulo zetalu! Yapili, ki diabulosi, ka kukala, moya wa diabulosi; kutuha foo uba mupolofita wa buhata, muluti wa tuto ya buhata; nto yetatama, uba sina diabulosi kasibili, yali mwa mubili. Mwabona? Ki yoo foo.

<sup>402</sup> Mi ka nako yeswana yena diabulosi yoo uwa kuwa Lihalimu mi uba mwa mubili wa mutu, Moya o Kenile wa kambama ni kushetumuka mwa mibili ya batu. Amen. Oh, mawi! Ki nako ye cwani!

Kamuso busihu, Mulimu ha lata, ki Liswayo la Bubeli.

<sup>403</sup> Mwa Mu lata? [Kopano ili, “Amen.” Muzwale Branham wakuza—Mu.] Cwale, mwa Li lumela? [“Amen.”]

<sup>404</sup> Ni timile fela tepu. Cwale Ni ka yo Iteeleza. Mwa ziba cwalo, mwabona. Kono Ni kulubela kueza cwalo.

<sup>405</sup> Mutuhele ni mi bulelele nto yeñwi, muzwale. Kona ni sa ziba fela, ka nako iliñwi mwa bupilo bwaka, libaka Moya wani ha ubile u ni lemusanga kuinela kwahle ni yona, kopano yani. Ni itumela ku Mulena Mulimu ka kunibonisa lika zee. Ni ziba kuil Ki yona Niti. Ki yeo foo, ipatuluzwi hande foo. Ki yo fa upahami

mwahala lusika, ni kutaha kwande kwanu ku to iponahaza fafasi fa, ka kupetahala fela mwakona kubela. Mwabona, kiyena yani. Cwale ha lu si ka pumiwa ka seo. Cwale meto a mina sa tonile. Muinele kwahule ni lika zecwalo zeo. Mi mulate Mulena ka lipilu za mina kaufela, ni kupila hande ni Yena. Eeni, sha. Muzwe mwa Babilona!

406 [Hakuna manzwi fa tepu—Mu.] Lika zetalu: kubonisa ka Linzwi, kotaluswa ka siswaniso, kupakiwa ka misebezi ya Moya, kukolwisa kuli Ki lona Linzwi.

407 Linzwi cwale halitahe fa litaulo zee, Mulena. Folisa bakuli. Folisa mutu kaufela ya kula yaliteni, Mulena, ni babali kwande koo baba luñolelanga ni kuliza.

408 Ndate, ka hola ye, kuna ni foliso yeñwi ye lukela kuezahala ona fa kapili cwale, mi luya kwa sebelezo ya foliso. Kono, Mulena, ki moyo wani, lubata zeo fela ka swanelo, Mulena. Mi lika ze lina ni kutaha.

409 Lwa lapela, Mulimu, kuli Unge manzwi aa cwale a bulezwi, mi u aeze aniti luli kwa sicaba. Ha ba Libone, Mulena. Ka kunyapiwa ki nako, mi, Wa ziba, Ndate, kacwalo Ni lapela kuli zeñata se libulezwi kuli Moya o Kenile uka Linga ni ku Li patulula kwa lipilu. Bona baba ñola Mañolo, ha ba Yo abala. Ba ba sweli kupanga matepu kamba—kamba—kamba ku teezeza matepu, ha ba Abalisise; basike ba beya toloko yabona fela ku Ona cwale, kono babale fela Linzwi. Lumeleza cwalo, Ndate. Ka Libizo la Jesu, Ni libeya kaufela ku Wena, ni kwa kanya ya Hao. Amen.

410 [Muzwale wa polofita. Kopano ya nyakalala—Mu.] Amen. Oh, ni Itumezi! [Kopano izwelapili kunyakalala.] Oh!

411 Haiba kuna ni mutu mo ya sa Mu zibi, mwa swalelo, aku eze cwale. U utwe kalimelo, ye tiile yeo. Haiba u kulubela kutaha fa kaufi, eza cwalo ona fa, ka mazazi kasamulaho wa se.

412 Kucwani haiba kwani neli ku kwaluha kwa Liswayo lani? Kucwani haiba lani kona Lingeloi le li lumilwe kwani, lene li omanyize (mane) ku ni wiseza fafasi, zazi leliñwi, inge ni yemi kwa mulaho kwani, inge kuyemi lipaki zetalu fakaufi. Ze ne Ni mi bulelezi Ni si kaya kale kuli, “Ku kaba kupanca ko ku ka bata ku ni isa mwahalimu.” Mi na swalwa ki Mangeloi a sebene ani, ni kutaha neku la upa. Taba yateni ne i ni zikinyize fafasi.

413 Kana ki niti, Muzwale Norman, Muzwale Fred Sothmann, yana yemi nina ha li ezahala, fahalimwa Tucson? Mi ni—ni . . . Kutoma, inge ni zwiwa miutwa kwa litino zaka, ona cwalo fela pono mo ne ibulelezi. Mi neli kwa mboela wa . . . kuliba kwa Tucson. Haiba yeo ki niti, nanula lizoho la hao, Muzwale Fred, Muzwale Norman. Ki bani fani. Amu yeme, kuli sicaba sibone kuli nemuliteni, ki bupaki. Ne ni si ka utwa sika kaufela sina sona, mwa bupilo bwaka.



414 Mi, kapili, ne ba si ka zuma, nako ya musihali wani. Na kupa Fred, habusa kakusasa. Ha zibi cwalo. Na mukupa kuli azwele ku yo zuma, nazwelapili kubulela kuli, “Eza cwalo. Eza cwalo.”

415 Kono Yena ali, A ni bulelela kwa mulaho kwani, “Hana ku eza. U ya kwa Upa, ona fa cwale.”

416 Mi ona Mangeloi a sebene ani! Kupanca kwapili, kwa kwaluha. Eehe. Kucwani haiba ki yona? Lu kwa hola ya mafelelezo. Mwabona?

Na lata . . .

Ha lu Mu lumbekeni.

Na Mu lata  
Kakuli U ni latile

Ha lu yemeñi.

Ni kuleka puluso yaka  
Fa Kalvari.

417 Ha lu keniseni lipilu zaluna cwale, mizwale, halunze luanamisa litho za luna. Likezeli zaka, Ni bulezi ka buhali ku mina, kono Ni ezize mwa lilato la bumulimu. Ni ezize cwalo kakuli Ni mi latile; ka za kuba mi milili yemitelele, ni kutina ni kueza likezo zende. Ni liezize bakeñisa lilato la bumulimu. Ha lu petahaliseni mazwalo a luna cwale hanze—hanze kuna ni Mulyani wa Mulimu.

418 Mwa kakusasana, ikona kuba nako isili. Wakona kutaha cwanoñu. Litaba zesweli kutaha cwana zee, mizwale, likona kuba mafelelezo a ofisi ya kukupela baezalibi. Kana munahanile ka zona? Kihande, Ha ni zibi haiba ki cona. Ha ni buleli kuli ki cona. Kono kucwani haiba ki cona? Kucwani haiba ki cona? Kucwani he ha zona? Hakusana kuba swalelo; i felile, ka nako yeo. Ni sepa kuli ha ki cona, kono kuna ni mubonelo wakuli ki cona.

Na Mu lata, Na . . .

Lu kenise, Mulena. [Hakuna manzwi fa tepu—Mu.]

. . . Mu lata  
Kakuli U ni latile  
Ni kuleka puluso yaka  
Fa Kalvari.

419 Kulumbwe Libizo la Mulena! Kanya ku Mulimu! Na lata maikuto amande ao. Kana ha Mu atwi mina? Ki Moya o Kenile fela, cwalo, osweli ku mi tapisa, muzamaya zamaya ni Ona. Oh, ha ki bunde ni boo! Oh, munahane za sishemo sa Hae!

Na Mu lata, Na Mu lata  
Kakuli U ni latile  
Ni kuleka puluso yaka  
Fa Kalvari.

<sup>420</sup> Usike mwa Li libala, mulikani. Usike wa Li libala. Li lwale  
kwa lapa hauya cwalo. Upile ni Lona. Li beye fa musamo wa hao.  
Usike wa Li libala. Pila ni Lona. Mulimu ami fuyole cwale.

Muzwale Nevile, mulisana wa mina.



*LISWAYO LA PILI* LOZ63-0318

(The First Seal)

MUKOLOKO WA SINULO YA MASWAYO ASUPA

Liñusa le ka Muzwale William Marrion Branham, neli kotalizwe lwa pili mwa Sikuwa la Mubulo manzibwana, Liatamanyi 18, 1963 ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

**VOICE OF GOD RECORDINGS**

**P.O. Box 950, JEFFERSONVILLE, INDIANA 47131 U.S.A.**

[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buńata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleni ku sina tumelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)